

禹

貢

班

義

述

尙書與春秋皆出於古之史官漢書藝文志列太史公書於春秋之後是古人之史學與經學其本同也史記以外莫古於漢書天文五行志衍洪範之傳地理溝洫志釋禹貢之義而禹貢之言地較諸洪範之言天尤有明徵乃自來解禹貢者未嘗專述班氏之義孫氏尙書今古文注疏以史記夏本紀與馬鄭之注並列而漢志則僅載於疏中焦氏禹貢鄭注釋以漢志與鄭注相參究非以班義爲主惟同郡成君芙卿所撰禹貢班義述全據地志實專門名家之學頃以稿本見示屬爲序文竊謂班氏之經學夙有師承其從祖伯受尙書於鄭寬中張禹又講異同於許商其父彪與尹敏親善每相遇輒日盱忘食寬中師張山拊傳小夏侯氏尙書商師周堪傳大夏侯氏尙書皆今文之

學也禹師庸生傳孔安國之尙書此古文之學也敏初習歐陽尙書後受古文則兼有今古文之學矣後漢書固傳傳其所學無常師良以家世之淵源父執之講習於今文古文之學均能擇善以從故地理志中旣引桑欽之說亦引平當之說欽師惲子真傳孔氏古文之學當師林尊傳歐陽氏今文之學蓋班氏之釋禹貢所采博而所擇精矣鄭康成爲漢代儒宗於今文古文之學無不通貫其注禹貢地名多從地理志然則釋禹貢者孰能越班氏之範圍哉笑卿之輯此書於今文古文之同異莫不縷析條分卽鄭注與班義偶殊者必一一爲之辨證而班義與經文不合者亦不曲護其非洵可謂引史證經實事求是者矣昔人謂顏注爲班氏功臣識者以爲過情之譽惟移贈此書

有識而禹貢山水澤地所在云東陵地在廬江金蘭縣西北屬
道元江水注卽援漢志釋尚書辭氏季宣書古文訓蔡氏沈尙
書集傳反譏漢志爲非均失之矣近阮氏元肇經室集牽合漢
志全罔西北之東陵鄉及續漢志廣陵之東陵亭至謂舒城爲
東陵之首江都爲東陵盡處彌支離不足辨云若朱虛之汶水
志有兩汶萊蕪汶禹貢
河與若充之澧水經又東至于澧史記夏本紀漢書地理志及
此別若充之澧水馬鄭王本並作醴鄭注云醴陵名也王氏鳴
盛尙書後案云鄭例以言至于者皆非水名故也據此則志所
云武陵郡充歷山澧水所出東至下雋入沅者與經曾不相涉
自馬王偽孔以澧爲水名而若南廣之符黑水犍爲郡南廣汾
孔疏以下多從之失經例矣若南廣之符黑水關山符黑水所
出北至樊道入江符黑水今之宋江道水之例
也蔡傳據以釋道川之黑水蓋非若河關之積石有三言水
不言所出山則第云道某水如道弱水道黑水道沅水是山水
竝偶而先言山後言水則云某山道某水如嶧冢道養嶧山道
江是若先言水後言山則必繫以自云道某水自某山如道淮
自桐柏道渭自鳥鼠同穴道雒自熊耳是故鄭君云凡言自者
發源于上未成流道河先言河後言積石當加淮渭雒之例日
道河自積石而經不云自者明積石非河所出山也雍州浮于
積石謂貢道也昆侖析支渠叟在今青海南境迤西自西頃以
西至巴顏喀喇以東皆是貢道言浮積石則當在西頃東北禹

貢山水澤地所在云積石山在隴西河關縣西南是也而近今
圖志乃以同本你麻禪母孫山唐書吐蕃傳所稱紫山虜日悶
摩黎山元史地理志河源附錄所稱大雪山一名亦耳麻不其
刺譯言騰乞里塔者目爲禹貢之積石蒙謂西頃以西皆非禹
跡所至觀于道中係山始西頃而不從積石起則積石之不在
西頃西可知圖志並誤若漢志金城郡河關積石在西南羌中
此則今之巴顏喀喇山河重源之所發也故西域傳云蒲昌海
池也布潛行地下南出積石爲中國河後漢書段熲傳追西羌
至河首積石山成公子安大河賦出積石之嵯峨釋氏西域傳
河自蒲昌潛行地下南出積石新舊唐書吐谷渾傳侯君集與
江夏王道宗望積石山觀河源皆卽此竊意此積石之名當起
于漢孝武元鼎六年李息徐自爲平羌以後班氏因而載之蓋
以綴漢代之山非謂卽禹貢之積石也若以是爲禹貢積石則
似反出昆侖析支渠叟西矣貢安得浮于此邪故志不綴以禹
貢自海內西經有云河水出崑崙東北西南流入渤海又出海
外卽西而北入禹所導積石山淮南子陸形訓因之而高誘鄭
元遂以河出積石爲禹所導于經例竟其能辨不知山海經畧
多荒誕本不足據卽其西南西北方鄉已誤遑論其他乎高鄭
之譏益出孟堅下矣徐氏松西域傳補注云傳謂重源出於積
石仍因山海經之訛蓋未明巴顏喀喇乃漢代積石非禹貢積
石而妄疑若驪成之大揭石右北平驪成大揭石山在縣西南
班氏也不云禹貢也禹貢山水澤地所在

碣石在遼西臨渝縣南水中注海水西侵歲月逾甚而苞其山故言水中又河水注漢司空掾王璜言往者天嘗連雨東北風海水溢西南出侵數百里故張君云碣石在海中善長家酈亭距臨渝縣五六百里當以目驗知之明此與大碣石了不相涉也故志于驪成不綴以禹貢且志述經文字作碣驪成下作揭經文碣石驪成大碣石也兩不相合說文碣特立之石東海有碣石山云特立之石是碣石不甚鉅志言大碣石山明非禹貢尤與水經張酈義合閭氏若璩古文尙書疏證江氏是尙書私學不從酈說而禹貢雖指三史拾遺地理志辭注乾隆府廳州縣圖志禹貢鄭注釋必欲以大碣石爲禹跡抑疏矣蔡傳謂歷世既久爲水所漸淪入于海說本不誤徐氏文靖禹貢會箋據漢志以駁之若騶之嶧山魯國騶嶧山在北李泰括地志張守亦誤會班愔節史記正義王應麟詩地理考通鑑地理通釋薛季宣書古文訓黃度尙書說並以當嶧陽孤桐之嶧蓋非是皆推衰漢世山川其名

偶同尙書或者不察而以之證經非班氏之愔也匪直此也襄德之洛卽漆沮菑之霍大山卽大嶽西之西漢水卽瀋然禹貢不云洛不云霍大山不云西漢水而志亦無漆沮大嶽瀋之目

故雖異名同實而未可廁諸綴禹貢之例也至如底柱大伾三危黑水之屬班志所闕尤未可以後出之義黷之也竊不自揣謹采禹貢古義存于漢志者依例編入循經爲次稽譌其說成禹貢班義述三卷而其傳述經字與夏本紀史記所述尚書字皆今文儒林傳孔氏有古文尚書孔安國以今文字讀之因以起其家又云司馬遷亦從安國問故故遷書載堯典禹貢洪範微子金縢諸篇多古文說據此則此五篇義皆古文說而字皆今文從孔讀矣故平在朔易伏生大傳作便在伏物歸格于藝祖作禰祖洪範作鴻範而五帝紀宋微子世家皆與之合五流有度五度三居鄭本作宅古文也而紀作度立政文王惟克宅厥心蔡邕石經亦正作度偶舉一枚尚書異者皆古文也王氏應麟漢藝文志攷二可例其餘古文尚書撰異謂史漢皆今文陳氏壽祺左海經辨難之日段氏堅執史漢引尚書悉用今文遂以地理志中之昭合古文者盡斥爲後人改竄竝古文十事明在禹貢者亦強目爲今古之異而謂非壁中之古文殆不可憑指斥段誤適中其窾并足緘厚齋之失故增攷焉昔鄭高密之釋禹貢山水也根據地理志者蓋

十七八是編之作竊亦師其意云惟是質性禱昧學殖荒落舟車所及不越千里雖閱歲者六易葉者四而疏略繆悠自知不免世有好學深思之士亮其孤陋董而正之道光庚戌十月寶應成蓉鏡識

攷輿地者必渹漢志而禹貢特甚先儒言之諱矣蒙竊以為欲

言禹貢當先明班氏之例志禹貢者凡三十有八

梁山龍門北條荆山

岐山澗水雒水析城王屋壺口瀘水桐柏大復南條荆山九江

荷水荷澤陶丘雷澤大陸衛水恆水汶水蒙山維水羽山彭蠡

恒水江沱蒙山嶧山養水烏鼠同穴西

禹治者凡一

水

文者凡十有一

許山終南敦物外方內方倍尾嶧陽震澤傳淺原豬埜流沙

皆述首所云推

襄山川以綴禹貢者也于桑欽言則七偁之

絳水漯水汶水淮水弱水漁澤障易

水此君長地理志文其中如絳漯汶弱四水即尚書古文家說

是可推而知也

或謂地志所引桑欽即說古文尚書文非別有地理志案水經河水篇又東北過高唐縣東酈

注引桑欽地理志曰漯水出高唐與平原郡高唐下所云桑欽言漯水所出正合

于平當則一偁之

津

攷儒林傳林尊事歐陽高為博士授平陵平當然則班氏亦兼

采今文說也有綴周官即綴禹貢者如華陰大華沾漳水華容

雲夢鉅壘大壘博岱山蓋沂水萊蕪苗水毗陵北江蕪湖中江是也有不綴禹貢而可知者如鄠鄠水盧氏伊水蒲反雷首壘王太行枝江江沱乘氏泗水是也夫志推表山川始禹貢訖秦

漢若盧氏之熊耳

道雒之熊耳志謂之豕領山熊耳注以下並以盧氏熊耳當之誤

若山陽之東

大行

古大行在丹水西其在丹水東者曰白陘即東大行也

若金蘭之東陵鄉

盧江郡金

東陵鄉淮水出

北山縣志

經決水注淮水導源

屬江金蘭縣西北

東陵鄉大蘇山金蘭前續志並闕若廬江郡

屬之故縣也據說文云

灌水出廬江雩婁北入淮是金蘭省入

雩婁雩婁縣省故附注

郡下雩氏循禹貢鄭注釋以為郡治非

鄭注之金蘭則後魏以前

所復置也雩婁故縣在今河南光州

商城縣東金蘭當在商城

東南百五十里外灌水即石槽河源出大

蘇山即漢志之東陵鄉在

商城東南五十里南距江三四百里

與道江至于東陵之文不合

又據經傳至于東陵東連鄭注謂

東連者為南江即石城分

江水在今安徽池州府貴池縣西東

陵當去東連處不遠西北

距東陵鄉亦三四百里然則東陵鄉

非斥禹貢東陵甚明鄭注

及蘇氏軾東坡書傳率本地志于東

陵則闕如胡氏渭禹貢雖

指亦云東陵鄉非禹貢之東陵斯為

斯爲名副其實耳況班義顯而經義益明觀此書者當益信深
於經學者未有不精於史學也夫咸豐辛亥季冬儀徵劉文淇
撰

禹貢班義述卷上

寶應成蓉鏡撰

堯遭洪水襄山襄陵天下分絕爲十二州使禹治之水土既

平更制九州列五服任土作貢

述曰此古文說也云堯遭洪水襄山襄陵者堯典湯湯洪

水方割蕩蕩懷山襄陵是其事矣洪水史記夏本紀鴻水滔

天宋微子世家鯀陞鴻水蔡邕石經殘字口伊鴻水觀彙並

作鴻水又宋世家洪範皆作鴻範與大傳同是古文作洪今

文作鴻也襄夏紀作懷襄古文懷今文也說文水部洪洚水

也洚水不遵道也鳥部鴻鴻鵠也衣部襄俠也襄襄也又祛

篆下云襄者襄也心部懷念思也並古文用本字今文用假

借師古曰襄字與古懷字同語未明枚顧本尙書作洪懷云

天下分絕爲十二州者堯典肇十有二州鄭注舜以青州越

海而分齊爲營州冀州南北太遠分衛爲并州燕以北爲幽

州新置三州并舊爲十二州但肇十二州雖是舜然是時舜

攝政堯尙在故云堯遭洪水分絕爲十二州也漢書王莽傳

惟在堯典十有二州谷永傳永奏曰堯遭洪水之災天下分

絕爲十二州皇甫謐帝王世紀堯遭洪水分爲十二州今虞

書是也及禹平水土還爲九州今禹貢是也規鄒國沈約宋

書州郡志唐堯之世置十有二牧及禹平水土更制九州並
本古文說視大傳作兆鄭訓營域義爲長矣師古曰水中可
居者曰州洪水汎大各就高陸人之所居凡十二處是洪水
襄山襄陵天下分絕爲十二州之義也故陳氏祥道禮書云
禮言共工霸九州黃帝書言地有九州則堯以前九州耳至
舜之時洪水泛濫肇十有二州及水土旣平禹又卽舊域而
辨之以爲九州故書言禹別九州傳言貢金九牧則肇十有
二州不在治水之後矣武氏億羣經義證云吳越春秋帝堯
之時遭洪水滔滔天下沈積九州闕塞四瀆壅閉故于是時
因九州之迹水勢汨沒川瀆已復異位堯乃權宜置之汲郡
古文初建十有二州係在帝堯八十七年其後水土旣平書
復九州係在帝舜三十三年是其徵也今案班氏白虎通議
云何知堯時十有二州也以禹貢言九州也尤與此合據下
云使禹治之更制九州則分十二州在前制九州在後馬融
乃以爲禹平水土置九州舜分爲十二州在九州後傷孔傳
及房喬晉書地理志張華博物志鄭樵通志從之馬融臨文
獻通考何異孫十一經問對復謂堯時禹別九州舜攝位分
十二州禹後又復爲九而杜佑通典反斥孟堅之誤王氏應
麟通鑑地理通釋云舜典言肇十有二州咨十有二牧而後
命禹平水土當以漢志爲正又玉海十七引易氏周禮記曰
舜典始言肇十二州次言咨牧然後命禹平水土其序可攷
班固之言所以發明置州之意是也近王氏鳴盛尙書後案

亦以地理志爲疑謂當從馬鄭不知鄭義正與班同云使禹
治之水土既平更制九州者堯典帝曰俞咨禹汝平水土及
禹貢所載是也漢書食貨志禹平洪水定九州制土田各因
所生遠近賦入貢裴林之奇尙書全解云孫氏曰共工氏之
霸九州也其子曰后土能平九州則自堯舜禹以前天下經
界亦分爲九州各復其舊是其義但此時堯已禪位使禹治水
經界使九州各復其舊是其義但此時堯已禪位使禹治水
者舜故夏紀亦云舜舉鯀子禹而使續鯀之業班氏述古文
說義當與史記同不云舜者文略也云列五服任土作貢者
史公說禹貢之義曰令天子之國以外五百里甸服甸服外
五百里侯服侯服外五百里綏服綏服外五百里要服要服
外五百里荒服此安國義班意當亦同也任土作貢亦見書
序鄭注任土謂定其肥磽之所生周官載師掌任土之灋注
任土者任其力勢所能生育且以制貢賦也錢氏站地理志
斟注貢書篇名案書序傳云任其土地所有以定其貢賦之
差顏師古地理志注同溝洫志隨山浚川任土作貢注亦同
且據上所引食貨志
亦是貢賦錢說殆非

禹敷土 述曰敷史記夏本紀作傳敷古文傳今文說文敘曰脩
書孔氏古文而支部引周書日用敷遺後人是敷爲古
文也洪範用敷錫厥庶民宋世家作傳是傳爲今文也段氏玉
裁古文尙書撰異云地理志今本作敷蓋亦後人所改作傳土

者今文尙書作敷土者古文尙書也案段謂今文尙書作傳古文尙書作敷是也其云地理志敷淺人所改蓋誤以漢志爲今文不隨山栳木述曰隨夏紀作行此史公從孔安國問故而用可從隨山栳木之以代經文者也說文栳槎識也从木夙關夏書曰隨山栳木栳篆文从开段氏玉裁說文解字注槎識者裏所以爲表志也如孫臏所大樹白而書之日龐涓死此樹下是其意禹貢隨山栳木壁中古文作栳今文尙書作栳史漢所引禹貢作栳故知今文尙書作栳也案段謂古文作栳今文作栳近是但據漢志栳字斷爲今文則非蒔氏泮林云今漢志作栳者栳栳形相近班氏本作栳後人誤改作栳是也唐元度九經字樣木部引書曰隨山栳木江氏聲本經文亦作栳與古文合夏紀作表亦安國故也班作栳與史公許氏義同蘇氏軾東坡書傳行山多迷刊木以表之且以通道史記云行山表木江氏聲尙書集注音疏栳槎識也謂槎其木爲表識以表其道也說文槎斫也識與志同木新斫處色白遠望見之能知其處是可記志孫氏星衍尙書今古文注疏刊爲表者周語云道無列樹注云古者列樹以表道刊蓋削而識之故師古注地理志亦云刊斫其木以爲表記枚頤本尙書作刊案說文刊剡也義別

冀高山大川

述曰冀夏紀作定訓故字

冀州既載壺口河東郡北屈壺口山

在東南

述曰鄭注地理志壺口山在河東北屈縣之東南水經禹貢山水澤地所在壺口山在河東北屈縣東南司馬

彪續漢書郡國志河東郡北屈有壺口山並本班義北屈故縣
在今山西平陽府吉州北據漢志鄭注水經壺口當在吉州東
南近人謂在州西南其誤自唐李泰始史記正義引括地志云
壺口在慈州吉昌縣西南五十里吉昌吉鄉皆今吉州治而州志及胡
氏渭禹貢維指蔣氏廷錫尚書地理今釋並謂在州西南七十
里尚書後案地理志斟注同山西通志復謂在州西七十里案
諸書所指為壺口者即古之孟門山尸子呂覽淮南子所云河
出孟門之上者也或分在北者為孟門在南者為壺口者非是
尚書全解引曾攸云地理志謂壺口在北屈之東南而酈道元
謂孟門在北屈之西南則壺口孟門之東山是也雖指反以漢
志東南為誤疏矣尚書今古文注疏知吉州西南七十里之壺
口與漢志不合而謂北屈在吉州西亦失之師古曰壺口山在
河東孔疏班固作漢書地理志據前漢郡縣言山川所在志云
壺口在河東北屈縣東南皆依據班義為說蘇氏軾東坡書傳
傳氏寅禹貢集解朱氏祖義尚書句解並本漢志毛氏晃禹貢
指南既根據志文而復引九域志上黨壺口為證殊舛蔡氏沈
書集傳從漢志本不誤徐氏文靖禹貢會箋以山海經水經注
平山一名壺口山者箋之且誤

西北右扶風美陽岐山在西北

述曰爾雅釋山梁山晉望也史記集解詩正義引鄭注云地理

治梁及岐左馮翊夏陽梁山在

志梁山在左馮翊夏陽岐山在右扶風美陽西北禹貢山水澤地所在梁山在馮翊夏陽縣西北河上岐山在扶風美陽縣西北並與志同惟鄭于夏陽下少西北二字鄭注久佚據韓奕箋梁山今左馮翊夏陽西北知書注當亦然其不云西北者尙書後案以爲轉引誤脫是也續漢書郡國志亦云左馮翊夏陽有梁山右扶風美陽有岐山而水經傳馮翊扶風者兩漢皆左馮翊右扶風至魏乃去左右字水經成于魏初故不言左右耳鄭道元注水經河水篇又南出龍門口云昔者大禹導河積石疏決梁山謂斯處也卽經所謂龍門矣梁山晉之望也在馮翊夏陽縣之西北春秋穀梁傳曰成公五年梁山崩善長此說與漢志合又渭水注云岐水逕岐山西又屈逕周城南城在岐山之陽而近西所謂居岐之陽也又歷周原下北則中水鄉成周聚水北卽岐山矣中水鄉成周聚卽志下文所云中水鄉成周聚所邑者是雖未明言禹貢然水經記禹貢山水亦本漢志而歸無疑駁知善長亦從班義矣書正義引鄭注云於此言治梁及岐者蓋治水從下起以梁岐皆在雍州而於此冀州尙書集注音疏申之云鄭以梁岐皆在雍州而於此冀州尙書集注地理志而復申言之以爲治水自下起以襄水害易蓋以經屬冀州而扶風馮翊則在雍州恐後人疑惑別起異端故疏說其義而梁岐爲雍州之山可決矣故孔傳曰壺口在冀州梁岐在雍州從東循山治水而西孔疏曰志云壺口在北屈東南梁山

在夏陽西北然則壺口西至梁山梁山西至岐山從東而向西
言之也顏師古地理志注亦云禹循山而西治眾水蓋唐以前
無易班氏義者至宋晁說之始以離石呂梁介休狐岐當之誤
齡覲註甄蔡傳以下多從其說近朱氏鶴齡禹貢長箋沈氏
形尚書小疏方氏觀承五禮通考附案皆申蔡難傳而禹貢會
箋于梁則主夏陽于岐則用狐岐而皆詆孔傳岐梁在雍州爲
非今案東坡書傳禹貢指南並云梁山在夏陽縣西北岐山在
美陽縣西北梁山岐二山在雍州今于冀州言之者豈當時河患
上及梁岐乎尚書全解云漢地理志曰梁山在夏陽西北岐山
在美陽西北蓋壺口在河之內乃屬于冀州梁在河之外故屬
于雍州言冀州之水而及于雍梁岐者曾氏旼曰呂不韋曰龍
門未開呂梁未鑿河出孟門之上大溢逆流名曰洪水河出孟
門之上則其東之壺口其南之梁山其西之岐山皆鑿于水矣
蓋壺口梁岐一役也其施功皆同時不可分言于二州閻氏若
璩尚書古文疏證云禹他日導山由岐至荆逾河而東抵壺口
茲治畿內水患由壺口渡河而西而梁山而岐山正相合也禹
貢維指云尸子呂氏春秋淮南子皆言龍門未闢呂梁未鑿河
出孟門之上使呂梁果在離石縣北嶺嶺縣則西南距孟門
六七百里未鑿不足爲其害三子先言龍門次言呂梁其爲夏
陽之梁山無疑蔡氏所指呂梁在今永甯州東北本名骨脊山
去河一百五十餘里狐岐在今孝義縣西一名辭頤山去河三
百三十餘里安得謂河水所經而治之以開河道乎治梁已畢

若身遽渡河而東則東方之事正多不能速還治雍當在數年
之後而梁岐之間其于帝都事勢當日必有甚切而不容緩者
四庫全書總目禹貢長箋提要云岐實雍地當時水之所壅
惟雍爲甚故治冀必先治雍而後壺口可得而疏孔傳所云最
爲明晰鶴齡所以反其說者殆以冀州之中不當及雍地不知
荊州云江漢朝宗于海荆固無海亦不過推江漢所歸言之耳
卽此可以爲例又何必斤斤致疑乎尙書後案云禹治壺口梁
山以殺河勢及岐者正謂治汧漆諸水以入渭也禹貢鄭注釋
云志龍門梁山同在夏陽鑿龍門卽治梁山也梁山旣治而河
水南下必且四潰乃治岐使渭水挾關中諸水之力從西來逼
之所以平冀州之水也諸說皆足以發明班氏之指黃氏度尙
書說雖本漢志而又謂梁岐禹貢皆屬冀孔氏曰雍州山據漢
言也則失之夏陽括地志云在同州韓城縣南二十里太平寰
宇記云韓城縣西南二里陳循寰宇通志云郃陽縣東四十里
大清一統志云同州府韓城縣南今案水經河水篇云又南
出龍門口注河水又南岬谷水注之水出梁山東南流橫溪水
注之水出三梁山又東南逕夏陽縣故城北河水又南右合陶
渠水水出梁山東南逕夏陽縣故城南據此則夏陽故縣在橫
溪陶渠二水之間注敘二水在龍門後而經稱河水又南過汾
陰縣西注稱河水又逕郃陽城東並在下文然則夏陽故縣在
今韓城縣西南無疑寰宇記謂在韓城西南二里雖嫌其太近
然西南之義自不可易括地志一統志並謂韓城縣南則渡入

河中寰宇通志謂郃陽縣東則又在汾陰縣南界亦與水經不
合梁山今自郃陽縣西北迤北抵韓城西北之麻綾嶺皆是雍勝
畧梁山在郃陽縣西北四十里東西橫亘逶迤最遠望之如屋
梁美陽太平寰宇記扶風縣本漢美陽縣地今京兆府武功縣
北美陽故城是也案水經渭水注雍水又南逕美陽縣西又南
流注于渭以地望測之當在今陝西乾州武功縣東南寰宇記
云縣北非也岐山師古曰岐山在美陽卽今之岐山縣箭括嶺
也括地志寰宇記則以天柱山一名鳳皇堆者當之太平御覽
四十引圖經亦云岐山亦名天柱山按文選西京賦辭綜注云
岐山在美陽縣界山有兩岐因以名焉今鳳皇山在岐山縣北
十里一峯如柱故名天柱與兩岐之義不合箭括嶺今名箭括
山在岐山縣東北六十里嶺顚有缺故名箭括以兩岐之說按
之正相符會中水鄉今在箭括嶺之陽志以爲周既脩大原至
大王所邑亦與孟子邑于岐山之下義合尤確證

于嶽陽
述曰說文山部嶽从山嶽聲重文因解云古文象高形
故尙書作岳陽釋文云岳字又作嶽按古今文皆作嶽

毛子詩爲古文而崧高維嶽維嶽降神及河喬嶽字並作嶽知
古文作嶽也故漢志作嶽嶽嶽陽大嶽夏紀作嶽而堯典四岳五
帝紀並作嶽又觀四岳羣牧五帝紀郊祀志同作見四嶽諸牧
故知今文亦作嶽也或疑說文古文作因則嶽不得復爲古文
按許氏敘云倉頡之初作書依類象形謂之文以迄五帝三王
之世改易殊體說文因象高形當是倉頡古文若孔壁古文作

嶽者卽敘所云五帝三王之世改易殊體者也據下云大史籍著大篆與古文或異則雖改易殊體而亦得爲古文故孔子書六經頗用之孔壁古文作嶽倉頡古文作囧不必以彼而疑此也覃懷底績述曰據上襄山襄陵作襄則此亦當作襄懷蓋顏本之誤夏紀作懷今至于衡章上黨郡長子鹿谷文也底績夏紀作致功故訓字

山濁漳水所出東至鄴入清漳沾大甌谷清漳水所出東北至

邑成入大河過郡五行千六百八十里

述曰說文漳水名从水章聲夏紀攸尙書並作

漳志作章者蓋古文省借攷工記畫績之事山以章鄭讀爲獐經文作章周官追師注引詩追琢其璋蓋出三家毛作章是其例章古文漳今文也斥漳縣兩漢志並作章蓋依古文爲之長子李吉甫元和郡縣志云今潞州長子縣漢舊縣在今山西潞安府長子縣西鄴水經濁漳水又東出山過鄴縣西注漳水又東逕梁期城南地理風俗記曰鄴北五十里有梁期城故縣也梁期城在今直隸廣平府磁州東其南五十里則河南彰德府臨漳縣西南境漢鄴縣故城當在其地案交漳口在今涉縣東南距鄴甚遠以漢縣攷之交漳口在鄴會西北疑志本作東至邯鄲會入清漳傳寫者脫去會字遂誤邯爲鄴耳邯會今在安陽縣西北沾水經洞過水出沾縣北山是沾在洞過源南矣大清一統志云沾縣故城在今山西平定州樂平縣西南三十里

樂平今廢故址在州西南五十里然則漢沾縣在州西南八十里邑成書疏史索隱引作阜成卽渤海之阜成鄭注誤以爲安平阜成而尙書集注音疏尙書後案禹貢鄭注釋遂云當爲昌成昌成故縣在今冀州西北如其說則西漢大河當由今開州西北北逕元城邱威廣宗南宮諸縣至冀州西北會漳水攷溝洫志云自塞宣房後河復北決於館陶分爲屯氏河東北經魏郡清河信都勃海入海又云元帝永光五年河決清河靈鳴犢口地理志亦云清河郡靈河水別出爲鳴犢河東北至蓊入屯氏河館陶靈蓊皆在邱威以東則西漢漳水不得于昌成注河明甚孔疏引地理志云清漳水出上黨沾縣大黽黽作谷東北至渤海阜城縣入河本不誤故東坡書傳林尙書解傅集解蔡傳及易氏祓禹貢彙理記觀書並從之後案譏孔疏名同誤合非也阜成在今直隸河間府阜城縣東鹿谷山山海經水經謂之發鳩山淮南子謂之發苞山魏書地形志謂之廉山括地志謂之力黃山縣志謂之長子西谷山西通志發鳩山在長子縣西五十里盤踞三十一里西至橫水村十五里東至川口村九里水經注鹿谷山與發鳩連麓而在南今此山在長子縣西五十餘里山有四星池土人謂曰靈湫卽濁漳水之源也大黽谷王氏念孫讀書雜誌云黽當作𪔐字之誤也𪔐卽要領之要北地郡大𪔐縣師古曰古要字是其證說文清漳出沾少山大要谷水經清漳水出上黨沾縣西北少山大要谷是大𪔐爲大𪔐之譌山海經少山清漳之水出焉山在故樂平縣西南二十

曰利濟渠漳津故瀆水斷舊溪東北出涓流濞注而已尙書所
謂覃懷底績至于衡漳者也禹貢雖指漢志鄴縣東有故大河
北入海又廣平丘章縣注應劭曰漳水出治北入河通典云衡
漳入河在肥鄉界蓋河由鄴東而北漳從鄴北橫流至肥鄉丘
章二縣界入河故酈氏以爲禹貢之衡漳也蓋禹時漳水至此
入河至周定王五年河徙自頓邱東南東行漯川又東北至長
壽津始與漯別行而東北合漳水漳水由斤漳行故河瀆東北
流過曲周鉅鹿堂陽諸縣至成平乃入河酈于過成平下注云
又東北入清河謂之合口然則漢志所云清漳東北至阜成入
大河者卽此地矣志明云入大河而通鑑地理通釋乃云周定
王五年河徙而東故漳水不入河而自達于海段氏說文注以
爲臆度是也黃氏尙書說云地理志曰漳水入河然則漢世河
道未盡改漳猶入河也足以正其誤過郡五謂上黨魏郡廣平
鉅鹿信都也要而論之水經自鄴以上皆禹故道自列人至成
平皆周定王五年河徙漳行河瀆之道自亡新始建國三年辛
未禹河再徙改從于乘入海而故阜成以下大河故瀆皆爲漳
水所占矣今自磁州南以西猶是水經由發源至東出山之道
皆禹迹也以東則否以漢志故道言之今漳水所經唯上黨魏
二郡厥土惟白壤述曰厥夏紀作其故訓字也厥賦上上錯述
而已無厥字收尙書從班氏而于厥田中中述曰夏紀無厥字
賦下沾惟字與古今文皆不合

亦于山下
恆衛既從常山郡上曲陽恆山北谷在西北恆水所
沽惟字

出東入澧靈壽衛水出東北入庠沱述曰恆夏紀作常上曲陽水經澧水注長星水東逕

上曲陽縣故城北本岳牧朝宿之邑也秦立縣城在山曲之陽
是曰曲陽有下故此爲上矣案戰國策全趙之時下曲陽爲燕

故十三州志亦云常山有上曲陽故此云下括地志上曲陽故
城在今定州曲陽縣西曲陽卽今縣治隋書地理志云上曲陽

後齊去上字元和志高齊天保七年始除上字寰宇記舊城在
今縣西北縣志在縣西北十里恆山卽道山之恆山堯典所謂至于北岳

府靈壽縣西北十里恆山鎮曰恆山爾雅釋山河北恆又云恆
者也周官職方并州其山鎮曰恆山爾雅釋山河北恆又云恆

山爲北嶽管子恆山北臨代南俯趙東接河海之間郡國志中
山岡上曲陽故屬常山恆山在西北禹貢山水澤地所在云恆

山爲北嶽在中山上曲陽縣西北太平御覽地十八引晉太康
三年地記云常山曲陽有恆山坂號飛狐口釋曰括地志恆

山在定州恆陽縣西北寰宇記北岳恆山在定州曲陽縣西北
四十里太平御覽三十九引常山圖經曰北岳恆山在縣西北

一百四十里韓琦岳廟碑云恆山一名大茂山恆山北谷卽水
經澧水注所稱恆山北阜者是當在今阜平縣東北明馬文升

乃建言渾源州之元岳爲恆山水經澧水篇又東南過中山上
曲陽縣北恆水從西來注之先言過上曲陽北然後言恆水注

之則恆水入滹當在今曲陽縣北酈注滹水又東逕左人城南
又東恆水從西來注之又東逕中人亭南左人中人並在唐縣
西北恆水入滹在左人中人之間亦當在唐縣西北 大清一統
志引舊志云有橫河在曲陽縣北源出恆山東南流入滹卽恆
水與漢志水經合地理今釋以沙水一名大派河當之蓋誤陸
氏隴其衛水尋源記靈壽縣治東北十五里有良同村衛水發
源於其北卽禹貢恆衛既從之衛水也由良同村東南流四十
里而入於滹沱河孔疏引地理志與今本同惟入滹沱字異史
記集解引酈注云地理志恆水出並與班志同酈道元謂恆水注
恆水于常山國靈壽云衛水出並與班志同酈道元謂恆水注
滹自下滹水兼納恆川之通稱卽禹貢所謂恆衛既從也雖指
接此證曲陽以下之滹本名恆靈壽以下之滹沱本名衛齊氏
召南尚書注疏考證從之而會箋對注亦云恆卽滹方氏徵承
日恆入滹衛入滹沱自古而然諸書無異獨雖指謂恆卽滹衛
卽滹沱蓋以今恆水由唐縣入滹衛水由正定縣入滹沱源流
甚近不足當禹功荒度故以蔡傳稱小水者爲非不知滄桑異
勢泥今論古多有未合康熙二十三年陸清獻宰靈壽爲衛水
尋源記適歲旱源竭以爲非但無唐虞之汎濫比班孟堅酈道
元之時亦迥然不侔又謂今松陽淤泥慈溪諸河皆近於衛安
知禹時不同匯於此豈可據目前所見而遙斷數千年以前之
形勢此真大儒之言王氏鳴盛日據漢志恆入滹衛入滹沱而
四水截然不相假借鄭但云恆出恆山衛出靈壽其他無所考

及二水原流甚短大約不過在東西數十里之間蓋不施功者雖大亦略施功者雖小必記禹貢例如此鄭注非古義案二說是也志恆水衛水綴以禹貢而于澹河序沱河則否尤確證

在北述口作夏紀作爲故訓字史記集解引鄭注云大陸澤在鉅鹿郡國志鉅鹿郡鉅鹿故大鹿有大陸澤並本班志周禮疏引鄭注云爾雅釋地十數晉有大陸案爾雅孫炎郭璞注並云今鉅鹿縣北廣河澤呂氏春秋有始覽淮南子墜形訓晉之大陸趙之鉅鹿高誘注大陸魏獻子所游焚焉而死者是也鉅鹿廣阿澤禹貢大陸卽趙之鉅鹿爾雅晉有大陸卽呂覽淮南所傳晉之大陸鄭氏援爾雅以釋禹貢孫郭以廣河澤釋爾雅並失之矣據鄭志荅張逸云鉅鹿今廣河澤知禹貢注尙是未定之論但河當作阿廣阿亦鉅鹿郡縣故元和志云昭慶縣本漢廣阿縣廣阿澤在縣東二十五里故縣取名焉鄭元注濁漳水謂自甯迄於鉅鹿出於東北皆爲大陸亦誤近尙書今古文注疏知鄭氏調停之非而仍主修武之大陸爲說攷河渠書溝洫志並云禹以爲河所從來者高水湍悍難以行平地乃斷志云樛嶺二渠以引其河北載之高地過降水至于大陸厥二渠在今潞滑二縣境降水大陸皆在其北其非修武大陸甚明維指云冀州有三大陸一在鉅鹿郡北班固繫諸禹貢此真禹貢之大陸也一在河內修武一在太原郭縣皆非禹貢之大陸是也

皇朝通志及齊氏召南水道提綱並云北泊卽古

大陸澤一統志畿輔通志顧氏祖禹方輿紀要黎氏世序續行
水金鑑以南泊當之蓋非而畿輔安瀾志兼用北泊南泊以當
大陵尤失之鉅鹿故縣卽鳥夷皮服述曰大戴禮記史記五帝
今直隸順德府平鄉縣治鳥夷皮服本紀並有鳥夷鄭王本尚
書皆作鳥夷皮服與班志合今本夏紀作鳥據五帝紀知本亦
作鳥作鳥者後人所改也古今文並作鳥古文尚書撰異云夏
本紀地理志皆云鳥夷皮服然則今文尚書亦作鳥也段謂夏
紀作鳥是也其以地理志鳥字爲今文則誤矣今枚本尚書作
鳥夷據正義曰孔讀鳥爲鳥則枚本經文本亦作鳥今作鳥古
文尚書撰異以爲衛包改者近是賈氏昌朝羣經音辨鳥部云
鳥海曲也當考切書鳥夷臧氏琳經義雜記據此謂北夾石碣
宋孔傳尙作鳥字是也然鳥之誤鳥自唐石經已然矣夾石碣
石入于河述曰河夏紀作海按河字是也徐廣曰沛河惟兗州
述曰沛夏紀作濟充作沆枚書作濟充按說文沛沆也从水東
聲濟水出常山房子贊皇山東入沆從水齊聲分別甚明故師
古曰沛本濟水之字从水東聲爾雅釋地濟河閒曰兗州釋文
云沛本又作濟據此則古本爾雅尙作沛應劭風俗通義說四
瀆曰濟出常山房子贊皇山東入沆則誤以濟爲沛故臧氏謬
之然其故由于沛東流爲沛周官川曰河沛皆作沛河南郡滎陽有
狼湯渠首受沛東郡臨邑有沛廟壽良沛上有胸城陳留郡封

丘濮渠水首受沛泰山郡萊蕪水所出東至博昌入沛汶水
出西南入沛齊郡臨淄如水西北至梁鄒入沛亦皆作沛而常
山郡房子贊皇山石碣碑志濟水所出字獨作濟分用畫然
與說文合惟濟陰濟南濟陽之屬並作濟則以郡縣之名例不
得改今以從古也故夏紀用今文亦作濟王氏應麟漢藝文志
攷證以漢書沛河列於古文又通鑑地理通釋云濟職方漢志
說文作沛今禹貢从水从齊乃字之誤當以古文為正皆是也
但濟是今文王氏謂為字之誤則小誤耳究據河東郡垣自注
沈水所出及下述經文道沈沈水字並作沈沈天志角亢氏沈州
字亦作沈則此亦當作沈說文台讀若沈州之沈字正作沈今
作究者錢氏大昕史記攷異云沈州本以沈水得名尚書作究
州由隸變立水為橫水又誤三為六耳案錢說是也枚書作究
後人因據改漢志古今文並作沈尚書古文攷證傳漢儒所引異字
作商州今文尚書作沈州非也藝文志攷證傳漢儒所引異字
有沈州與志合惟夏紀作維惟古文維今文頗師古匡謬
正俗云古文尚書皆為惟字今文尚書變為惟亦其證
九河
既道勃海郡成平庠沱河民曰徒駭河東光有胡蘇亭平原郡
鬲平當以為鬲津述曰爾雅釋水說九河云徒駭大史馬頰覆
九河皆禹所名也案漢書溝洫志述諸家論九河言人人殊王
橫言九河之地為海所漸此古文家說平當言九河今皆實滅

此今文歐陽之學許商以爲古九河之名有徒駭胡蘇鬲津今
見在成平東光鬲界中自鬲讀書雜志云以北至徒駭閒相去
二百餘里今河雖數移徙不離此域此今文大夏侯之學馮遠
言禹非不愛民力以地形有執故穿九河今既滅難明與平當
說同當本歐陽惟許商與地志合故郭璞注爾雅云徒駭今在
成平縣胡蘇東光縣今有胡蘇亭書疏亦云許商上言三河下
言三縣則徒駭在成平胡蘇在東光鬲津在鬲成平故縣一統
志云在今直隸河間府交河縣東案水經注成平縣故城在建
成縣北二城南北相直建成今交河縣東三十里既云南北相
直不得亦在交河東矣寰宇記成平故城在今瀛州景城縣南
二十里景城今交河縣東北六十里成平在其南二十里則當
在交河縣東北四十餘里東光在今縣東鬲在山東濟南府德
州北孔疏爾雅九河之次從北而南既知三河之處則大史馬
頰覆諸在東光北成平南簡絮鉤盤在東光南鬲北也故東坡
書傳林尙書解于欽齊乘並從許商閻氏若璩四書釋地續云
今平原迤北清滄之間雖爲樹藝城邑相望而地形河勢高隱
曲折往往可尋郝氏懿行爾雅義疏云今驗青滄景德之閒古
隄沙阜舊迹宛然故溝洫志載韓牧以爲可略於禹貢九河處
穿之縱不能爲九但爲四五亦有益而王橫言河入勃海勃海
地高於韓牧所欲穿處又言九河之地已爲海所漸此妄說也
韋註鄭注周時齊桓公塞之同爲一河今河圓弓高以東至
平原鬲津字樣往往有其遺處焉鄭氏齊桓塞河之說蓋本之

中候齊乾圖案漢書敘傳云商竭周移秦決南涯自茲距漢北
亡八支則緯善誠不足信矣然鄭云河間弓高以東至平原隔
往往有其遺處則不遠班指也志云河間國弓高庫池別河首
受庫池河東至平舒入海續書考輟云平弓高在今河間府阜
城縣西南按之地望徒駭先經弓高後逕成平近在百里之內
是班鄭義同也民日讀書雜志云當作或曰庫池徒駭爾雅義
疏云語倒聲轉禹貢鄭注釋云弓高濬沱所經鄭舉此正以濬
沱爲徒駭耳乃蔡傳云顯然謬誤者則班固以濬沱爲徒駭而
不知濬沱不與古河相涉故明錢氏概難之日班固以濬沱爲
徒駭未必無據禹時黃河北流西山諸水皆東注入河濬沱其
一也濬沱正在大陸北不得謂與古河不相涉鯢鮪姓難其二
而洪氏亮吉乾隆府廳州縣圖志猶以漢志爲疑何也胡蘇亭
水經注清河東至東光縣西南逕胡蘇亭太平寰宇記胡蘇亭
在臨津縣西南二十三里臨津在今南津縣西金日盜津故一
統志云寧津故城本漢胡蘇亭也平當漢書本傳云字子思以
經明禹貢使行河爲騎都尉領河隄亦見溝洫志但本傳以爲
成帝時事溝洫志則以爲哀帝初耳儒林傳云林尊事歐陽高
爲博士授平陵平當梁陳翁生由是有平陳之學然則志所云
平當以爲南津卽雷夏既澤濟陰郡成陽雷澤在西北述曰
今文歐陽之說也
孔疏蔡傳引作城陽案胡氏三省通鑑注云成陽縣與定陶濮
陽皆相近非城陽國之城陽也故陳氏師凱書蔡傳旁通以城

爲誤耳史記集解引鄭注云地理志曰雷澤在濟陰成陽周官
職方兗州其浸廬維注廬維當爲雷雍字之誤也雷夏在成陽
風俗通云韓詩內傳舜漁雷澤在濟陰成陽縣禹貢山水澤地
所在雷澤在濟陰成陽縣西北鄭氏廬子河注雷澤藪在大成
陽縣故城西北十餘里其陂東西二十餘里南北十五里卽舜
所漁也在瓠河之南成陽故城之西北陶墟之西南歷山之東
北郡國志濟陰郡成陽有雷澤注補引禹貢爲證括地志濮州
雷澤縣本漢成陽在州東南九十一里於本或雷夏澤在縣郭
外西北元和郡縣志雷澤縣因雷夏澤爲名在縣北郭外並與
漢志合惟元和志謂在縣北挽西字誤鄭云大成陽者北魏司
州濮陽郡成陽縣西楚州作城郡城陽縣恐其易溷故以大冠
之大成陽故城者卽漢成陽故縣也在今山東曹州府濮州東
南隋開皇十六年更名雷澤
唐濮州在今州東二十里 雍沮會同 述曰夏紀同枚本尙書
職方皆作雍與史漢合雍卽離之隸變也古今文皆不從水說
文離河離水在宋卽爾雅所稱水自河出爲離者也禹貢雍沮
與此別故後案云史記漢書及鄭周禮注引此並作雍此與蒙
縣離水本不相涉晉人始改作離遂生繆解而酈道元瓠子河
注合禹貢之離爾雅說文之離爲 桑土旣蠶是降丘宅土 述曰
一郭璞卽以禹貢釋爾雅並失之 桑土旣蠶是降丘宅土 夏紀
云於是民得下丘居士皆故訓字古文尙書撰異云風俗通義
日尙書民乃降丘度土此今文尙書也凡古文尙書宅字今文

尙書作度司馬所據今文尙書亦當作降丘度土度土作居土亦如度西曰柳谷作居西也是也撰異又云地理志宅土蓋用古文尙書改之義未確漢藝文志考證僞厥土黑墳述曰夏紀漢儒所引異字有云民降丘宅土與志合

中繇木條述曰說文巾艸木初生也象一出形有枝莖也讀若高彪碑狹狹生巾並以巾爲艸班書尤夥見禮樂五行志鼂錯

蘇武董仲舒司馬相如公孫弘趙充國貢禹魏相谷永揚雄貨殖王莽諸傳及敘傳日本山井鼎七經孟子考文古文考正作

巾與漢志合故師古曰巾古草字夏紀作草蓋古文以巾爲艸

今文以草爲艸也說文艸部繇艸盛兒从艸繇聲夏書曰厥艸

作繇惟繇作繇案夏書以下七字恐係後人屨入許氏傳書

古文艸草皆不合證一史記草繇木條漢志少繇木條惟枚本

尙書始作厥草惟天厥木惟條說文引書不得有厥惟證二古

今文並作絲大徐作繇殊乖段注雖知正鼎臣之誤而未悟厥

屨窳之故乃云許君引禹貢明從艸繇會意之指亦近誣矣厥

田中下述曰夏紀無厥字枚尙書賦貞述曰夏紀同枚尙作十

有三年迺同述曰年枚尙書作載釋文云馬鄭本作年夏紀亦

迺夏紀作乃說文乃曳習之難也象气之出難迺作也云驚聲也从乃省鹵聲蓋今文用本字古文用借字也爾雅釋詁迺

也此以本字釋借字殷敬順列子釋文云迺古乃字正謂乃古
文作迺也尙書乃字班書率引作迺如律厯志迺命羲和五行
志王迺言曰箕子迺言曰禹迺嗣興天
迺錫禹洪範九疇之屬是皆古文也
厥貢漆絲述曰夏紀

棐織文述曰棐夏紀作筐棐古文筐今文也說文棐輔也筐車
答也匪器似竹匱禹貢厥筐並當作匪古文作棐今文

作筐皆假借字藝文志攷證以漢書厥棐列
于古文是也食貨志遠近賦入貢棐亦作棐浮于沛潔平原郡

高唐桑欽言潔水所出東郡東武陽禹治潔水東北至于乘入

海遼郡三行千二十里述曰沛夏紀作濟潔紀同潔者濕之隸

發殘碑以顯寶玉顯作顯是或又省從累如緱民校尉熊君碑

君功顯宿著顯封受爵顯顯令德顯皆作顯是濕之變潔正與

此同潔非古文所有故董氏道廣川書跋云潔當作濕疑漢志

本亦作濕今本作潔者後人據夏紀收書改也漢書王子侯表

濕成侯忠景武昭宣元成功臣表濕陰定侯昆邪又驪望忠侯

冷廣以濕沃公士告男十馬政謀反濕卽濕之省漢孝堂山石

室畫象題字韓勅脩造孔廟禮器碑韓勅後碑平原濕陰字正

作濕是漢隸雖變古亦尙有作濕者濕古文潔今文說文濕水

出東郡東武陽入海桑欽云出平原高唐史正義引鄭注云地
理志云潔水出東郡東武陽說文及鄭所引地理志並云潔水

出東武陽漢志則但云禹治漯水說文引桑欽以存異義志言
漯所出則專主桑說揆斯兩義皆班氏爲長矣漯水出高唐此
桑欽地理志文見水經河水注考儒林傳孔氏古文尙書安國
授都尉朝朝授膠東庸生庸生授清河胡常少子常授號徐敖
敖授王璜及平陵塗暉子直授河南桑欽君長據此則桑
欽言卽古文家說禹貢鄭注釋說治梁及岐云禹貢言山水獨
此稱治河水湍急非有他水持之未可言治據此則班志于東
武陽特綴以禹治漯水正以明夫以漯持河之義也謝注本改
禹治作禹貢失之黃氏尙書說云地理志東武陽禹治漯水自
此始也高唐桑欽言漯水所出蓋據欽言漯道源高唐也尙書
地理今釋云漯水本出高唐至于乘入海自禹導河至大伾始
分河之一支源在史記禹貢二渠一則漯川東北流首經東武陽至高
唐合漯水自合漯水則高唐以南東武陽以北之河皆被以漯
名矣疑通班義斯爲明確酈道元據竹書紀年穆天子傳難桑
謂漯不得近出高唐尙書今古文注疏遂援以釋鄭注禹貢雖
指亦謂高唐漯水爲漯之再出者議桑欽惟知此而不知起東
武陽爲疏並非也閻氏若璩四書釋地析高唐東武陽漯水爲
二尙書後案以高唐之水爲漯水別支而漸注復謂漯水至高
唐縣西而與河合復出于河故桑欽言其所出不知此乃王莽
始建國三年禹河再徙之道非桑欽所得見是皆誤會桑惟禹
貢鄭注釋云志于高唐稱桑欽言於東武陽明其爲禹治是不
以高唐爲禹治第存桑欽之異說耳是亦誤會班情均失之矣

孔疏引志云漯水出東郡東武陽縣至樂安千乘縣入海案尙
書注疏考證云疏引地理志當云東北至于乘入海至上脫二
字樂安亦非原文千乘縣前漢爲千乘郡治後漢和帝時始改
郡名樂安也高唐故縣在今山東濟南府禹城縣西南東武陽
在曹州府聊城縣西千乘在今青州府高苑縣北黎陽在直隸
大名府濬縣東北古漯水由黎陽至東武陽逕濮陽頓丘成陽
鄆成范廩丘諸縣于今爲開州清豐濮州觀城范縣地由東武
陽至高唐逕陽平清聊城博平諸縣于今爲莘縣堂邑聊城博
平高唐地由高唐至于乘逕漯陰著鄒平建信諸縣于今爲濟
陽齊東青城地今自博平東北至禹城之徒駭河自濟陽以東
至入海之大清河猶是漯水故瀆其在濟陽以西禹城以東博
平以西濬縣以東則皆爲平陸矣過郡三三當作五蓋東郡濟
陰平原濬縣通于河述曰夏紀同是古今文皆作通故尙書作達
南千乘也通于河古文尙書撰異云凡古文尙書皆作達凡今
文尙書皆作通顧命用克達殷漢石經作通殷是可以得其例
漢書作通此可證今文尙書本如是案古今文並作通顧命達
殷自是僞古文漢志作通乃真古文段氏反據以爲今文作通之
證疏矣讀書雜誌沿其誤海岱惟青州秦
山郡博岱山在西北述曰岱卽泰山爾雅釋山河東岱堯典至
泰音近博縣故城在今山東泰安府治東北五里
嶧夷既略述曰說文士部壻
府治東南泰山在府治北五里

鹽曰宅隅夷則漢志當作隅今本作隅後人據枚書改說文山部隅篆下云一曰隅鑄陽谷也段注以爲今文今本史記作隅夷傳寫誤惟苗其道琅邪郡箕維水北至都昌入海過郡三行去金旁耳

五百二十里泰山郡萊蕪原山苗水所出東至博昌入海述曰

水部淮篆下引夏書曰淮苗其道據此則古文作淮夏紀云淮苗其道是今文亦作淮也今本漢志作淮者顧氏炎武日知錄云淮字或省水作維或省糸作淮又或从心作惟總是一字古人之文或省或借其旁並從鳥佳之佳則一後人誤讀爲淮沂其人之淮而呼此水爲槐河失之矣肇域志略同藝文志攷證以漢志惟苗爲古文知宋本亦作淮惟古文淮今文也苗枚書作苗說文無苗字其引夏書作苗者段注云漢志作苗古字也此苗蓋俗加水旁是也孔疏引地理志箕下有屋山二字當據補尙書注疏考證禹貢雖指據誤本漢志以難孔疏蓋非案以志例求之維水下當有所出二字詩正義史集解引鄭注云淮苗兩水名地理志云淮水出今琅邪箕屋山淮水出泰山萊蕪縣原山說文維水出琅邪箕屋山東入海不言苗水所出水經維水出琅邪箕縣淮山東北接沂水後居兩水至東武過東武縣西又北過平昌縣東又北過高密縣西又北過濰縣東又東北過臨淄縣東又東過利縣東又東北入于海並與志合惟苗水

入沛入海異耳禹貢長箋云淄水地志入沛水經入海者馬車
漬以下乃沛水入海處淄水入海之道與沛水正同非經志互
有齟齬也禹貢雖指云沛白馬車漬入海自金皇統中始前此
不爾也今案胡氏駁正長箋是也漢志兩言馬車漬一千乘郡
傅昌下云時水東北至鉅定入馬車漬一齊郡鉅定下云馬車
漬水首受鉅定東北至琅槐入海俱不涉沅水一字而河東郡
垣下但云沅水東至琅槐入海不言由馬車漬也于欽齊乘云
杜預謂淄入汶班固謂淄入濟桑欽謂淄入海惟桑氏爲有據
雖誤以水經爲桑欽著然謂淄入海爲有據則是也鄭樵通志
以杜爲正失之地理今釋云禹時淄水入海不入濟河渠書于
齊則通舊濟之門是二水不通可知蔡傳因漢書淄水入濟一
語遂云淄水東入濟非是案蔣氏謂禹時淄入海亦是也但班
志沛字自是今本之譌孔疏東坡書傳林尚書解禹貢指南尚
書句解引志正作入海黃氏鎮成尚書通考同故斟注以爲字
誤耳王氏樵尚書日記謂蔡傳作沛誤是也徐氏文靖主淄水
入海道與濟同之說因謂沛非誤字失之尚書古文疏證尚書
後案尚書注疏考證尚書校勘記反謂海爲誤疏矣全氏祖望
地理志稽疑據河渠書於齊則通舊濟之閒謂志所言卽齊所
通且云淄經流入海支流入濟志亦微有失並誤也箕縣故城
在今山東沂州府莒州西北屋山卽濰山亦在州西北淮南子
謂之覆舟山齊乘謂之清風山都昌在萊州府昌邑縣西過郡
三者琅邪高密北海也萊蕪在濟南府淄川縣東南原山俗名

馬耳山淮南子謂之節山齊乘謂之岳陽山厥土白墳述曰夏紀厥作

其海瀕廣述曰瀕即說文顯字夏紀作濱瀕古文濱今文也

地鹹鹵是鄭本作斥攷後漢書儒林傳云扶風杜林傳古文尚

書鄭立注解由是古文尚書遂顯于世又鄭立傳云從東郡張

恭祖受古文尚書鄭君傳古文尚書而其本作斥斥即廣之隸

變然則古文作廣可知漢志作鴻與夏本紀同者劉君毓崧云

班氏兼采今文也藝文志攷證僞漢儒所引異字有海瀕田上

廣鴻與志合志下文及溝洫志烏鹵並作易則又鴻之省

下述曰夏紀同枚書賦中上述曰夏紀同故貢鹽綸貢鹽綸述曰梅書

字夏紀當與志同今本有海物惟錯岱畎絲泉鈐松怪石述曰

厥字者後人據枚書誤增海物惟錯岱畎絲泉鈐松怪石鈐者

錯之隸變志當本作銘後人據夏紀萊夷作牧述曰作夏紀

改作述曰枚書作銘正剽竊古文用之萊夷作牧述曰作夏紀厥

契壓絲述曰夏紀厥作其契作倕壓作會按說文木部壓山桑

文可知又西都會酒味苦也今文作會蓋用假借字郭忠恕汪

簡云會古文壓出尚書藝文志攷證亦以史記會縣為古文皆

誤古文尚書撰異云壓古文尚書會今文尚書也班志不作會

者或班用正體或後人改易之案段謂壓古文會今文是也漢

志作屢不作會此正班用古文之明驗
段謂志用今文反疑後人改易疏矣

浮于汶達于沛泰山郡

萊蕪原山汶水出西南入沛桑欽所言

述曰達夏紀作通古文
尚書撰異讀書雜誌並

云達志本作通是也說文汶水出琅邪朱虛東泰山東入濰从
水文聲桑欽說汶水出泰山萊蕪西南入沛說文前說卽東汶
水與此汶別其後說引桑欽正與志合後案云志萊蕪下旣云
原山當水出云云其下卽云又禹貢汶水出西南入沛桑欽所
言是汶與當同出一山而異流也劉勰故鄭注云地理志汶水
出泰山萊蕪原山西南入濟郡國志云泰山郡萊蕪有原山劉
昭注補引杜預曰汶水出水經汶水篇云汶水出泰山萊蕪縣
原山又西南過奉高縣北屈從縣西南流過博縣西北又西南
過蛇丘縣南又西南過剛縣北又西南過東平章縣南又西南
過無鹽縣南又西南過壽張縣北又西南至安民亭入于濟萊
蕪故縣在今山東泰安府萊蕪縣東北奉高今萊蕪縣治博在
縣西南蛇丘在泰安縣東剛在兗州府甯陽縣東北東平章在
東平州東六十里無鹽在州東二十里壽張在州西南安民亭
一統志安山鎮在東平州西南十里卽故安民亭案臚注傳亭
北對安民山山今名安山在州西南三十五里亭更在其南則
鎮非卽故亭矣水經濟水篇云又東北過壽張縣西界安民亭
南汶水從東北來注之注濟水又北汶水注之戴延之所謂清
口也禹貢濟東北會于汶今枯渠注鉅澤鉅澤北則清口清水

與汶會也由汶達洧卽斯處耳自元憲宗七年築堤城壩遏汶入泗明永樂九年宋禮用白英策復于東平州東六十里築戴村壩盡遏汶水道之出鵝湖口入南旺湖分流南北以資運而安民亭入洧之故道遂不可復矣又按志泰山郡戶口下有汶水出萊毋西入濟八字與志例不合海岱及淮惟徐州淮沂其錢氏站云後人所加是也茲故不錄

又泰山郡蓋沂水南至下邳入泗過郡五行六百里述曰古文尚書撰異

云又今文尚書作艾於漢石經鴻範殘字知之也案石經次六日艾用三德枚本艾作又漢書五行志作艾師古曰艾讀如又今文例作艾如皋陶謨俊人在官漢書谷永傳作俊艾在官洪範從作又五行志王莽傳作從作艾是枚本作又據地理志淮沂其又作又知枚本襲用古文說文沂水出東海費東西入泗从水斤聲一曰沂水出泰山蓋青州浸許氏後說與志合故鄭注云地理志沂水出今太隲山蓋縣郡國志云泰山郡蓋沂水出水經云沂水出泰山蓋縣艾山南過琅邪臨沂縣東又南過開陽縣東又東臨作過襄賁縣東屈從縣南西流又屈南過郯縣西又南過良成縣西又南過下邳縣西南入于泗蓋縣故城在今山東沂州府沂水縣西北八十里臨沂在蘭山縣北五十里開陽在縣北十五里襄賁在縣西南百二十里郯在郯城縣西南三十里良城在江蘇徐州府邳州北六十里下邳在州東三里志不言沂水所出山或疑蒙上臨樂于推特沂山故縣元

云沂山亦或云臨樂山而書正義東坡書傳林尚書解引地理志亦云沂水出泰山蓋縣臨樂子山禹貢鄭注釋難之云職方氏鄭注云沂山沂水所出也在蓋是沂水自出沂山不出臨樂子山也志明言臨樂子山洙水所出西北至蓋則臨樂子山不在蓋矣與萊蕪原山皆汶同出之文有異水經洙水出臨樂山沂水出艾山亦是二山正義非志義案焦說是也寰宇記艾山一名臨樂山齊乘沂水源卽臨樂山並沿酈謬至蔡傳尙書通考引地志沂水出泰山郡蓋縣艾山地志并無沂水出艾山之文斯又誤矣沂山今名雕崖山在沂水縣西北一百七十里齊乘云北望沂山五十里殊無別源疑沂山水源古流今竭耳不知彼所謂沂山乃東泰山之異稱在沂水縣北一百十里與沂源無涉禹貢錐指黃子鴻云今沂水實出雕崖山北去東泰山尙五十餘里則古沂山當卽指此隋唐時始移沂山之名於東泰山而祀之以爲東鎮其實二山不可混也今沂水自雕崖山發源東南流至沂水縣西又南流屈而西南逕沂州府治東又東南屈而西南逕郛城縣西又西南流入駱馬湖以水經攷之過襄賁縣東卽屈從縣南西流然後屈南至郛縣西而今則逕襄賁故城東後徑南流入郛城界而不西屈逕襄賁故城南蓋襄賁以北禹跡依然其餘則皆後世改流也準之地望此水今逕郛城下郛故城東而水經則皆云過縣西攷郡國志下郛國下郛注補引戴延之西征記曰有沂水自城西西南注泗又水經泗水篇注泗水又東南逕下郛縣故城西東南流沂水流注

焉又葛嶧山在邳州西北六里邳州志云俗名距山蓋以其與
沂水相距故名是皆古沂水在邳西之實證故州志亦云沂河
舊在州西一里也今其故道爲黃流淤塞久矣師古曰淮出大
復山沂出泰山齊氏召南漢書考證云志沂水出泰山郡蓋縣
然則泰山乃郡名非沂水出泰山之麓也過郡五斟注今
古文注疏並云過泰山城陽琅邪東海四郡五字誤是也蒙
羽其莒泰山郡蒙陰蒙山在西南東海郡祝其羽山在南述曰
文作莒云種也从奎夙持而種之詩曰我莒黍稷據說文引詩
則古文作莒江氏聲本經文作莒是也漢志亦當作莒故斟注
云莒應作執今本作莒者後人加艸耳夏紀作藝揀梁州汶嶧
既莒紀作莒則此亦當作莒類古文莒今文禹貢山水澤地所
在蒙山在太山蒙陰縣西南羽山在東海祝其縣南也與志同
蒙陰故縣在今山東沂州府蒙陰縣西南十五里蒙山在縣西
南接費縣界詩魯頌奄有龜蒙蒙卽此蒙山也龜山在蒙山西
志下云顯夷國在蒙山下然則蒙山卽東蒙元和志蒙山在費
縣西北八十里東蒙山在費縣西北七十五里蓋誤以龜山當
蒙山而又分蒙與東蒙爲二也齊乘龜山在今費縣西北七十
里蒙山在龜山東二山連屬長八十里禹貢之蒙論語之東蒙
正此蒙山也後人惑於東蒙之說遂以龜山當蒙山蒙山爲東
蒙而隱沒龜山之本名其說足正元和志之誤明公爾蒙山辨
蒙山高峯數處俗以生石爲石山龜蒙中央者爲雲蒙在東者爲

東蒙其實一山未嘗中斷龜山自在新泰縣境其北有沃壤所謂龜陰之田也于義亦精矣視其故城一統志在今江蘇海州贛榆縣南又引舊志云在縣西五十里案舊志是也水經淮水注游水又北歷羽山西又北逕視其縣故城西視其在羽山北正與志羽山在視其南義合以地望測之正當贛榆縣西故顧氏棟高春秋大事表亦云視其故城在贛榆縣西五十里羽山在海州西北贛榆西南山東之蘭山東南郊城東北蓋一山跨四州縣之地堯典殛鯀于羽山卽此故志下云鯀所殛昭公七年左傳昔堯殛鯀于羽山其神化爲黃熊以入于羽淵杜注在東海視其縣西南解縣銅和合郡國志視其有羽山注補云殛鯀之山博物記曰東北獨居山西南有淵水卽羽泉也俗謂此山爲懲父山水經淮水注羽山舜殛鯀于此元和志羽山在胸山縣縣西北一百里書曰舜殛鯀于羽山通典東海郡海州胸山縣有羽山殛鯀處杜預劉昭鄭道元李吉甫杜佑說並與漢志同獨僞孔傳云羽山東裔在海中郭璞南山經注亦云計其道里不相應似非也近禹貢錐指從之謂視其羽山太近非荒服放流之宅今登州府蓬萊縣有羽山引寰宇記蓬萊新志爲證且云禹貢之羽在徐域舜典之羽在青域四書釋地又續說略同江氏永春秋地理考實卽用胡氏說以釋左傳王氏塗四書地理考亦用之以釋孟子今以鳥道法計之視其西距蒲坂九度蓬萊西距蒲坂十度半自蒲坂視視其未甚異於蓬萊不必蓬萊而始得爲東裔馬融堯典注羽山東裔亦非必謂

非案陳說是也鄭君傳古文尙書而其本作叢則古文作叢甚
明古文尙書撰異云太平御覽三十七禹貢徐州土赤叢墳
沈注曰叢音志按釋文序錄東晉會稽謝沈古文尙書注十五
卷其字作叢可證故段本經文作叢然則班氏述古文作叢不
作墳無可疑矣今本志作
墳者後人據夏紀枚書改草木漸包述曰據兗州中繇木條揚
此草字明是後人誤改說文薪艸相薪苞也从艸薪聲書曰艸
木薪苞夏紀上說據此則古文作薪苞與夏紀述今文作漸包異
今漢志作漸包者顏本之誤也釋文漸本又作薪包字或作苞
然則古文尙書作薪苞之本陸德明尙及見之古文尙書撰異
云說文繫傳曰草木漸苞當作包不从艸徐說甚誤亦正可以
證南唐時尙書作從艸之苞是也撰異又云薪紀志皆作漸疑
今文尙書作漸此亦誤以志爲今文故不能正今本之譌
江段本經文並作薪苞是也玉篇廣韻集韻正作薪苞田上
中述曰夏紀田上有其字枚書作厥田惟上中案夏紀賦中中
之例土上有其字田賦則否此其字當是後人誤沾賦中中
述曰夏紀同枚貢土五色述曰夏紀土上有維字羽畎夏狄述
書賦上沾厥字貢土五色枚書作厥貢惟土五色羽畎夏狄曰
狄夏紀作翟周官染人鄭注引禹貢作狄與班同狄古文翟今
文漢藝文志攷證以漢書夏狄列于古文是也鄭注謂相傳書
寫之譌非嶧陽孤桐東海郡下邳葛嶧山在西古文以爲嶧陽
嶧陽孤桐東海郡下邳葛嶧山在西古文以爲嶧陽

解引鄭注云地理志嶧山在下邳今下邳葛嶧山也說文山部
嶧葛嶧山也在東海下邳从山畢聲夏書曰嶧陽孤桐郡國志
下邳國下邳本屬東海葛嶧山本嶧陽山劉昭注補嶧陽山出
名桐伏滔北征記曰今槃根往往而存再貢山水澤地所在嶧
陽山在下邳縣之西晉書地理志下邳國下邳葛嶧山在西方
嶧陽也水經泗水注泗水歷縣逕葛嶧山東即奚仲所遷邳嶧
者也志稱下邳葛嶧山在西而鄭君引地理志第云嶧山者尚
書集注音疏尙書後案並云宋余靖敘後漢書云明帝詔伏無
忌黃景作地理志劉昭注補續漢志敘云推檢舊記先有地理
是東漢別有地理志鄭據當代之書故不盡與班合今案江王
說是也鄭君既脩大原注云于地理志大原今以爲郡名即其
證下邳故縣在今江蘇徐州府邳州東三里葛嶧山在州西北
六里俗名距山書古文訓黃尙書說議葛嶧爲非者誤也兩漢
晉志及水經從古文以嶧陽爲山名許鄭則以爲嶧山之陽義
各別也師古用許鄭義以釋漢志失其指矣蔡傳引志文
改云古文以爲嶧山而釋陽爲山南尙書通考沿其繆

泗瀕

浮磬魯國卞泗水西南至方與入沛過郡三行五百里濟陰郡

乘氏泗水東南至睢陵入淮過郡六行千一百一十里

述曰瀕

書並作濱水經引地理志曰出卞縣北據此則泗水下當補出
北二字如右扶風鄠鄠水出東南之例入沛讀書雜志云當爲

其西北幾二百里班氏既云泗水至方與入沛其云泗水入淮
即當繫之方與下不得綴諸乘氏矣其自乘氏而昌邑而金鄉
而東繆而至方與爲荷水者自是沛水支流與泗水無涉沛水
由方與東至湖陸而入泗自此以下乃得稱泗也水經濟水注
地理志曰乘氏縣泗水東至睢陵入淮郡國志曰乘氏有泗水
此乃荷澤也尙書有導荷澤之說自陶邱北東至于荷無泗水
之文禹貢錐指泗水不經是縣縣善長云此乃荷濟卽所謂荷
水分濟於定陶東北者也志以其下流合泗而于乘氏縣卽謂
之泗是猶以泗之下流合荷而于卞縣卽謂之荷也可乎不可
乎故地理志稽疑及王氏鳴盛十七史商榷並斥班氏之誤而
史集解引鄭注云泗水出濟陰乘氏尤失之尙書後案尙書今
古文注疏同護鄭氏禹貢鄭注釋傳會班義而其實皆非也閻
氏若璩潛邱劄記知班氏之誤而又謂志泗水有二一入淮一
入沛未可混而爲一又云班氏誤合而爲一均失之矣睢陵水
經泗水注泗水又東逕角城北角城今淮陰縣東南而東南流注于淮考
諸地說或言泗水于睢陵入淮亦云于下相入淮下相今淮陰縣東南皆
非實錄也又清水篇又東至下邳睢陵縣南入于淮注清水與
泗水渾濤東南流至角城同入淮經書睢陵誤耳故十七史商
榷云志睢陵當作淮陰足正顏本之誤過郡三謂魯淮夷蠙珠
臨淮山陽也過郡六謂濟陰山陽沛楚東海臨淮也淮夷蠙珠
泉魚述曰說文玉部玼珠也从王比聲宋弘曰淮水中出玼珠
此珠之有聲者又重文續纂解云夏書玼从虫賓又糸部

云紕讀若禹貢玼珠蠙篆下所引者古文紕篆下所引者今文也夏紀亦作蠙索隱曰蠙一作玼然則今本史記之蠙後人據漢志改也志明作蠙此班氏用古文之顯證古文尚書撰異反謂後人用古文尚書改之誤矣泉枚書作暨下文朔南暨志亦作泉說文从部泉眾晷與也从从自聲虞書曰泉咎繇是古文作泉之證一切經音義七引聲類曰暨古文作泉是也夏紀亦與古文同矣厥棐玄纘綯述曰夏紀厥作其棐作篚浮于淮泗達于河山

陽郡湖陵荷水在南述曰撰異云志作通今本作達誤是也山陽郡湖陵注禹貢浮于泗淮云通于河正作通河夏紀同熊氏忠韻會舉要云說文荷字注引禹貢浮於淮泗達作於荷則是達於荷非達於河也許慎所見蓋古文尚書後人傳寫之誤不知從艸例以禹貢上下文達于河爲句改荷爲河陸德明又以河音如字遂啟後人淮泗不能達河之疑閻氏若璩尚書古文疏證云荷今本作河余考之荷是也舟自淮而泗自泗而荷然後由荷入濟以達于河此徐之貢道也上文兗州浮于濟漂達于河次青州便浮于汶達于濟不復言達于河矣又次徐州浮于淮泗達于荷亦不復言達于濟矣不復言者蒙上文也禹貢雖指云說文荷从水荷聲隸作荷俗遂訛爲荷又訛爲河也許慎時經猶作荷而史記漢書並作河蓋後人傳寫之誤漢志湖陵下云禹貢浮于淮泗通于河水在南漢時湖陵縣安得有黃河此河字明係荷字之誤何

氏焯義門讀書記云紀志作河學者因經文之訛而妄改也今案諸說是也故尚書集注音疏尚書後案古文尚書撰異讀書雜志尚書今古文注疏並從之水經濟水篇荷水又東過湖陸縣南東入于泗水注引尚書曰浮于淮泗達于荷字正作荷與說文合顏氏師古謂渡二水而入于河黃氏度謂荷是古文傳寫誤徐氏文靖謂是豫州入河之河焦氏循謂說文用本字志從省文皆失之志水在南上今本挽荷字水經濟泗水注引地理志荷水在南今據補湖陵故縣在今山東濟寧州魚臺縣東南六十里荷水與豫州之荷澤別漢志荷澤在定陶東定陶縣屬西荷水在湖陵南禹貢山水澤地所在荷澤在定陶縣東荷水在山陽湖陸縣南鄒縣屬蓋荷澤者澤名荷水則荷澤之東出而流注于泗者也故酈氏云荷水澤水所鍾也說文荷荷澤水在山陽湖陵酈帝元和年改湖陵縣為鄒縣許氏斥荷水為荷澤水是其義矣水經濟水篇又東過定陶縣南又屈從縣東北流又東至乘氏縣西今曹縣野分爲二酈注南爲荷水北爲濟瀆經又云其一水東南流者過乘氏縣南又東過昌邑縣北金甌今青島又東過金鄉縣南金鄉縣屬今又東過東緡縣北陳縣屬又東過北平縣南北平縣屬又東過方與縣方與縣屬爲荷水荷水又東過湖陸縣南東入于泗水酈云尚書曰浮于淮泗達于荷由定陶東至湖陸皆班氏所謂荷水許氏所謂荷澤水也其言在湖陵湖陸者據其入泗言之猶彭蠡稱在彭澤之例耳志例但稱禹貢不綴經文湖陵下獨述浮

于淮泗通于荷者恐與道荷澤又東至于荷相涉也對注謂達于荷卽荷澤也在沛陰失其指矣

禹貢班義述卷上

番禺沈寶樞初校黃濤覆校

禹貢班義述卷中

寶應成蓉鏡撰

淮海惟揚州

述曰古文尚書撰異云州名當依古从木唐石經作揚未可爲是讀書雜誌云地理志揚州薺揚州

川揚州山宋景祐本作揚藝文類聚初學記太平御覽引尚書皆从木據此則今本漢志作揚亦誤故江氏聲本經文亦作揚

彭蠡既豬豫章郡彭澤彭蠡澤在西

述曰豬夏紀作都史索隱引鄭注南方謂都爲豬鄭

傳古文故其本亦作豬謂都爲豬蓋以今文釋古文史記吳起

傳昔三苗左洞庭右彭蠡彭澤故縣在今江西九江府湖口縣

東三十里彭澤鄉彭蠡今之鄱陽湖也隋世以接鄱陽山黝陬

縣在湖中故名彭蠡今之鄱陽湖也隋世以接鄱陽山黝陬

四十里則曰百五十里自介石至于東山瑞虹俗謂之東鄱湖

由松岡以達于昌邑吳城土目屏風俗謂之西鄱湖水經注廬

山下有神廟號曰宮亭廟故又有宮亭湖之名俗亦作都亭湖

也其在都昌西南者曰揚湖湖又北曰左蠡湖在星子縣南者

曰落星湖亦名德星湖其實則一湖也皆古彭蠡澤史集解引

鄭注云地理志彭蠡澤在豫章彭澤縣西郡國志豫章郡彭澤

彭蠡澤在兩並與班志合禹貢山水澤地所在乃云彭蠡澤在

豫章彭澤縣西北非也而蔡傳尚書通考引志彭蠡在豫章郡

彭澤縣東作東尤誤陽鳥道居

述曰道故尚書作攸吳氏玉搢別雅云漢書五行志我不知其

故書傳旁通辨正之彝倫道敘又彝倫道歎地理志鄧水道同師古曰道古攸字按

漢書韋賢傳萬國直平師古曰道古攸字疑二志道字乃直字

之訛今案說文乃部直乞行兒从乃直聲讀若攸許書凡讀若

字皆得互通直讀若攸故陽鳥道居鄧水道同九州道同並作

道文選答賓戲主人道爾而笑李善注引項岱亦曰道讀若攸

夏紀作所者所乃攸之故訓字然則今文作攸矣故王充論衡

書虛篇引禹貢三江既入會稽郡毗陵北江在北東入海丹陽

日陽鳥攸居三江既入會稽郡毗陵北江在北東入海丹陽

郡蕪湖中江出西南東至陽羨入海會稽郡吳南江在南東入

海述曰北江今本或批北字非也從宋本禹貢山水澤地所在

中江在丹陽蕪湖縣西南東至會稽陽羨縣入于海北江在

毗陵北界東入于海郡國志丹陽郡蕪湖中江在西顧亭吳

郡毗陵北江在北經于道濫云東為北江入于海于道江云東

為中江入于海但言北江中江故水經續漢志亦不言南江其

實經文東也北會于匯即斥南江故正義既引鄭注東進者為

南江而復引地理志南江從吳縣南東入海中江從蕪湖縣西

東至陽羨縣東入海北江從毗陵縣北東入海史記索隱亦云

地理志有南江中江北江是為三江故下文東為中江又東為

北江孔安國云有北有中南可知也三江之義言人人殊惟郭

北江孔安國云有北有中南可知也三江之義言人人殊惟郭

北江孔安國云有北有中南可知也三江之義言人人殊惟郭

北江孔安國云有北有中南可知也三江之義言人人殊惟郭

景純王荊公二說與漢志合郭云三江者岷江松江浙江也見水經沔水注王云一江自義興一江自毗陵一江自吳縣見禹貢指南近儒多躋之書疏兼明書引鄭注云三江分于彭蠡爲三孔東入海阮氏元浙江圖考申其義曰云分于彭蠡則非分于震澤云分于彭蠡爲三孔則非合于彭蠡而爲一孔云東入海則非三江入震澤亦非彭蠡與漢入三江禹貢有中江北江無南江之名南江始見於班志鄭注東逝者爲南江用班氏南江之名與中江北江爲三江也班志南江分自石城中江分自蕪湖石城蕪湖在彭蠡東故曰分自彭蠡亦所以釋經言三江於彭蠡既豬之下也江水自石城分爲南江正是東逝南江至吳縣南入具區具區在北正是北會于匯班志曰南江在南鄭注云東逝者爲南江其義一也班志言北江至江都入海中江至陽羨入海南江至餘姚入海卽鄭云爲三孔入於海也是鄭義與班同也云會稽郡毗陵北江在北東入海者毗陵故縣卽今江蘇常州府府城郭武進縣治北江卽今大江之由蕪湖而東北又東流以入海者也海志臨淮郡海陵有江海會祠海陵今江蘇揚州府泰州治古北江入海在海陵境海陵在江北毗陵在江南北相值故志云北江在毗陵北東入海今靖江江陰以東在漢時猶爲海所據也云丹陽郡蕪湖中江出西南至陽羨入海者蕪湖今安徽太平府蕪湖縣東陽羨今常州府宜興縣南中江續漢志禹貢山水澤地所在並云出蕪湖西南與班志合而沔水經注皆不及中江蓋傳寫有關耳雖指乃云漢魏

開蕪湖水已不復東故水經無中江疏矣今攷中江卽荆溪寰
宇記荆溪卽漢志蕪湖之中江也輿地紀勝荆溪首受蕪湖水
東至陽羨入湖蓋大江至蕪湖西南東出者也禹貢集解云班
氏所指中江今蕪湖斷港也自宜興縣航太湖逕溧陽至鄧步
凡兩日水路自鄧步登岸岸上小市名東壩自東壩陸行十八
里至銀林復行水路繫大江之支港自支港行百餘里乃至蕪
湖界卽入大江也銀林之港鄧步之湖止隔陸路一十八里耳
故老相傳謂大江此港本入震澤知班氏所說中江古蓋有之
以今輿圖按之東壩在江蘇江寧府高淳縣東南自東壩以西
爲南碭固城諸湖又西爲丹陽湖又西卽漢志諸書所傳中江
出蕪湖西南者也東壩以東爲胥河又東爲西九文選江賦注
引水經注云中江東南左會溧湖西九北卽溧湖也由溧湖東
出又東入太湖悉與傳說合蓋中江水本自今蕪湖經高淳溧
陽諸縣至宜興入具區復由具區東出東入海攷元和志當塗
縣蕪湖水在縣西南八十里源出縣東南之丹陽湖西北流入
大江然則元和以前中江水已不復東而今則建平宣城寧國
涇旌德太平石埭諸縣水皆由此以西達江矣云會稽郡吳南
江在南東入海者吳今蘇州府增郭吳縣治漢志丹陽郡石城
分江水首受江東至餘姚入海過郡二行千二百里水經沔水
篇云沔水與江合流又東至石城縣石城縣今江蘇分爲二其
一東北流其一又過毗陵縣北爲北江又東至會稽餘姚縣東
與餘姚縣江入于海其下云又過毗陵縣爲北江又東至會稽餘姚縣東

干郡注地理志曰江水自石城東出逕吳國南吳縣即為南江
江水自石城東入為貴口東逕石城縣北又東逕宣城之臨城
縣南鵬鰲縣又東逕安吳縣鰲鰲縣又東逕安吳縣鰲鰲縣又
東逕安吳縣鰲鰲縣又東逕安吳縣鰲鰲縣又東逕安吳縣鰲
吉縣北鰲鰲縣又東逕安吳縣鰲鰲縣又東逕安吳縣鰲鰲
水首受江水經注分江水自石城東出即經所謂東逕者也水
經注南江東注於具區即經所謂北會于匿者也鄭云東逕者
為南江據南江由江分出言之班云南江在吳南據南江北會
于匿言之也鄭氏敘述南江與經文及班鄭並合其自由拳以
下則續于谷水而古南江餘姚入海之委又別承南江枝分之
水皆與古不同茲故不錄別采說文諸書為班志左證說文水
部浙篆解云江水至會稽山陰為浙江郡國志會稽郡山陰會
稽山在南有浙江水至會稽山陰為浙江郡國志會稽郡山陰會
稽山陰為浙江水至會稽山陰為浙江郡國志會稽郡山陰會
山陰為浙江水至會稽山陰為浙江郡國志會稽郡山陰會
江今以浙江為浙江非也南江由具區東出屈而西南歷今嘉
興桐鄉石門至杭州府治東東入海即說文諸書所云東至會
稽山陰為浙江者也亦即班志所云南江在吳東入海者也班
云分江水東至餘姚入海分江水即南江餘姚東即山陰矣錢
氏塘述古錄曰孟堅謂南江從吳縣南入海石城分江水首受
江東至餘姚入海鄭道元引桑欽地理志亦謂江水自石城東
出逕吳國南為南江餘姚入海之江即吳縣南入海之江也餘

姚吳之開南江由之入海是以志南江入海既繫之餘姚又繫之吳也金氏榜禮箋日分江水合三江言之為南江猶岷江合言之為北江班志備列南江中江北江以綴職方三江其于石城著南江源委猶于瀟氏道著北江源委故志于中江言出蕪湖西南東至陽羨入海至南江北江但云東入海以入海之地已互見于石城瀟氏道也姚氏爾九經說日雖指疑石城水鑿于闔廬非禹迹墨子云禹南為江漢淮汝東流之注五湖之處是石城水真禹所為非闔廬鑿也禹貢鄭注釋日志於瀟氏道記江水所出至江都入海與記分江水受江於石城至餘姚入海同於毗陵又日北江在北東入海於吳又云南江在南東入海其例一也今運河由北新關達于吳江猶是南江故道但改南流為北流耳其自太湖以西至貴池則煙塞久矣過郡二謂丹陽會稽也述古錄云禹貢之三江職方之三江也地理志南江北江中江皆揚州川此釋職方也即釋禹貢矣揆孟堅所言江過湖口分為三而以行南道者為南江行北道者為北江行中道者為中江合乎禹貢導水之經誠不易之論也浙江圖考云禹貢三江日北江中江南江北江者岷江由江寧鎮江丹徒至常州之北入海即今揚州南之大江也中江者岷江由高淳過五壩至常州府宜興縣入海者也南江者岷江由池州府過寧國府會太湖過吳江石門出仁和縣臨平半山之西南折而東而北由餘姚北入海者也中江自揚行密築五堰而陸行十八里矣南江自北魏時石門仁和流塞唐初築海塘以捍潮其

流始絕今吳江石門仁和數百里內皆為沃土惟一綫清流自北新闢通漕達於吳江猶是浙江故道也二說並足發明班指東坡書傳謂班志中江北江是東南枝流小水非禹貢中江北江書古文訓謂南江在吳中江在陽羨北江在毗陵為課程氏大昌禹貢論謂班固之言於經無所依承禹貢山川地理圖謂其不習地勢黃氏尙書說謂亂其源委錯繆不可據夏氏俟尙書詳解謂此皆據所見為言非禹貢舊蹟羅氏泌路史謂班固冒以南中北之名禹貢雖指謂禹貢三江之不明誤自班固始程氏瑤田禹貢三江考謂班志三江謂職方三江非禹貢三江尙書後案亦謂志北江中江與禹貢無涉姑勿深辨尙書傳禹貢會箋地理志斟注知宗漢志為說而徐氏以廬江為中江朱錢二家竝以吳淞江為南江全氏祖望經史問答亦然許氏宗彥鑑止水齋集知禹貢三江即職方三江職方三江莫詳於地理志而又謂分江水與禹貢無與益猶失之矣震澤底定會稽郡吳具區澤在西古文以為震澤

述曰底夏紀作致周官職方氏揚州

其澤數日具區注具區在吳南禹貢山水澤地所在震澤在吳縣南五十里水經鄭注率本地地理志而皆云在吳南則漢志亦在南可知今本作西者傳寫之誤也禹貢雖指以未當議之蓋非尙書集注音疏謂具區在吳西而又經其南亦近皮傳矣某氏傳震澤吳南太湖名爾雅釋地十藪吳越之閒有具區郭注今吳縣南太湖卽震澤是也亦皆云吳縣南然以今太湖當之

則誤矣震澤卽具區太湖卽五湖劉君瑤云景純江賦注五湖以漫滌具區洮滌分五湖具區爲二視爾雅注爲優案葉夢得避暑錄話云周官九州有澤藪有川有浸揚州旣以具區爲澤藪則震澤卽具區也太湖乃五湖之總名耳凡言藪者皆人資以爲利而浸則但水之所鍾也今平望八尺震澤之閒水瀾漫而極淺與太湖相接而非太湖積潦暴至無以洩之則溢而害田所以謂之震然蒲魚蓮芡之利人所資者甚廣亦可隄而爲田與太湖異所以謂之澤藪黃氏儀申其義曰今土人自包山以西謂之西太湖水始淵深自其釐武山以東謂之南湖水極難淺蓋卽古之震澤止以上流相通後人遂混謂之太湖誤矣

吳今江蘇蘇州府附郭吳縣治平望今震澤縣西南四十五里平望鎮八尺在縣南二十里八赤鎮震澤在縣西南八十五里震澤鎮西距浙江湖州府治烏程縣南澤鎮十二里今秋塘河自南潯而東五十三里至平望其閒有橋署曰底定卽取震澤底定之義上有石刻題宋淳祐二年重建尙書纂傳述耕齋劉氏之官吳門晚宿震澤其里門扁以震澤且有底定橋卽此蓋相傳已久知少蘊之說必有據矣故尙書埤傳禹貢長箋禹貢雖指尙書後案爾雅義疏從之竊疑禹時震澤本巨浸而太湖之水甚小故禹貢稱震澤不稱五湖歷商而周震澤漸淤爲藪而其水乃濬于太湖故職方以五湖爲浸而以震澤爲澤

篠簋既敷述曰說文竹部筱篆解云大竹也从竹湯聲夏書曰瑤琨篠簋既敷

後人據校書改爾雅釋草釋文引字林云筱小竹也字亦作筱蓋
與古文合夏紀作竹箭既布左海經辨云或謂史公以訓詁代
經文然九州貢物無易以訓詁者蓋今文尚書篠簜作竹箭
中夭木橋述曰夏紀作其草惟天其木惟喬案沈州中縣木條
本紀有二其二惟字蓋後人據校書沾入仍依史
公故訓例易厥為其而不知其與上文不合也
夏紀厥作其校書塗上沾惟字斟注塗應作涂案錢說近是周
官古文也司險量人諸職並作涂以是例之尚書古文亦當作
涂夏紀作田下下述曰夏紀同枚尚賦下上錯述曰夏紀作賦
塗今文也田下下書作厥田惟下下賦下上錯述曰夏紀作賦
文多一上字而史公用安國故易錯為
雜也校書從今文而賦上沾一厥字貢金三品述曰夏紀同
厥下瑞瓚條簜述曰說文王部現篆解云石之美者从王昆聲
有惟瑞瓚條簜夏書曰揚州貢瑞琨又重文瓚解云琨或从貫
又竹部簞篆下亦引夏書瑞琨現筱簜許氏稱書皆孔氏今兩引
並作琨則琨為古文瓚為今文甚明漢志述古文當作琨而作
瓚者劉君毓松以為志兼采今文也夏紀述今文當作瓚而作
琨者陳氏壽祺以為史兼采古文也藝文志攷證以瑞瓚為古
文非江氏聲本作琨與古文合為孔本亦作琨
正劉綱古文為之篠當作筱筱簜紀作竹箭

注羽旄謂眾鳥之羽可為旄者也雖其解未當然可證唐本漢志尚作旄下荊州正作羽旄尤明徵矣今本夏紀亦作毛攷裴駰集解引孔安國曰旄牛尾也張守節正義亦曰西南夷常貢旄牛尾為旄旗之飾書詩通謂之旄故尚書云右秉白旄詩云建旄設旄皆此牛也據此則夏紀本亦作旄蓋古今文並作旄其作毛者撰異云紀荊州羽旄齒革字正作旄則揚州作毛淺人所改也漢書汲古本亦楊作毛荊作旄而揚州注內仍作旄則正文亦淺人所改故本經傳今亦作毛撰異以為衛包改亦是也又案今本尚書此下有惟木二字夏紀班志皆無之尚書集注音疏云衍文者近是撰異以為今文尚書非鳥夷卉服述曰後漢書度尚傳椎髻鳥語之人李賢注引書曰鳥厥卉服夷卉服與漢志合夏紀尚書亦本作鳥今本作鳥者誤厥集綴貝述曰夏紀厥厥包橘柚述曰夏紀厥作其說文木部柚聲夏書曰厥苞橘柚以段詩衛風木瓜箋引尚書厥苞橘柚皆古文作苞之證夏紀作包今文也漢志本作苞今本厥包包匭並作包後人據夏紀校書改師古包匭注云苞其茅此改之未盡者尚可藉以識顏本之真錫貢均江海述枚書作治于江海釋文云治鄭本亦作均與漢志合而夏紀亦集解引鄭云均讀曰治然則鄭本亦作均與漢志合而夏紀亦作均是今文與古文同釋文以為鄭本作松者禹貢鄭注釋云鄭既讀均為治為鄭學者因改為治又遂譌作松陸元朗依傳

寫之本以為鄒作松亦明其誤故辨曰松當為治也王本以松
讀曰治為鄒注誤案焦說是也左海經辨謂古文本作松殆非
藝文志攷證稱漢儒所引異字有均于江海于誤衍其均字則
與古今文合某氏傳順流而下曰治治江入海自海入淮自淮
入泗讀者率以偽孔而黜之案史集解引鄒注云治順水行也
蓋傳依鄒讀改經文雖于古今文皆不合而其義則未誤也近
人乃謂治是傷水陸行果爾則禹當日揚州貢道何不浮
江遵陸逾淮達泗而必迂其道以循海岸邪失鄒指矣
通于
淮泗述曰夏紀無于荆及衡陽惟荊州南郡臨沮南條荆山在
字校書通作達

東北長沙國湘南衡山在東南

述曰春秋昭公四年左氏傳晉司馬侯曰荆山九州之險也又

十二年傳楚右尹子革曰昔我先王熊繹辟在荆山卽此荆山
矣史集解引鄒注云地理志荆山在南郡臨沮郡國志南郡臨
沮侯國有荆山禹貢山水澤地所在荆山在南郡臨沮縣東北
晉書地理志南郡臨沮荆山在東北並本漢志括地志云荆山
縣本漢臨沮縣地荆山在縣西八十里親親魏類元和志云荆
山在南漳縣西北八十里南漳卽荆山縣今湖北襄陽府南漳
縣治是攷水經沮水篇云沮水出漢中房陵縣淮水攸攸云
東南過臨沮縣界又東南過枝江縣東南入于江漳水篇云漳
水出臨沮縣東荆山攸攸攸東南過蓼亭又東過章鄉南又南
至枝江縣北烏扶邑入于沮沮水卽今沮河源出湖北荊州府

遠安縣北漳水卽漳河源出遠安縣東北漳南入沮沮南入江而皆逕臨沮境臨沮當在遠安縣界據志稱荆山在臨沮東北不得在南漳西八十里矣杜預注左傳謂荆山在汭鄉縣南汭鄉故縣在南漳縣南而荆山又在其南以地望測之正值遠安東北括地元和二志非也志稱南條山酈云東條者字之誤漳水注引地理志近刻亦譌作東戴校既正之矣南條者對左馮翊襄德北條荆山爲言也馬注道山曰三條道岍爲北條西傾爲中條岍豕爲南條蓋本漢志爲說尙書全解云禹貢有兩荆山道岍及岍至于荆山孔氏云在雍州道岍豕至于荆山孔氏云在荊州故班孟堅謂南條荆山在南郡臨沮縣東北此則荆州之荆山也謂北條荆山在馮翊襄德縣南此則雍州之荆山也陳氏櫟書集傳纂疏引曾旼說略同故高誘以懷德荆山釋淮南子之沮出荆山酈元議其繆證耳周官職方荆州其山鎮曰衡山鄭注衡山在湘南郡國志長沙郡湘南縣南並與班合湘南禹貢山水澤地所在衡山在長沙湘南縣南並與班合湘南故縣在今湖南長沙府湘潭縣西六十里俗名花石城水經湘水注衡山有三峯一名紫蓋一名石圉一名芙蓉芙蓉峯最爲竦傑衡山東南二面臨映川自長沙至此江湘七百里中有九向九背故漁者歌曰帆轉湘轉望衡九面案初學記五太平御覽三十九合璧事類五引盛弘之荊州記曰衡山有三峯一名紫蓋一名石圉一名芙蓉蓋酈所本藝文類聚七白帖五合璧事類五引湘中記曰衡山治湘千里九向九背與七百里之

說小異今自衡州府治迤邐而東北至長沙府治西境皆衡山也徐靈期南嶽記謂同雁爲首嶽麓爲足良然同雁在衡陽縣南嶽麓在善化縣西江漢朝宗于海九江孔殷廬江郡尋陽九江在南皆

東合爲大江述曰夏紀孔作甚殷作中故訓字鄭注殷猶多也

尋陽南皆東合爲大江郡國志廬江郡尋陽南有九江東合爲

大江禹貢山水澤地所在九江地在長沙下雋縣西北

廬江通鄒司馬竝依班氏爲說惟水經義具耳今攷尋陽九江

廬江蓋十有六竹書紀年周康王南巡狩至九江廬山證一水

經淮水注秦始皇立九江郡兼得廬江豫章之地故以九江名

郡證二史記河渠書太史公曰余南登廬山觀禹疏九江證三

淮南王傳擊廬江有尋陽之船結九江之浦絕豫章之口證四

魏美傳廬江郡常歲時生龜長尺二寸者二十枚輸大卜官正

與禹貢九江納錫大龜義合故通典云廣濟縣蔡山出大龜書

云九江納錫大龜卽此證五漢書地理志豫章郡莽曰九江柴

桑莽曰九江亭證六郭璞江賦流九派乎尋陽證七孫放廬山

賦尋陽南有廬山九江之鎮也觀江證八釋慧遠廬山記山在

江州尋陽南南濱宮亭湖北對九江證九劉涓子吳都賦注九

江經廬山而東證十水經廬江水注廬山秦始皇漢武帝及太

史公司馬遷咸升其巖望九江而眺鍾彭馬證十一隋書地理

志大業三年改江州爲九江郡證十二元和郡縣志江州禹貢

楊荆二州之境九江今州西北二十五里九江也證十三通典
 九江今潯陽郡西北證十四蘇味道九江口詩江路一悠哉沿
 沿九派來元稹詩尋陽流水九條分皇甫冉送李錄事赴饒州
 詩江至潯陽九派分又送閩判官還江州詩長江九派人歸少
 焦氏循據此謂唐人於九江一本漢志是也證十五太平寰宇
 記潯陽郡彈壓九派支曇諦廬山賦帶以九江故顧氏炎武郡
 國利病書五十五江西總略引宋范致虛記云北奠九江證十
 六尋陽故縣在今湖北黃州府黃梅縣北今江西九江府治西
 有瑞昌縣自唐建中四年始立赤烏場南唐昇元三年乃升爲
 縣曰瑞昌而由漢迄隋皆不置縣或者以九江在其境故不得
 置縣與賈誼新書大禹鑿江而導九路淮南元禹鑿江而通九
 路說苑禹鑿江而通九派卽志所云九江東合爲大江者也班
 固言其源厥義無殊應劭司馬彪謂江自尋陽分爲九道非也
 善夫曾彥和之言曰大水受小水謂之過江合九江謂之過者
 辨其源有九則小於江故也如江分爲九道則經於荊州當日
 九江既道不應曰孔殷於導江當日播爲九江不應曰過九江
 尚書全解及陳氏大猷書集傳或周竝從之而水經乃以九江
 爲地名宋胡氏旦復以洞庭當古之九江禹貢指南因以洞庭
 傳會水經會箋曰山海經洞庭之山是在九江之閒以九江爲
 洞庭者本此果如是則禹貢荊州當先九江孔殷而後江漢朝
 宗矣足以正其失釋又引太康地記云九江劉歆以爲湖漢九

水入彭澤攷漢志湖漢九江分列甚明絕不相涉且湖漢九水
惟蜀水南水彭水東入湖漢湖漢東入江餘則盱水西北入湖
漢鄱水塗水西入湖漢餘水脩水東北入湖漢亦與皆沱潛既
東合爲太江之文不合顧氏棟高尙書質疑從之非也沱潛既
道南郡枝江江沱出西東入江述曰潛夏紀作沱潛古文潛今
文也故書作潛薛氏傳均說文
答問疏證云沱潛也亦曰沱陽渚在郢中潛涉水也一日藏也
一日漢水爲潛皆屬兼義正字似當作潛潛水出巴郡宕渠西
南入江惟漢書地理志所引得其體矣禹貢山水澤地所在荆
州沱水在南郡枝江縣蓋本漢志鄭注爾雅云水自江出爲沱
今南郡枝江縣有沱水其尾入江耳首不干江出也華容有夏
水首出江尾入沔蓋此所謂沱也今攷枝江故縣在今湖北荆
州府枝江縣東百里洲上水經江水篇又東過枝江縣南注江
水又東逕上明城北其地夷敞北據大江江沱枝分東入大江
縣治洲上故以枝江爲稱地理志曰江沱出西東入江是也上
明城在今松滋縣西以鄭注按之正與志合而鄭不從志說者
爾雅說水之別出者曰江爲沱而其下復云決復入爲沱分列
甚明然則如班氏說出江入江是江沱非江沱也鄭元獨而一
之蓋亦承其誤至鄭氏所稱沱水尾入江首不干江出則不足
以難班也志明云江沱出西正謂沱從江出如非從江出志例
當云沱水出西東入江不必首繫以江也班氏據元始二年舊
志爲書鄭氏生順帝時相距百有餘年或其閒水道湮塞後漢

以來因別指一水以當沱水故鄭據以爲駁耳南北朝枝江屬齊梁鄺氏仕元魏未嘗身履其地不知水道已改故仍依班志爲說也夏水亦見班志南郡華容夏水首受江東入沔行五百里卽今之長夏水一名魯沱江者也郭仲產云此水冬塞夏通因名夏

雲夢土作又南郡華容雲夢澤在南

述曰雲夢土夏紀

水是矣

雲夢土作又南郡華容雲夢澤在南

述曰雲夢土夏紀

索隱出雲土夢云雲土夢二澤名與漢志異古文尙書撰異云

作雲夢土者古文尙書作雲土夢者今文尙書是也鄭道元注

水經引經文雲土夢作又自是今文尙書與漢志所述古文不

同韋昭漢書音義云雲土今爲縣屬江夏親睦記是韋本漢志

作雲土但攷志于華容下云雲夢澤在南編西陵二縣亦皆有

雲夢宮而雲杜下獨不載雲土則韋本恐未可爲據顏本作雲

夢土注云雲夢澤名又稱雲夢之土云云視韋爲長撰異申韋

難顏殆非辭注云雲夢在南郡是也又云土卽雲杜在江夏吳

氏省欽白華前稿同尙書集注音疏續補證依顧廣圻說定從

雲土皆爲韋說所誤然高帝紀乃僞游雲夢韋昭曰在南郡華

容正本班志是宏開亦未嘗堅持其說也今本尙書作雲土夢

據傳云雲夢之澤在江南其中有平土卽是僞孔本本作雲夢

土撰異以爲襲馬鄭王之舊是也今本作雲土夢者唐石經及

宋太宗詔改之誤雖與今文合而已失故本之舊矣蜀石經作

雲夢土親魏公疏石元和郡縣志亦云禹貢及爾雅皆曰雲夢

並與古本合雲夢本一鼓周官職方荊州其澤敷曰雲蓍爾雅

十藪楚有雲夢呂氏春秋有始覽淮南子陸形訓九藪楚之雲
夢戰國策楚王游于雲夢宋玉高唐賦楚襄王與宋玉游于雲
夢之臺司馬相如子虛賦楚有七澤一曰雲夢雲夢者方九百
里桓寬鹽鐵論楚之雲夢說文荊州雲夢皆與禹貢同地或單
稱雲如左傳定公四年楚子涉睢濟江入于雲中是或單稱夢
如左傳宣四年邲夫人使弃諸夢中昭三年子產乃具田備王
以田江南之夢宋玉招魂與王趨夢今謀後先淮南子南方曰
大夢是杜預曰楚之雲夢跨江南北是也司馬貞李吉甫以下
諸儒並說江北為雲江南為夢分為二澤果爾則班志當云禹
貢雲在某夢在某如左馮翊夏陽禹貢梁山在西北龍門山在
北之側而但云雲夢澤在南則其為一澤無疑經文不徑云雲
夢作人而必曰雲夢土作人者蓋雲夢為地甚廣其中有澤有
土當洪水汎濫時皆在巨浸中至是而水瀦于澤其土乃始可
治書雲夢土作人正以著雲夢澤之底定耳周官爾雅所記者
雲夢澤而楚王宋玉所游者則雲夢土矣華容故縣在今湖北
荊州府監利縣西北據志下云荊州藪而風俗通義云今漢有
九州之藪荊州曰雲夢在華容縣南今有雲夢長掌之則漢之
雲夢即周之雲夢禹貢鄭注釋謂班氏著本朝一代國史以澤
在華容南所以遵國制明與厥土塗泥述曰夏紀厥作其枚田
荊州藪三字義違恐非也厥土塗泥述曰夏紀厥作其枚田
下中述曰夏紀同枚書賦上下述曰夏紀同枚貢羽旄齒革述

作厥田惟下中

賦上下

述曰夏紀同枚書作厥賦上下

貢羽旄齒革

述

夏紀同枚書貢上有厥字今金三品述曰夏紀同枚

本龍謨毛段本作旄是也述曰釋文旄又作樛考工記注禹貢荊州貢樛榦柏字正作

樛按說文樛木也从木屯聲夏書曰樛榦柏又重文樛榦解

云或从熏樛為古文則考工記注所引樛為今文可知其疏引

書注作樛者順注文為之也夏紀當本作樛今本亦作樛者後

人據枚尚書改耳枯厲砥磬丹厲古文厲金文惟箇箛楷

據說文亦當作楷說文竹部云箛箇箛也从竹路聲夏書曰惟箇箛

箛解云古文箛從箇箛從路意說文本當云箛箇箛也从竹路聲箛

古文箛從箇夏書曰惟箇箛引夏書以證古文箛字正如土

篇塗以土增大道上从土次聲聖古文塗从土即虞作書

日龍朕聖說殄行之例木部云枯槁也从木古聲夏書曰唯

箇當依說文作枯藝文志考證以說文枯為古文是也尚書古

文疏證云說文惟箇箛楷為枯規疏二是一箇所據本尚作惟箇

箛枯夏紀亦作箇箛楷據徐廣曰一作箭足杆然三國底貢厥

則今文作箭足杆今本夏紀蓋後人據枚書改

名述曰夏紀底作致厥作其紀亦作包匭菁茅述曰夏紀同按

師古注苞其茅可證春秋信四年左傳注穀梁疏文選吳都

賦劉逵注說文繫傳引書並作苞匭據古文也今文作包匭厥

裴玄纁璣組

述曰厥裴夏紀作其能

九江納錫大龜

述曰據下文內總內銓內夏服竝作內則

此亦當作內今本作納後

浮于江沱瀟漢

述曰夏紀瀟漢作沔于漢書釋文云本或

作潛于漢非正義曰本或潛下有于誤羣經義證云古文尚書有此字浮于江沱潛為句于漢更為句與孟子號泣于閔天子

父母相同古文尚書撰異云無逸篇無淫于觀于逸于游于田

正同案武段皆非孟子號泣于閔天于父母則吾不知也號泣

于閔天是古文尚書之詞于父母以下自是長息語觀上文萬

章但述舜往于田號泣于閔天而不言于父母可證自偽孔誤

讀孟子驛入偽大禹謨而學者至今沿其終洪适隸釋稱漢石

經有酒毋勑于遊田維齔共以漢書谷永傳所引經文考之

當是繼自今嗣王其毋淫于酒毋逸齔于游田惟正之共偽孔

本乃作無淫于觀于逸于游于田不足據也江別為沱漢別為

潛于江沱潛于漢殊與事理未近且漢志顯無逾于洛

于字義證謂古文有此字尤誤陸孔義無可疑

踰逾古文踰今文古文尚書撰異云魚豢魏略漢火行忌水故

洛去水而加佳此本不根之談而顏籀信之且云如魚氏說則

光武以後改為雒字也地理志一篇述禹貢作洛列漢郡縣作

雒陽蓋顏氏自用其說而改班氏所載禹貢之雒為洛也漢志

弘農上雒下云禹貢雒水出豕領山東北至鞏入河豫州川字

正作雒此謂禹貢及職方豫州之雒也左馮翊襄德下云洛水

東南入渭雍州浸北地歸德下云洛水出北蠻夷中入河字正
作洛此謂職方雍州之洛也此可以證志述禹貢字必作雒也
小雅瞻彼洛矣周禮職方氏逸周書職方解雍州其浸渭洛此
皆謂出北地歸德水也周禮逸周書豫州其川雒雒此皆謂出
京兆上雒水也二字分別自古而然禹貢言雒者五今本地理
志惟伊雒字未改廣韻引書道洛自熊耳而云漢書作雒則古
本皆作雒可知也志自伊水人雒以下雒字不下十餘見而禹
貢雒水之云尤可證上文述禹貢不當作洛按段說是也志下
文其川雒雒及弘農郡盧氏伊水出東北入雒黽池穀水出穀
陽谷東北至穀城入雒新安澗水在東南入雒上雒雒水出冢
領山河南郡穀成澧水出替亭北
東南入雒皆豫州川字竝作雒 至于南河荆河惟豫州伊雒

澧澗既入于河弘農郡盧氏熊耳山在東伊水出東北入雒過

郡一行四百五十里河南郡穀成澧水出替亭北東南入雒弘

農郡新安澗水在東南入雒 述曰說文無澧字江氏聲本據淮

作塵與錢氏大昕潛研堂答問云古通作縷疑非也伊水出讀

書雜誌云出上當有所字禹貢正義引此正作伊水所出是也

郡國志弘農郡盧氏有熊耳山伊水出水經伊水篇云伊水出

南陽魯陽縣西蔓渠山東北過郭落山又東北過陸渾縣南又

東北過新城縣南又東北過伊闕中又東北至洛陽縣南北入
于洛盧氏故縣即今河南陝州盧氏縣治魯陽今汝州魯山縣
治蔓渠山即熊耳山淮南子謂之上魏山括地志謂之鸞山元
和志謂之鸞掌山明一統志謂之岡嶺嶺尙書古文疏證謂之
東密山水道提綱謂之東鸞山在盧氏縣東南一百六十里此
山延袤甚廣志云在盧氏東水經云魯陽西其義一也蔡傳謂
地志言伊水出盧氏之熊耳爲非是禹貢會箋議之是也陸渾
今河南府嵩縣東北五十里新城今洛陽縣南伊闕今關塞山
即左傳之闕塞杜注以爲伊闕口者也隋煬帝謂之龍門括地
志謂之鍾山今在洛陽縣南二十五里洛陽今縣東北二十里
周書洛誥我乃卜澗水東澗水西惟洛食謂王城也又云我又
卜澗水東亦惟洛食謂下都也王城即漢河南縣下都即洛陽
縣郡國志河南郡穀城澗水出劉昭注補引博物記日出潛亭
山水經澗水篇澗水出河南穀城縣北山東與千金渠合又東
過洛陽縣南又東過偃師縣又東入于洛鄭注穀城縣北有營
亭澗水出其北梓澤中其水歷澤東南流水西有一原其上平
敞古營亭之處也即潘安仁西征賦所謂越街郵今文選作驛
者也周書曰我卜澗水西謂斯水也穀城故縣在今洛陽縣西
北營亭在今穀城山上故博物志亦云營亭山千金渠在今洛
陽縣北偃師今縣治澗水穀水源異委同故禹貢謂之澗周語
謂之穀漢志于鼃池下云穀水出穀陽谷東北至穀成入雒而
新安下云澗水在東南入雒澗水入雒不詳其地正以穀城已

詳于陂池所以著二水之同委也郡國志云弘農郡陂池穀水
出新安澗水出蓋本班志新安故縣在今河南府澠池縣東搭
泥鎮陂池在縣西說文澗水出弘農新安東南入洛陂注山海經曰白
篇云澗水出新安縣南白石山東南入于洛陂注山海經曰白
石之山澗水出于其陰北注于穀穀水出澠池下合澗水得其
通稱或亦指之為澗水也又穀水篇云穀水出弘農陂池縣南
陂冢林穀陽谷東北過穀城縣北陂注陂水出弘農陂池縣南
縣北東南入于洛陂注澗水即周書所謂我卜澗水東言是水
也自下通謂澗水為穀水之兼稱焉故尚書曰伊洛澗澗既入
于河而無穀水之目是名亦通稱矣河南王城西北穀水之右
有石磧南出為死穀北出為湖溝魏太和四年翻作穀水之右
縣以暴水流高三丈此地地下停流以成湖渚造溝以通水東西
十里使湖以注澗水方輿紀要據近刻水經注作七謂穀水入
澗自元魏始其實酈注本作四下文云千金塢太和五年二月
八日庚戌築蓋魏明帝脩王張故績也太和五年與四年正相
接而酈以明帝則其為曹魏無疑日知錄云前云太和五年曹
魏明帝之太和也後云朝廷太和中元魏孝文帝之太和也案
三國魏志及晉宋五行志竝云明帝太和四年九月大雨伊洛
河漢溢流尤明證而雖指復據周語穀洛闕王卒壅之文謂
周靈王壅穀使之東徑王城北北以注澗其說蓋本韋昭注韋云
洛在王城南穀在王城北東入澗靈王時穀水盛出于王城之
西而南流合于洛韋誤以當時水道謂穀本入澗反以穀之入

洛爲靈王時改流故下云欲壅防穀水使北出不知班志明云
至穀成人雒王城卽漢河南縣穀城在河南南然則西漢瀾水
尙未逕河南城北周語亦但云靈王壅穀未嘗言壅入瀾也且
漢志瀾澗二水皆冠以禹貢則班氏時猶是禹跡可知至水經
所述自是後漢以來改流故其委悉與漢志異也今則瀾水在
洛陽縣東南入洛澗水在縣西南入洛不通注復與西漢以
前略同矣蔡傳釋澗水引地志出新安東南入洛本不誤
曾箋據山海經注穀之文以非之蓋不知瀾穀得通稱也
柴波
既豬述曰古文尙書撰異云柴古从火周官經其川柴雒詩定
狄人戰於柴澤宣十二年及柴澤見六廉杜預後序云卽左傳
所謂柴澤也爾雅注圖田在柴陽釋文凡六柴字皆从火隱元
年注穢國今柴陽縣釋文云本或作柴非尤爲此字起例玉篇
焱部柴云亦柴陽縣漢韓勅後碑劉寬碑陰鄒烈碑柴陽皆从
火隋書王劭傳上表言符命曰柴字三火明火德之盛也然則
柴古無从水者書釋文波馬本作播正義曰馬鄭王本皆作播
馬鄭王皆古文家據此知古文作播王氏應麟因學紀聞云職
方其浸波遂鄭注云波讀爲播禹貢曰柴播旣都賈疏禹貢有
播水無波然則漢唐書本皆作柴播也夏紀亦作播索隱曰古
文尙書作柴波此及今文竝云柴播然則今文亦作播其謂古
文作柴波蓋斥僞孔而言今本漢志作波者段氏云後人以枚
書改梁氏玉繩史記志疑云柴爲濟之溢流波乃洛之支水此

專主道濟安得合而言之志播誤爲彼師古以爲二水名妄也
豬夏紀作都豬古文都今文鄭注周官引禹貢作都自是用今
文尙書猶于詩箋毛而注禮據三家也藝文志攷道荷澤濟陰
證稱漢儒所引異字有榮播旣都亦本今文尙書
郡荷澤在定陶東述曰夏紀同荷枚書作荷按古今文並作荷
貢山水澤地所在荷澤在定陶縣東本漢志而孔傳乃云荷澤
在胡陵孔疏地理志有胡陵不言荷澤禹貢集解云說文荷澤
水在山陽胡陵南正與孔傳同而班固以爲在定陶何也蓋在
定陶者其澤也在胡陵者其流也足以釋其疑矣定陶故縣在
今山東曹州府定陶縣西北四里史正義引括地志云荷澤在
曹州濟陰縣東北九十里定陶城東今名龍池亦名九卿陂唐
濟陰縣在今曹縣西北李泰說正與志合蔡傳濟陰縣南三里
有荷山故名其澤爲荷澤按宋濟陰卽唐縣荷山今在荷澤縣
東南三十里山以澤名非澤以山名也蔡傳蓋沿元和志之誤
而舊志復云荷水源出荷山案經敘道沈水云東出于陶邱北
又東至于荷卽此荷澤也源出
荷山之說顯與經違不可從
被盟豬梁國睢陽盟諸澤在東
北述曰盟豬夏紀作明都盟豬古文明都今文藝文志攷證以
漢書盟豬列于古文是也水經作明都用今文而史索隱云
爾雅左傳謂之孟諸今文亦爲然尙書大傳孟諸靈龜字亦正
作孟諸者據漢書儒林傳稱尙書有大小夏侯之學有歐陽氏

學則三家文字或有不同故夏紀與大傳異左海經辨論今文
三家尙書自有同異云世皆知今文尙書與古文尙書有異同
不知今文三家又各自有同異蓋歐陽大小夏侯傳習之本容
有不齊猶今詩有魯齊韓今春秋公羊有嚴顏雖共出一師不
能無稍歧互是也周官職方作望諸望與盟明孟古聲相近鄭
注望諸明都也正用今文以釋之詩陳譜作明豬攷本作孟豬
皆上字用今文下字用古文說文青州孟諸本今古文例作
豬志于梁國睢陽下作諸者傳寫之譌書正義詩譜正義禹貢
指南書纂言尙書纂傳引正作豬呂氏春秋有始覽宋之孟諸
高注孟諸在梁國睢陽之東南淮南子墜形訓宋之孟諸高注
孟諸在今梁國睢陽東北之鄭氏晉補爾雅正義云陳南以淮
漢志而水經國作郡者大清一統志歸德府表云梁郡魏改
今案水經汲水篇又東至梁郡蒙縣爲獲水獲水篇獲水出坂
水于梁郡蒙縣北睢水篇睢水出梁郡鄆縣據此則一統表是
也故洪氏亮吉補三國疆域志亦稱梁郡鄆縣據此則一統表是
十年傳遂道以田孟諸注在梁國睢陽縣東北杜郭云梁國者晉復改郡爲國
孟諸注今在梁國睢陽縣東北杜郭云梁國者晉復改郡爲國
故晉書地理志云梁國睢陽縣也水經濟水注尙書曰導荷澤
被孟豬孟豬在睢陽縣之東北水經及高杜郭鄆謂孟豬在睢
陽東北與志合睢陽故城在今河南歸德府商邱縣南澤在縣
東北接虞城縣界故元和志云宋州虞城縣孟諸澤在縣西北

十里周回五十里俗號盟諸澤唐虞城在今縣西南三里也寰

宇記云孟諸臺在虞城縣西北十里俗呼為眉臺蓋岐中有臺

也禹貢維指云漢書梁孝王築東苑方三百里孟諸澤在其中

自元至元二十三年以後歸德府南北屢被黃河衝決禹跡不

可復厥土惟壤述曰夏紀厥下土墳壚田中上述曰枚書田上

賦錯上中述曰夏紀錯作雜貢漆臬綸紉述曰臬夏紀作絲臬

貢上有棐纖纊述曰夏紀棐作篚上有其字錫貢磬錯浮于

洛述曰洛入于河述曰此當與浮于洧漂通于河同例經惟夾

亦通之誤是也師古曰因洛入河則唐本已華陽黑水惟梁州

誤夏紀今本作達亦通字之誤枚書作達

京兆尹華陰大華山在南述曰華即道山之華也周官職方

雅釋山云河南華又云華山為西嶽說文作嶠云華山在華陰南

農華陰史集解引鄭注云太華山在弘農華陰縣西南漢志華陰屬京兆尹

地所在華山為西岳在弘農華陰縣西南漢志華陰屬京兆尹

而說文鄭注水經並云弘農華陰者蓋後漢建武十五年改屬

郡國志云弘農郡華陰故屬京兆有大華山是也白虎通云以

西有少華故曰太華華陰在今陝西同州府華陰縣南以禹貢

華陰得名山今在縣南班鄭並謂在南而水經則云西南者劉
君恭冕以為山界寫遠故也括地志華山在華陰縣南八里古
文以為悖物蓋本鄭元與漢志垂岷嶓既執述曰岷夏紀作汶
山古文以為敦物之說不合岷嶓既執志于下嶓山道江
及蜀郡蒲氏道作嶓按說文豎山也在蜀蒲氏西徼外从山豎
聲古文尚書撰異云古文尚書作豎今文尚書作汶是也金氏
履祥尚書表注云岷古文作汶亦或作嶓案嶓卽豎之省金謂
古文亦或作嶓近是其謂古文作汶非也志作岷者後人據故
書改說文無嶓字江氏聲本作番撰異亦沱嶓既道蜀郡郫江
云其始但作番字藝夏紀同志藝當作沱沱嶓既道蜀郡郫江
沱在酉東入大江汶江江沱在西南東入江述曰嶓夏紀作沱
水澤地所在云益州沱水在蜀郡汶江縣西南其一在郫縣西
南肅字皆還入江雖本漢志然志意謂汶江江沱卽郫之江沱
水經分而為二失班氏之旨矣書正義引鄭注云地理志在今
蜀郡郫縣汶江及漢中安陽皆有沱水潛水其尾入江漢耳首
不于此出案志于安陽下第云鬻谷水出西南北入漢初不云
卽禹貢之嶓也其駁難地理志謂郫沱尾入江首不于江出辨
詳荊州鄭又云江原有郫江首出江南至犍爲武陽又入江豈
沱之類與此卽漢志江原之郫水今謂之大阜江然別出爲沱
水決復入爲汜爾雅分別甚明鄭以郫水爲沱仍與釋水之文
不合史記河渠書蜀守冰鑿離碓辟沫水之害穿二江成都之

中雖指謂二江一是流江冰所創造一是沱江即禹貢之沱時
必淤淺冰復從而濬之意在引信漢志而其實不必然也成都
由唐迄周咸為蜀據慎觀之世始滅于秦蓋自道江之後王會
不通武王伐商一與其列他無聞焉是以水道遷徙圖籍無徵
雖漢大儒如班鄭者或難據信後儒凡傳益無尤云
國漢嘉故青衣陽嘉二年改有蒙山與班志合史集解引鄭注
曰地理志蔡蒙在漢嘉縣雖指據此文謂鄭以蔡蒙為一山然
攷鄭所引地理志蓋東漢地志其書上據班志而司馬紹統著
續漢書復依以爲說者也班志司馬志皆但云蒙山不云蔡蒙
山則鄭注所述地理志亦祇作蒙山可知其作蔡蒙者蓋裴駰
引誤齊氏召南史記考證以此譏鄭殆非也青衣故縣在今四
川雅州府雅安縣北南齊書劉俊傳蒙山近青衣水南去南安
二百里據水經稱青衣水出青衣縣西蒙山則蒙山在今全
州界青衣水出蒙山傳謂蒙山近青衣水未確且南安故縣在
今嘉定府夾江縣西北當云東南去南安二百里傳祇云南亦
非括地志元和志並謂蒙山在雅州嚴道縣南十里疑今
案太平寰宇記云蒙山在名山縣西七十里縣志今北連羅
山劉君恭冕以爲括地元和二志誤是也寰宇記又云始陽山
在廬山縣東七里本名蒙山廬山今蘆山縣治蒙山在廬山西
南寰宇記以始陽當蒙山亦失之明一統志雖誤
謂羅繩即始陽而其分蒙山始陽爲二則是也
和夷底續厥

土青黎

述曰夏紀厥作其黎作驪黎古文驪今文也

田下上

述曰夏紀同枚書賦下有厥下有惟

中三錯

述曰夏紀同枚書賦上有厥字

貢珍鐵銀鏤啓啓

述曰夏紀同枚書貢上有厥字熊羆

狐狸織皮西頃因桓是徠隴西郡臨洮西頃山在縣西蜀郡桓

水出蜀山西南行羌中入南海

述曰頃夏紀作傾徠作來頃徠古文頃來今文也辭注云徠當

作來誤史集解引鄭注云地理志西頃山在隴西臨洮郡國志

隴西郡臨洮有西頃山禹貢山水澤地所在西頃山在隴西臨

洮縣西南並與漢志合惟志言在西而水經乃云西南孔疏東

坡書傳禹貢指南尚書句解引並有南字禹貢會箋云漢志隴

西臨洮禹貢西頃山在西南部都尉治也南部二字屬下不得

以西南為句疑誤逗也案徐說是也蔡傳尚書通考引志文獨

無南字斯為有識矣臨洮故縣即今甘肅鞏昌府岷州治西頃

山一名西疆山魏書吐谷渾傳阿豺田於西疆山觀墊江源虬

同是也一名強臺山水經注引段國沙州記洮水與墊江水俱

出強臺山強臺西傾之異名括地志西頃山今名強臺山在洮

州臨潭縣西南三百六十六里鴈鴈醴醴元名強臺山在洮

西傾山在臨潭縣西南三百里是也今此山在青海東南黃河

自東折西北之東岸延袤千里外跨諸羌番名羅插普喇山也

桓馬融王肅某氏傳皆以為水名同班氏義惟鄭氏云桓是隴

日白水江亦曰清水江東南流逕甘肅之階州文縣至四川之昭化注嘉陵江嘉陵江者西漢水是即酈注所謂東南流注漢水者矣由祥楚河源沿流至昭化復由昭化上溯西漢即經所稱西頃因桓是徠浮于瀾者是由西漢逾山浮漢水由漢水沂襄水由襄逾斜復沿斜水入渭即經所稱逾于沔入于渭者是案之經文準之地望酈注信而有徵亮不誣矣漢志廣漢郡甸氏道白水出徼外東至葭明入漢過郡一行九百五十里此即酈注之白水班氏不以此為禹貢桓水而別著蜀郡之桓水者當本舊說其實蜀郡之水皆入江無入南海者今雖主班義為說然于經有未當亦不敢曲徇班氏也酈注謂桓水即大金沙江番名雅魯藏布江案大金沙江源出前藏西南境之達木綽克喀巴布山東北距西頃遠甚與經文因字義顯悖蓋以彌縫班氏而浮于瀾述曰夏紀瀾作潛案當作逾于沔武都郡武都矢之

東漢水受氏道水一名沔述曰夏紀逾作踰讀書雜誌云東字後人所加隴西郡氏道下云養水東

至武都為漢不言東漢也志言西漢水者別於漢水而言之若漢水則本無東漢之稱其說是也鄭注或謂漢為沔蓋本地地理志故如淳曰北方人謂漢水為沔水杜預春秋釋例曰漢一名沔水志云漢一名沔是沔水之源即氏道水其沮下云沮水出東狼谷南至沙溪南入江而說文復云沔水出武都沮縣東狼谷東南入江者蓋禹時漢水受氏道水一名沔別有沮水源出

源故志云沮水至沙羨入江既以沮為漢源則沮即河矣故說文云河水出東狼谷也偽孔傳云漢上曰河又云漾水東南流為河水至漢中東行為漢水分河漢為二孔疏師古注竝從之蓋誤傳氏寅漢河辯云班氏謂漢一名河河漢之稱亂其真亦非也尚書集注音疏尚書後案皆知宗鄭氏或謂漢為河之說而江氏未悉沮水河水之異同則以為別參一說王氏復謂漢曰河為因他水而互受通稱失之矣入于渭亂于河黑水西河惟雍州弱水既西述曰說文渭水自張掖刪丹西水弱聲桑欽所說據此則桑欽本作弱班志用古文而于刪丹下亦引桑欽說其皆作弱可知故江氏聲本作弱今本作弱者後人據夏紀故書改下道弱水釋文云弱本作涇屬渭汭安定郡作涇是古文作涇之本陸德明猶得見之

涇陽幷頭山在西涇水所出東南至陽陵入渭過郡三行千六

十里述曰下道水東過雒汭溝洫志作內則志亦當作內釋文亦云汭本又作內幷孔疏尚書全解引作斷尚書纂傳引

作并周官職方雍州其川涇汭鄭注涇出涇陽又書注涇水渭水發源皆幾二千里然而涇小渭大屬于渭而入于河地理志云涇水出今安定涇陽西幷頭山東南至京兆陽陵行千六百里人渭觀澗水經涇水篇已佚惟渭水注云渭水又逕平阿侯

王譚墓北西左則涇水注之三輔黃圖涇水出安定涇陽開頭山東至陽陵入渭亦與漢志合一統志云涇陽故城在今甘肅平涼府平涼縣西案此本之元和志今攷後漢書靈帝紀注涇陽故城在今原州平涼縣南寰宇記涇陽故城在今渭州平涼縣南平涼在今縣西則涇陽當在今平涼西南故方輿紀要云涇陽城在平涼府西南也開頭山即雞頭山史記五帝本紀登雞頭秦始皇本紀出雞頭山後漢書隗囂傳使王孟寒雞頭道是也隋志元和志寰宇記太平御覽引圖經並作笄頭淮南子許慎注一名岍頭山北史爾朱天光賀跋岳傳十六國春秋西秦錄並作牽屯通典作汧屯蓋雞開并古同聲岍者形之誤而岍牽頭屯復以聲近而轉也又名薄落山淮南墜形訓涇出薄落之山郡國志烏支縣有薄落谷廣雅薄落謂之開頭魏書地形志涇陽縣有薄落山是也又名崆峒山括地志笄頭山一名崆峒山輿地志云或即雞頭山是也又名涇谷元和志涇水源出百泉縣涇谷是也又名大隴山史正義寰宇記並引酈注云蓋大隴之異名是也又名高山寰宇記引水經涇水出安定涇陽縣高山注云山海經曰高山涇水出焉東流注于渭是也又名都盧山通志笄頭山一名都盧山是也然則雞頭并頭岍頭牽屯汧屯薄落崆峒涇谷大隴高山都盧皆即漢志之開頭山矣郡國利病書一百九云郭璞注山海經曰涇水出朝那縣西丹頭山朝那今固原州不聞有丹頭案丹即開字形近之譌古開頭山當在今平涼西南或以平涼城北之山

日爲崆峒者誤也水經稱涇水出安定涇陽縣亦與志合涇水有二源北源出固原州南界隆德縣北界二派會流經瓦亭南南合四水又東南經固安鎮至平涼府城西北合南源卽平涼府志所云北支出老山日後峽流爲百巖川下流會于崆峒之前峽者也南源出華亭縣西北八十里隆德縣東南界二派合流亦日橫水東流折東北與北源會卽府志所云南支出崆峒峽中日前峽者也蓋南爲正源北爲別源自合流後又東南逕府城北又東南逕涇州北又東南逕陝西之長武邠三水清化永壽醴泉涇陽諸州縣至高陵縣西南咸陽縣東北入渭咸陽東北高陵西南漢陽陵故縣在焉漢志陽陵屬左馮翊而鄭云京兆者後漢改隸郡國志京兆尹陽陵故屬馮翊是矣過郡三安定右扶風左馮翊也鄭引地理志行千六百里今本志作千六十里陳氏與詩毛氏傳疏云涇源出今甘肅平涼府西北至陝西高陵縣西南入渭計行不及千里則六百當是六十之誤鄭從鄭志而云幾二千漆沮旣從鄠水迺同右扶風鄠鄠水出里者兼連渭水言耳

東南北過上林苑入渭述曰鄠夏紀作澧鄠古文澧今文枚書用今文宋敏求長安志引尙書作鄠水

與志合紀迺作所鄠縣故城在今陝西西安府鄠縣北水經渭水篇云又東豐水從南來注之注云豐水出豐溪西北流分爲二水一水東北流爲枝津一水西北流又北逕靈臺西又北至石墩注于渭地說云渭水又東與豐水會于短陰山漢書司馬

相如傳注張揖曰鄠水出鄠南山鄠谷北入渭元和志豐水自鄠縣東南發源北流逕縣東二十八里又北流入渭長安志豐水出長安縣西南五十五里豐谷其源闊一十五步其下闊六十步水深三尺自鄠縣界來終長安縣界由馬坊村入咸陽流至宋村入渭竝與志合豐溪在今鄠縣東南靈臺即詩大雅經始靈臺左傳舍諸靈臺者也三輔黃圖周文王靈臺在長安西北四十里高二丈周迴百二十步括地志灋水北經靈臺西文王引水爲辟雍靈沼顏師古漢書注今長安西北有靈臺鄉在豐水上即古靈臺處詩地理考引三輔故事靈臺在豐水東竝與水經注合石墩在鄠縣東北短陰山據水經注下云無他高山異巒所有惟原阜石墩而已則短陰即墩矣故長安志云短陰原在咸陽縣西南二十里水經注豐水又北交水自東入焉而括地志乃云豐水渠東北流注交水劉君恭冕以爲互受通稱是矣上林苑史記秦始皇本紀諸廟及章臺上林皆在渭南漢書蕭何傳上林中多空地棄東方朔傳欲除以爲上林苑屬之南山然遂起上林苑楊雄羽獵賦武帝廣開上林南至宜春鼎湖御宿昆吾傍南山而西至長楊五柞北繞黃山灇渭而東周袤數百里三輔黃圖漢上林苑即秦之舊苑也漢宮殿疏云方三百四十里漢舊儀云方三百里元和志上林苑在長安縣西北十四里皆是今豐水源出鄠縣東南終南山北流逕縣東又北逕長安縣西又北至咸陽縣東入渭志云水北入渭而詩稱東注者傳箋謂禹治之使入渭東注河是也今豐水北流入

渭雖若與志合其實非漢時故道據括地志云今禮鎬荆岐既二水皆已堰入昆明池無復流派則鄠水久失其舊矣

旅左馮翊褒德北條荆山在南

述曰既夏紀作已禹貢山水澤地所在云荆山在馮翊懷德縣

南帝王世紀禹鑄鼎于荆山在馮翊懷德之南今其下有荆渠水經渭水注渭水之陽即懷德縣界也城在渭水之北沙苑之

南即懷德縣故城也沙苑今在同州府治南漢褒德故縣在沙苑南荆山又在漢縣南故下云地理志曰禹貢北條荆山在南

括地志懷德故城在今同州朝邑縣西南四十三里與水經合而寰宇記云懷德故城在今耀州富平縣西南十一里者非漢

時縣也漢縣在今朝邑縣西南三十二里語尤明確自後漢三國間因漢舊名于富平立懷德縣

本懷德縣字而隋書地理志遂誤謂富平有荆山于是後儒頗襲其舛

雖指云寰宇記引水經注云洛水東南歷彊梁原俗謂之朝阪今富平無洛水而朝邑有洛

水歷彊梁原入渭

按今洛水則歷彊原在荆山下此一證也經曰至于荆山逾于河富平東距河二百餘里與經意不合按志

下文云下有彊梁原又云洛水東南入渭洛水舊入渭處在荆

山東南而彊梁原即荆山之麓胡氏以洛水及彊梁原定荆山

之所在正

與志合終南惇物右扶風武功大壺山古文以為終南垂山

古文以為敦物皆在縣京

述曰惇夏紀作敦志武功下亦作敦後漢無極山神廟碑敦物正作敦是

古今文皆作敦悖蓋後人據校書改史集解引鄭注云地理志終南敦物皆在右扶風武功也郡國志右扶風武功有太一山本終南垂山本敦物並本漢志終南即詩秦風所云終南何有者也左氏昭四年傳謂之中南故毛傳云終南周之名山中南也杜預春秋釋例云中南始平武功縣西南有太壹山白帖五引五經通義云中南一名太一長安志十一玉海二十通鑑地理通釋五引五經要義云太一一名終南山在扶風武功縣界龍岨一名太一終初學記五白帖五長安志十一太平御覽三十八引潘岳關中記云終南山一名中南淮南倣真謂之終隆水經渭水注終南亦曰太白山俗云武功太白去天三百韓琬本驛程規狀野樹柳宗元終南山祠堂碑謂終南西至隴首東距于關程大昌雍錄謂終南橫互關中南面西起秦隴東徹藍田相去且八百里地理志辭注難之云在郿縣南東顧曰終南在西安府城南者古只稱南山後人乃以陝西迤南一帶山並曰終南而別太白為終南之一峯不遵奉班氏之旨舛譌甚矣古文以大壹終南為一故郡國志以下並從之而張衡西京賦潘岳西征賦皆歧而為二文選注元和志雍錄詩地理考遂據以駁漢志不知班氏明云古文以為終南則今文固以終南大壹為二矣張衡潘岳或據以為說與正不必以彼而易此也武功故縣在今陝西鳳翔府郿縣東四十里垂山辭注本作岳山云今日武功山俗呼整山整岳聲之轉尙書今古文注疏說同封禪書郊祀志並有岳山徐廣曰武功縣有大壹山又有岳山然

則野民所據地理志正作岳小司馬駁之曰地理志有垂山無岳山則唐本已誤矣郡國志垂亦當作岳水經注引地理志縣有太一山古文以為終南而其下云亦曰太白山在武功縣南又引杜彥遠曰太白山南連武功山然則大壹山在武功縣南岳山又在大壹山南志皆在縣東東當為南字之誤至于鳥鼠原隰底績至于豬塋武威

郡武威休屠澤在東北古文以為豬塋澤述曰豬塋夏紀作都

文水經廣雅作都野用今文也鄭注地理志豬塋在武威名曰

休屠澤禹貢山水澤地所在都野澤在武威縣東北酈注縣在

姑臧城北三百里東北即休屠澤也古文以為豬野也其水上

承姑臧武始澤東北流逕姑臧縣故城西又東北流逕馬城東

縣城雄於城即休屠縣之故城也本匈奴休屠王都謂之

馬城河又東北逕宣威縣故城南宣威縣又東北逕平澤晏

然二亭東又東北逕武威縣故城東漢武帝太初四年匈奴渾

邪王殺休屠王以其眾置武威縣地理志曰谷水出姑臧南山

北至武威入海屈此水流兩分一水北入休屠澤俗謂之西海

一水又東流百五十里入豬野世謂之東海通謂之都野矣漢

武威故縣據善長謂在姑臧城北三百里姑臧故縣即今甘肅

涼州府城郭武威縣北去三百里則鎮番縣北邊牆外今西套

額魯特西北界也即元和志之白亭軍地有亦不喇山武威故

城當在其陽寰宇記謂在番和縣西北三百里番和今永昌縣

傳古文作珍而漢志作琳者劉君毓崧以爲班氏兼用今文也
論衡率性篇引禹貢曰璆琳琅玕正本今文枚書貢上有厥下
有浮于積石至于龍門西河左馮翊夏陽龍門山在北述曰禹
澤地所在龍門山在河東皮氏縣西郡國志左馮翊夏陽有龍
門山穆天子傳北登龍門九河之磴吳越春秋禹鑿龍門闕伊
闕太平御覽四十引尸子曰古者龍門未鑿呂梁未闢河出於
孟門上慎子河之下龍門其流駛如竹箭騶馬追弗能及淮南
子龍門未闢漢書溝洫志賈讓治河策昔大禹治水山陵當路
者毀之故鑿龍門辟伊闕水經河水篇又南出龍門口酈注昔
者大禹導河積石疏洩梁山謂斯處也卽經所謂龍門矣魏土
地記曰梁山北有龍門山大禹所鑿通孟津河口廣八十步巖
際鑄迹遺功尙存史記索隱龍門山在左馮翊夏陽縣西北正
義括地志云龍門山在同州韓城縣北五十里李奇云禹鑿通
河水處廣八十步三秦記云龍門水縣船而行兩旁有山寰宇
記龍門關在韓城縣東北龍門山關之下卽禹門渡薛瑄龍門
記河津縣西門西北三十里龍門大河自西北山峽中來至是
山斷河出兩壁相望東南麓穴巖構木爲棧道盤曲而上瀕河
有禹廟今龍門山其東在山西絳州河津縣西北其西在陝西
同州府韓城縣東北兩岸對峙中通河流形如門關夏陽故縣
在韓城西南皮氏在河津北漢志
據西言水經據東言其義一也
會于渭汭織皮昆崙紀崙作

俞論者俞之俗溝洫志
作俞疑此志本亦作俞
述曰敘夏紀作序撰異云志
本作序作敘者後人改誤也

析支渠叟

述曰夏紀叟作搜
叟古文搜今文

西戎卽敘

禹貢班義述卷中

晉禹沈寶樞初校黃鶴覆校

禹貢班義述卷下

寶應成蓉鏡撰

道汧及岐右扶風汧吳山在西古文以爲汧山

述曰道汧夏紀同枚書作導岍

釋文岍字又作汧雖指云說文有汧無岍史集解引鄭注云地理志汧在右扶風禹貢山水澤地所在汧山在扶風汧縣之西也晉書地理志扶風郡汧吳山在西古文以爲汧山本班志汧縣故城在今陝西鳳翔府隴州南吳山孔疏引作吳岳山海經吳山之峯秀出雲霄山頂相埤望之常有落勢水經渭水注汧水又東會一水發南山西側俗以此山爲吳山國語所謂虞山矣虞唐六典關內道名山三日吳山亦曰吳嶽郡國志右扶風汧有吳嶽山本名汧汧水出亦曰嶽山周官職方雍州山鎮曰嶽山鄭注嶽吳嶽也爾雅釋山河西嶽郭注別名吳山禮中庸載華嶽而不重亦曰開山書釋文岍馬本作開廣雅釋山吳山謂之開山郭璞注山海經亦云吳山別名開山王氏念孫廣雅疏證云開與汧同吳山虞山吳嶽嶽山開山並汧山之異名一統志吳山在隴州南岍山在隴州西據兩漢志皆謂吳山卽汧山通典元和志寰宇記俱別有汧山與吳山不相蒙近志皆因之然脈絡相連在古只是一山也雖指周禮雍州山鎮曰嶽山漢志以吳山爲雍州山是吳山卽嶽山也又云吳山漢志雖

云在縣西而岡嶺縣互延及其南與嶽山只是一山此二山者
周禮總謂之嶽山禹貢總謂之岍山當以漢志爲正四書釋地
在禹貢名岍在國語名西吳管子書作西虞在前漢志名吳山
後漢志名吳嶽山實一山也廣雅疏證俗以在州西四十里者
爲岍山在州南八十里者爲嶽山其實一山也皆足正俗說之
誤然胡氏又云自周尊岍山爲嶽俗又謂之吳山或又合稱吳
嶽史記封禪書遂析岳山吳岳爲二而岍山之名遂隱案史記
之岳山卽古文以爲敦物之岳山與職方之嶽山無涉職方之
嶽山卽史記之吳岳山志所云吳山古文以爲岍山者也故志
綴以雍州山胡氏謂史記析岳山吳岳爲二疏矣蔡傳依古文
以釋經禹貢會
箋非之亦誤 至于荆山逾于河 述曰逾夏 壺口雷首河東郡

蒲反雷首山在南 述曰穆天子傳南還至于雷首郭注雷首山
有雷首山水經注河水又南逕雷首山西山臨大河北去蒲坂
三十里尙書所謂壺口雷首者也並與漢志合而禹貢山水澤
地所在復謂雷首山在河東蒲坂縣東南者括地志云雷首山
西起雷首東至吳坂長數百里隨地異名是也然方輿紀要又
云雷首山首起蒲州尾接大行則太遠矣一統志雷首山在山
西蒲州府永濟縣南按蒲反故縣一統志以爲在永濟縣東南
據漢志稱雷首在蒲反南則亦當在永濟縣東南矣雷首一名首
山志上云蒲反有首山祠卽繼之曰雷首山在南是首山卽雷

首山春秋宣公二年左傳初宣子田于首山史記封禪書黃帝采首山之銅鑄鼎于荆山下漢書武帝紀元封六年春作首山宮杜預曰首山在河東蒲坂縣東南文穎曰首山在河東蒲反縣一名首陽詩唐風采芣首陽之顛論語伯夷叔齊餓于首陽之下晉書地理志蒲反縣有雷首山夷齊居其陽所謂首陽山也寰宇記首陽即雷首之南阜也一統志雷首首陽本爲一山大抵山南爲陽以首陽爲首山之陽者近是一名歷山郡國志劉昭注補蒲坂縣南二十里有歷山舜所耕處括地志雷首山亦名歷山但據水經瓠子河注雷澤西南十許里有小山謂之歷山雷澤即雷夏澤在成陽西北成陽故縣今在山東曹州府治東北然則歷山當在府治西北此歷山乃舜所耕處劉昭以蒲坂歷山當之誤矣一名蒲山括地志雷首山亦名蒲山按志下云故曰蒲素更名應劭曰秦始皇東巡見長坂故加反云孟庚曰本蒲也晉文公以賂秦後秦人還蒲魏人喜曰蒲反矣謂秦名之非也竊謂孟說近是史記秦本紀昭襄王四年取蒲反是時已有蒲反之名豈始皇所加邪山在蒲境故曰蒲山一名薄山封禪書自華山以西名山七一日薄山括地志雷首山亦名薄山蒲薄音相近一名襄山封禪書薄山者襄山也應劭曰襄山在潼關北十餘里徐廣曰蒲反縣有襄山括地志雷首山亦名襄山一名中條山唐六典括地志元和志並云雷首山一名中條山寰宇記中條山亦曰薄山也一統志中條山雖自有其名要不外乎禹貢之雷首一名獨頭山關駟十三州志雷首

山一名獨頭山夷齊所隱也山南有古冢陵柏蔚然俗謂之夷齊墓也

渠豬山通典雷首在今河東縣此山凡有八名歷山首陽山薄

首山一名吳山吳山即吳坂也據封禪書稱薄山者襄山也而

穆天子傳云東巡自河首襄山又云登薄山竇軫之陞則岐而

為二此即括地志所云隨地異名者也至寰宇記謂即伐桀升

陶之隔則恐近于皮傳矣志上云有堯山首山祠是堯山與首

山判為二水經注謂雷首俗亦謂之堯山者亦非

至于大嶽述曰夏紀同底柱述曰夏

底柱古文析城河東郡濩澤析城山在西南

字東坡書傳傳禹貢解有南字按孔林蔡非也禹貢山水澤地

所在析城山在河東濩澤縣西南正本班志郡國志河東郡濩

澤劉昭注補引前志亦云在縣西南蘇傳所據本不誤故括地

志云析城山在澤州濩澤縣西南七十里元和志云析城山在

陽城縣西南七十五里方與紀要地理今釋竝云析城山在澤

州陽城縣西南七十里唐濩澤縣即今陽城縣治天寶元年改

曰陽城故元和志云山在陽城西南以今輿圖按之漢濩澤故

縣當在陽城縣西南濩澤河北岸應劭曰濩澤在縣西北則漢

縣在濩澤東南矣一統志引舊志云濩澤在縣西嵯嶠山下則

漢縣不得亦在縣西矣水經注云濩澤水東逕濩澤又東逕濩

澤縣故城南是漢縣在濩澤河北岸矣寰宇記謂漢縣在陽城縣西三十里者誤析城郡國志河東郡濩澤侯國有祁城山錢氏大昕曰祁當作析規玄對二水經注析城山在濩澤南禹貢所謂砥柱析城至于王屋也山甚高峻上平坦下有二泉東濁西清左右不生草木數十步外多細竹元和志析城山在今王屋縣西北六十里其峯四面其形如城有南門焉故曰析城據水經注稱析城山在濩澤南則當在今陽城縣西南水道提綱謂濩澤河出陽城縣西南境析城山西北之岳神山岳神山即水經注之白澗嶺析城山在嶺東南是析城在濩澤河南岸唐王屋故縣在濟源縣西王屋西北即陽城西南也至于

王屋河東郡垣王屋山在東北述曰林尚書解引地理志王屋解引鄭注云地理志沆水出河東東垣王屋山垣上有東字疑前漢之垣縣後漢曾改爲東垣故周官職方注榮兗水也出東垣入于河說文沆水出河東東垣王屋山資治通鑑六十四建安十年會白騎攻東垣胡三省釋文辨誤云此東垣乃河東郡之垣縣今本續志無東垣字者疑建安末復故治至晉未改故晉書地理志司州河東郡亦作垣括地志故垣城漢縣治本魏王垣也在今絳州垣縣西北二十里唐垣縣即今山西絳州垣曲縣治王屋山志山形如王者車蓋故名括地志王屋山在懷州王屋縣北十里元和志王屋山在王屋縣北十五里唐王屋縣在今河南懷慶府濟源縣西然則王屋山在濟源西北垣曲東

北太行河內郡壁王大行山在西北述曰大行列子謂之大形
矣淮南子謂之五行之山隋
書地理志謂之母山寰宇記謂之皇母山或名女媧山漢志有
兩太行竝在河內郡一壁王大行山在西北一山陽東太行山
在西北壁王故縣即今河南懷慶府治山陽故縣在今修武縣
西北戴氏震水地記云河北八陁一日軹關陁二日大行陁三
日白陁四日滏口陁五日井陁六日飛狐陁七日蒲陰陁八日
軍都陁此皆南山中隔以成隘道也軹關之山與大行中隔沁
水其山脈來自大嶽白陁之山與大行中隔漳水其山脈自發
鳩別而東井陁滏口之山與白陁中隔漳水其山脈自清漳之
源沾嶺別而東飛狐蒲陰之山與井陁中隔滹沱其山脈來自
北嶽軍都之山與蒲陰中隔桑乾水其山脈自大同府之外陰
山別而東大行之名尤顯著故稱大行八陁元和郡縣志引述
征記曰大行山首始于河內北至幽州凡有八陁後代史志地
記多本其說于軹關以北軍都以南諸山繫目以大行其亦不
達于理矣今按戴說是也春秋襄公二十三年左傳齊侯遂伐
晉取朝歌入孟門登大行張武軍於熒庭朝歌在今河南衛輝
府淇縣東北孟門胡氏渭謂即白陁熒庭在山西平陽府翼城
縣東南七十五里由朝歌而孟門而大行而熒庭歷歷如繪孟
門在丹水東熒庭在沁水西大行在丹水西沁水東正與戴說
合證一史記韓世家桓惠王十年秦擊我於大行我上黨郡守
以上黨郡降趙十四年秦拔趙上黨後漢書馮衍傳顯志賦瞰

大行之差義今觀壺口之崢嶸李賢注衍之遠祖馮亭爲韓上黨守以上黨降趙死因葬上黨其墓在今潞州上黨縣西衍在關中遙相望之卽序所謂通視千里覽見舊都者也大行山在上黨南壺口山在上黨東韓世家言秦擊大行而上黨遂降馮衍賦言瞰大行而并及壺口上黨在今山西潞安府治西壺口在府治東南則大行所在可知證二蘇秦列傳我起乎少曲一日而斷大行正義謂少曲在懷州河陽縣西北河陽在今孟縣西大行徑正當其北證三白起列傳秦昭王四十四年白起攻南陽大行道絕之四十五年伐韓之野王野王降惟大行在野王北境是以秦絕大行之道而野王遂降證四范雎列傳北守大行之道則上黨之師不下謂秦攻韓扼大行則北師不得南下相救證五蔡澤列傳決羊腸之險塞大行之道曹孟德樂府北上大行山艱哉何巍巍羊腸坂詰屈車輪爲之摧羊腸坂在壺關縣東南羊腸在東大行在西相距僅百里證六酈生列傳願足下急復進兵收取滎陽據敖倉之粟塞成皋之險杜大行之道距蜚狐之口敖倉在今河南開封府滎澤縣西北成皋在今汜水縣西北蜚狐如渚謂卽上黨壺關北界自敖倉而西南至成皋又西北至大行又東北至蜚狐以地望測之一與戴義符會證七後漢書明帝紀永平十三年因逐度河登大行進幸上黨後漢都雒陽明帝度河而登大行更北幸上黨證八十六國春秋慕容永屯軹關杜大行口自軹關而東卽抵大行證九呂氏春秋通乎德之情則孟門大行不爲險矣劉孝標廣絕

交論大行孟門豈云嶄絕皆孟門大行連言證十漢志堊王西北之大行山即此大行經其在山陽西北之東大行山則白陘也鄭注已佚然據詩譜稱商紂畿內封域在禹貢冀州大行之東北踰衡漳言封域在大行之東而北踰衡漳則大行不得東入商畿而北踰衡漳可知高誘注呂覽云大行在河內野王縣西北注淮南子云五行之山今大行山也在河內野王縣西北郭璞注山海經云大行之山今在河內野王縣西北郡國志河內郡野王有大行山禹貢山水澤地所在大行山在河內野王縣西北晉書地理志野王大行山在西北金史地理志濟源縣有大行山以沁水爲界西爲王屋晉書地理志云輿地志云東爲大行並與漢志合尚書集注音疏云漢志大行有兩山必知此經大行是在堊王者以水經末後一卷備記禹貢山水澤地所在亦云大行在堊王此兼據彼文故不用山陽東大行爲說止言堊王也彌爲篤論云

北谷在西北

述曰夏紀恆作常餘詳上恆衛既從

至于碣石入于海西頃

述曰夏紀頃作

領

朱圉天水郡冀朱圉山在縣南梧中聚

述曰夏紀枚書亦作圍撰異云冀縣下作

同則其前述禹貢亦必作圍是也圍古文圉今文師古曰圍讀與圉同史集解引鄭注云地理志曰朱圉在漢陽南作圉者蓋順史記文爲之孔疏引地理志云朱圉在天水冀縣南亦順枚本經文爲之也郡國志漢陽郡冀有朱圉山禹貢山水澤地所

在朱圉山在天水冀城南志稱天水冀而鄭注郡國志並在漢
陽水經復云在天水者蓋天水郡本漢武帝元鼎三年置後漢
明帝永平十七年更名漢陽三國魏復改天水故也晉書地理志
天漢郡定天縣按魏志魏復改天水故也晉書地理志
統志謂在今甘肅鞏昌府伏羌縣南按朱圉在伏羌西南據漢
志稱朱圉在冀南則冀亦當在伏羌西南矣水經注朱圉山在
梧中聚本漢志元和志朱圉山在伏羌縣西南六十里而伏羌
縣志地理今釋謂在縣西南三十里者雖指云縣治移向西南
故山較元和志近三十里是也自通典謂秦州上邽縣有朱圉
山俗名白巖山而元豐九域志復以為在成紀大潭二縣說者
遂謂錦鏡石鼓木梅天門諸山皆朱圉之隨地異名者閻氏若
璩曰據漢志山在梧中聚夫一聚可容則其阨不甚廣關注通
經以山安得有如上所云云者吾嘗親經其山在今伏羌縣西
南三十里山色帶紅石勒四大字曰禹奠朱圉胡氏渭日禹道
山本為治水唯大川出入經過之處則行之非是則雖有名山
弗由也其山不必皆危峻干霄故若北條之荆若敷淺原不得
以其澶漫靡迤也而疑之不必皆連峯疊嶂餘地數十百里故
若底柱若碣石若朱圉不得以其孤露狹小也而疑之彼謂朱
圉非一山凡縣西南之山皆是者坐不知此義耳徐氏文靖曰
伏羌縣西南有朱圉山又有石鼓山殆非一山其說竝足與班
義相發而尙書後案云本班志梧中聚以為村落中一小山者
非殆失之矣唐伏羌故縣即今縣治上邽故縣今秦州西南成

紀今秦州治大潭鳥鼠至于大華熊耳外方穎川郡密高古文

以密高為外方山也述曰志上文云武帝置以奉大室山是為

年登嵩高令祠官加增大室祠以山下戶凡三百封密高為之奉邑名曰

嵩高班固書郊祀志以山下戶凡三百封密高為之奉邑名曰

所稱置以奉大室山者是其事矣後漢書靈帝紀熹平五年復

崇高山名為嵩高山李賢注引東觀記云中郎將堂谿典請改

崇高山為嵩高山然則兩漢自元封元年以後熹平五年以前

皆名密高山班氏所據者元始二年舊志故稱密高元初五年

所造嵩嶽大室石闕銘崇高神君崇高亭長亦云崇高熹平以

後稱嵩高故水經禹貢山水澤地所在廣雅釋山竝作嵩高也

其名大室則始見于左傳昭公四年晉司馬侯曰四嶽三塗陽

城大室九州之險是矣志云有大室少室山廟面即繼之曰古

文以密高為外方故酈元曰合而言之為崧高維指關雅山大

嵩字或本則二字通作一銘云分而名之為二室西南有少

室東北有大室韋昭曰嵩高有大室少室之山山有石室故名

戴延之西征記東曰大室西曰少室相去十七里嵩高其總名

也杜預春秋釋例太室嵩高山中嶽也有少室在太室之西謂

之少室正本班氏為說而金吉甫乃謂嵩高世名中嶽不得與

江夏內方相為內外不知五嶽之名昉于周官大宗伯大司樂

二職據職方所稱山鎮曰會稽衡山華山沂山岱山嶽山醫無

閭霍山恆山而不及嵩高是周官雖有五嶽之名且不得有嵩
高山况堯典明言四嶽焉得中有中嶽嵩高之云乎白虎通義引
書大傳言五嶽有嵩山封禪書述尚書有中嶽嵩高也公羊何
休注引尚書有還至嵩如初禮之文或據爾雅或本緯書譌緯
之說因難據信即釋山所稱五嶽先儒亦謂漢人增益均不足
為唐虞嵩高中嶽左證漢志云是為中岳亦第蒙上武帝置以
奉大室山為言非謂古文家有此說也善夫錐指之言曰左傳
大室于四嶽外別言之亦可見嵩高不為嶽矣鄭注地理志外
方在潁川嵩高山又詩譜云外方之山即嵩也郡國志潁川郡
陽城有嵩高山禹貢山水澤地所在嵩高在潁川陽城縣西北
又云外方崧高是也並與志合後案云志云古文則是古文說
故鄭用之是其義矣密高故縣即今河南河南府登封縣治陽
城在縣東南山今名
嵩山在縣北十里
桐柏至于倍尾江夏郡安陸橫尾山在東

北古文以為倍尾山
述曰倍夏紀作負音聲負聲古音相近呂

氏春秋王菩生鄭氏禮記注述今月令作

王荳穆天子傳茅荳郭注亦云荳今菩字音倍漢志有荳陽宮

東方朔傳作倍陽是其例古文倍尾今文負尾而枚書則作陪

尾師古曰倍讀曰陪蓋為偽孔所誤鄭注陪尾在江夏安陸東

北若橫尾者禹貢山水澤地所在陪尾山在江夏安陸縣東北

晉書地理志江夏郡安陸橫尾山在東北古之陪尾山史索隱

陪尾山在江夏安陸東北地理志謂之橫尾山史正義括地志

云橫尾山古陪尾山也在安州安陸縣北六十里元和志陪尾山一名橫山在安陸縣北六十里並與志合故孔疏通典東坡書傳禹貢指南書古文訓林尚書解黃尚書說蔡傳禹貢疆理記皆依扶漢志為說自周官賈疏據春秋緯云外方熊耳以至泗水陪尾屬搖星而程泰之以下遂以泗水縣陪尾山釋經尚書後案云泗水縣陪尾此又一陪尾為泗水發源處諸說以為禹貢陪尾與鄭孔及班志皆不合禹貢鄭注釋云無論緯書之言不足徵信即令泗水所出真有陪尾亦自別于安陸之陪尾緯以星土言此以地脈言據為典要可云戾矣其說皆是至偽孔傳謂淮出桐柏經陪尾尤荒謬不經尚書注疏考證反據以難志抑疏矣安陸故縣或云即今湖北德安府安陸縣治或云在縣北今考水經沮水注隨水南迴逕永陽縣西歷橫尾山即禹貢之陪尾山也隨水又西南至安陸縣故城西入于沮永陽在今應山縣北隨水逕其西然後歷橫尾山山當在應山縣西南括地元和二志謂在安陸縣北六十里是也唐安陸縣即隨水又西南至安陸故城西入沮水則故城當在今縣西北故漢志云橫尾山在安陸東

道嶧家

述曰嶧江氏聲本作番

至于荆山內方江夏

郡竟陵章山在東北古文以為內方山述曰章山後漢謂之立章山故史集解引鄭注云地理志內方在竟陵名立章山郡國志云江夏郡竟陵侯國有立章山本內方晉魏謂之章山故晉書地理志云江夏郡竟

陵章山在東北古之內方山水經沔水注云沔水自荆城東嶺
在今湖北襄陽南流逕章山東禹貢所謂內方至于大別者也
既濱帶沔流實會尚書之文矣據括地志云章山在長林縣東
北六十里張琳州北今漢水附章山之東通典云長林縣有章
山輿地紀勝云內方山又名章山是唐宋亦稱章山曹學佺名
勝志謂之馬仙山方輿紀要謂之豫山一名障山 大清一統
志謂之馬良山水道提綱謂之三尖 至于大別六安國安豐大
山漢竟陵故縣當在今荊門州東北
別山在西南 述曰孔疏云地理志無大別尚書今古文注疏譏
別在廬江安豐縣郡國志廬江郡安豐有大別山禹貢山水澤
地所在大別山在廬江安豐縣西南班志安豐隸六安國而鄭
注司馬志水經云廬江者建武十年省併也左傳定公四年吳
師伐楚舍舟于淮內白豫章與楚夾漢史皇謂子常必速戰乃
濟漢而隙自小別至于大別水經沔水注京相璠春秋土地名
曰大別漢東山名也在安豐縣南杜預釋地曰二別近漢之名
山作無緣乃在安豐也地說言漢水東行觸大別之阪通鑑作
大別不在安豐元和志復以翼際山一名魯山者為大別鄭元
以下沿杜預之失輿地紀勝以下襲元和志之誤今案水經沔
水篇云決水出廬江雩婁縣南大別山注俗名為檀山峴蓋大
別之異名也雩婁在安豐縣西南又江水篇注巴水出雩婁縣

之下靈山即大別也與汝水同出一山故世謂之分水山汝水
今史河源出河南光州商城縣東南巴水今巴河源曰九子河
出湖北黃州府羅田縣東北二水所出即禹貢大別山也據水
經稱雩婁縣南大別山則雩婁故城當在商城東境據鄒注稱
雩婁在安豐西南則安豐當在固始東南霍邱西南與漢志大
別在安豐西南之說正合禹貢雖指云孔疏子常從小別與吳
戰退至大別明自東而漸西今按自豫章與楚夾漢謂吳軍漢
東楚軍漢西子常濟漢而陳自小別至于大別言其師眾為長
陳自西及東若此其遠兩軍合戰則自大別以東小別當在大
別西孔說正相反尚書後案云英山麻城羅田諸縣山勢連延
西南趨江漢水東北迤行插入其境故曰至于大別蓋此山實
在漢水之東觀子常濟漢而陳則已明明在漢東矣而其下曰
自小別至于大別大別非漢東乎杜預所以疑安豐無大別者
以其去漢太遠不知地說言漢水觸大別之陂陂者山脈之靡
迤而不盡者耳經注永樂大典本水觸者僅漸及之而已耳非水
直至山下也傳云觸山回南入江回者回轉而後南入耳非纔
至山已入江也玩經兩言東不言南直至大別之下方用一南
字明係漢水直抵東北始回轉而南禹貢鄭注釋云至于三危
入于南海非入海在三危也至于東陵東迤北會于匯非會匯
在東陵也道河言至于龍門至于華陰至于大伾至于大陸凡
至于云者或記其曲處或記其致力處此言至于大別南入于
江正以自大別至江水有回曲非入江于大別之旁也酈元謂

地說與杜預相符不知地說正以大別在安豐言杜預非其義也洪氏亮吉卷施開集釋大別山一篇設十四證申班鄭難杜李文多嶠山之陽述曰嶠夏紀作汶故書作岷至于衡山過九江至于敷淺

原豫章郡歷陵傳易山古文以為傳淺原述曰禹敷土古文作敷今文作傳則此敷

淺原當亦然歷陵下作傳淺原者禹敷土古文自作敷今文自作傳敷淺原而夏本紀亦正作敷淺原是其明證矣志傳易山孔疏東坡書傳引作博陽山尚書埤傳云博當作敷敷轉為博傳謂為博耳案漢志本作傳易山作博者自是諸家徵引之誤朱志傳易當為傳易尤外通典江州潯陽縣有蒲塘驛即漢歷陵也驛前有敷淺原原西數十里有敷陽山蔡傳引晁以道云饒州鄱陽縣界中有歷陵故縣及傳陽山禹貢錐指古文以歷陵之傳陽山為敷淺原當有所本今欲知山在何處必先明縣在何境杜佑以驛為漢歷陵縣不知何據豈因王莽改歷陵為蒲亭遂以蒲塘附會耶黃子鴻嘗為之辯曰漢志豫章郡領歷陵縣晉志歷陵與餘汗并豫章郡鄆陽縣鄆陽縣同割屬鄱陽縣而柴桑縣則屬武昌郡鄆陽縣武昌縣治不應歷陵反出柴桑之西也因謂晁氏云歷陵在鄱陽者為是且曰吳志歷陵有石印山即今饒州府之鄱陽山亦歷陵在鄱陽之一證也按

鄱陽山在府治鄱陽縣西北一百五十里鄱陽湖中亦名石印山鄱陽縣故城在今府城東六十里三國吳至隋皆爲鄱陽郡治唐移於今所然則府城西當卽爲故歷陵地今按蒲塘驛距九江甚近杜氏以此當漢歷陵縣謂驛前有敷淺原與經文至于義例不合黃氏儀駁之是也明輿地圖饒州府治鄱陽縣之西有敷淺二字以地望測之今北珠湖土湖西湖之西鄱陽湖之東有平原長數十里卽其地正與晁黃說合雖指又云說文原高平之野人所登原因有山體故謂之傳陽山猶彊梁原亦稱華原

道弱水至于合黎張掖郡刪丹桑欽以爲道弱水自此

西至酒泉合黎

述曰弱竝當作溺黎古文夏紀作黎今文也師古注亦作黎刪丹下作黎者今本誤脫艸漢志

酒泉郡祿福呼羣水出南羌中東北至會水入羌谷張掖郡

得羌谷水出羌中東北至居延入海過郡二行二千一百里祿

福故縣卽今甘肅肅州治會水故縣在高臺縣鎮夷城西北

額濟納旗明一統志所稱亦集乃者也亦額集濟乃納竝聲之

轉呼羣水今討來河或稱陷賴洮賴卯來亦語之轉寰宇記謂

之潛水亦名福祿河羌谷水今黑水河括地志謂之鮮水一名

覆表水一名副投河徐氏松西域水道記云弱水今謂之黑河

又曰張掖河後儒不知本爲一河分張掖河當禹貢之弱水黑

河當禹貢之黑水誤矣海卽居延海過郡二謂張掖酒泉也討

來河源出肅州西南五百餘里祁連山東北流屈而北逕疏勒
山西又西北屈而東北逕來泉堡西因名來河又東北至
川東北又東北至臨水堡東北又東北屈而西北流出邊牆逕金
塔寺堡西又北至舊威虜城東又東北至漢會水故縣北東入
弱水土人名其地曰三岔河元和志會水在酒泉縣東北四十
里以眾水所會故曰會水卽此黑水河源亦出祁連山東北流
逕甘峻山西又北逕龍首堡西又北逕府治西又北屈而西北
至沙井驛西北與山丹河合山丹河卽古弱水也郡國志張掖
郡卽丹弱水出史集解引鄭注云地理志弱水出張掖本班
志不言所出山惟淮南子云弱水出窮石山案說文山部岷山
名一日女岷山弱水所出括地志蘭門山一名合黎一名窮石
山在祁丹縣西南七十里弱水所出也甘鎮志刪丹河在山丹
城西源出祁連山卽弱水也蓋祁連者青海北境諸山之總名
窮石者弱源之專號女岷蘭門則其異稱也括地志謂合黎卽
窮石方輿紀要難之云弱水至合黎非出于合黎是也山在今
山丹縣西南縣治卽漢刪丹故縣也山丹河自窮石山發源西
北流至東樂驛東北又西至甘州府治東北又西北逕府城北
又西北屈而西南至沙井驛西北與黑水河合又西逕撫夷廳
北又西逕高臺縣北又西至黑泉驛東北又屈而西北至鎮夷
堡東南縣城又西北逕堡南又西北至堡西北流出邊牆又
西北討來河西來入之又屈而東北出合黎山石峽口此卽志
所云西至酒泉合黎者也說文水部渭水自張掖刪丹西至酒

泉合黎餘波入于流沙桑欽所說亦本君長義也合黎山史索
隱引鄭注云地說云合黎山在酒泉會水縣東北禹貢山水澤
地所在作合離山亦云在酒泉會水縣東北杜預注合離山
志謂之要塗山陝西行都司志合黎山在甘肅北地還至鎮
夷所刻鹽石峽口三百里梁份西陲今略禹貢錐指略同近人
祇圖合黎山于甘肅府東北邊牆外與經文曰既西曰至于合
黎之義不合馬融以爲地名僞孔傳以爲水名皆非也漢志謂
呼蠶水入羌谷水羌谷水入居延海是班氏據西京圖籍以今
黑水河爲正源桑氏傳古文尙書則以爲弱水正源出刪丹以
經文既西之義推之桑爲確也故許氏慎李氏泰張氏守節蘇
氏軾皆從之錐指云就禹貢言出刪丹者爲弱水之正源出簾
得者爲弱水之別源正源主也別源客也志家徇今而忘古往
往主客易位故云羌谷水入居延海緄杜賈耽以張掖河爲弱
水雖本班義究不若桑許爲長斟注乃云志義以山丹河卽羌
谷水亦近証矣尙書集注音疏云欽說謂禹道渭水自刪丹非
謂弱水出刪丹不知君長以爲道渭水自此者對下西至酒泉
合黎爲文非謂渭水不出刪丹也志金城郡臨羌有弱水崑崙
洞焦氏循曰班于刪丹引桑欽于居延引古文則臨羌之弱水
班不以爲禹貢之弱水也其說得之西域傳條支弱水僅屬傳
聞程大昌誤以鳩水當之而反譏桑氏蓋非至若安息大秦夫
餘挹婁東女小勃律諸弱水地勢寫餘波入于流沙張掖郡居
遠並與桑許不合未敢援以釋經也

延居延澤在東北古文以為流沙

述門郡國志張掖居延屬國

山水澤地所在流沙地在張掖居延縣東北晉書地理志西海

郡居延澤在東南地尚書所謂流沙也通典甘肅張掖縣有

居延澤即古流沙地並本班志史集解引鄭注云地理志流沙

在居延西北名居延澤志云東北而此作西北者後案以為裴

誤是也漢居延故縣即今額濟納旗弱水由合黎山后峽口東

北流日坤都倫河又東北逕額濟納旗東亦日額濟納河又東

北分為二支流入居延海海即漢居延澤也在旗東北故亦曰

額濟納海蒙古稱西北者為索郭克鄂模東北者為索博鄂模

水經注居延澤在其縣故城東北尚書所謂流沙者也形如月

生五日據郡元稱形如月生五日當是中間闊而兩端漸小今

則兩居延海皆橢圓形而坤都倫河分流入海之處反較古為

差狹也但居延澤實非流沙而古文以為流沙者傳氏寅云弱

水用功止自合黎而上合黎而下遂亦不復究其為何如也黃

氏度云導弱水至合黎止合黎之西地為夷界故不復紀其

所經歷鄭氏曉云弱水正脈至于合黎過此無事疏鑿矣其餘

波入于流沙聽其流行耳胡氏渭云弱水自合黎峽口以北水

不為患再治此水止于合黎未嘗及其北故雍州曰弱水既西

而導水則有入流沙之文無入居延澤之文後人以目驗之見

弱水實入居延澤則以為流沙云爾並足闡明經情而胡氏說

尤能發古文之義然胡氏又云經云西被于流沙苟在居延是

北而非西矣。經豈有二流沙斯爲繆矣。禹貢兩流沙本自不同。未可強合。餘波入于流沙。經以未見居延澤。故約略言之。其意蓋指北流沙。今蒙古北之瀚海是也。橫互幾二千里。竹書紀年穆王北征。行流沙千里。說文漠北方流沙。卽此。若西被于流沙。自斥西流沙言。是解招魂。晉書魏書周書北史裴矩西域記唐書郭義恭廣志所稱流沙。並據錄。今新疆諸地之大戈壁是也。尙書小疏云。禹貢東漸于海。西被于流沙。皆實指其地。而朔南但言暨者。蓋蒙上二句之文。謂朔及流沙南。及海在敦煌西者。西被之流沙。在居延北者。朔暨之流沙也。夫以居延澤爲西被之流沙。固與經文顯悖。然如顏師古杜君卿輩。謂入于流沙在敦煌西。不知戈壁東距合黎極遠。非餘波所得入也。其誤蓋偏于僞孔。而錐指用陳說。復謂弱水之正者入合黎。其餘則入于流沙。不知禹道弱水至合黎。未測其下游之遠近。故但云餘波入于流沙。若無餘波之文。恐似弱水至合黎。卽入流沙矣。非謂正流入居延而餘波又入流沙也。道黑水至于三危。入于南海。不言餘波者。蒙上爲文也。至鄭注引地記曰。弱水西流入合黎。山腹餘波入于流沙。通于南海。通于南海之說。蓋本之山海經。淮南子而酈道元司馬貞從之。證之古經近志。皆云北流不得轉向南海。于義鑿枘殆失之矣。後案云。漢志古文說謂居延爲禹貢流沙。灼然可據。近人謂流沙在嘉峪關外。非弱水所入。豈可易漢志古文說乎。况今弱水實入居延。而嘉峪關外並無西流出塞之水平。論議明確。足以引信。茲義惟謂弱水流沙亦入。

南海則不免迴護鄭注之失今古文注疏云南志南海謂流沙池南之海即居延澤也牽就其詞抑近皮傳矣道黑水

至于三危入于南海道河積石金城郡河闕河水行塞外東北

入塞內至章武入海過郡十六行九千四百里魏郡鄴故大河

在東北入海述曰爾雅釋水河出崑崙虛色白說文風俗通義

洳志河出崑崙經中國注勃海西域傳河有兩原一出蔥嶺山

一出于闐于闐在南山下其河北流與蔥嶺河合東注蒲昌海

蒲昌海一名鹽澤者也去玉門陽關三百餘里讀書錄事

表三百里積石為中國河云以今輿圖案之蔥嶺有南北兩河

下南出于積石為中國河云以今輿圖案之蔥嶺有南北兩河

與于闐之源為三而論河之正源則惟蔥嶺北河足以當之其

水名雅璫雅爾河源出蔥嶺之哈喇淖爾一日喀喇庫勒蔥嶺

即爾雅之崑崙釋氏西域記謂之羅逝西山唐書地理志云俗

名極疑山朋一統志云彝名塔爾塔石打班水道提綱云今名

阿賴山近俄羅斯人謂之烏拉嶺蒙古語謂黑日哈喇池日淖

爾回語謂黑日喀喇池日庫勒水色青黑故云即古阿耨達池

史記引禹本紀言河出崑崙上有瑤池漢書西域傳稱三池盤

石坂魏書西域傳稱大次小三龍池辨機西域記以為阿那婆

荖多池唐言無熱惱近俄羅斯人以為亞刺湖皆其異名也史

記大宛傳漢書西域傳並云于闐之西水皆西流注西海其東
東流注鹽澤涼土異物志亦云蔥嶺之水分流東西入大海
東爲河源哈喇淖爾西北出則爲媯水流注雷翁海西出則爲
恆河分流入南海此大宛傳西域傳涼土志所謂西流注西海
者也其云東爲河源者卽雅蒲雅爾河其水合蔥嶺南河及和
闐河卽于闐東北流爲塔里木河東注羅布泊卽西域傳所云于
闐河北流與蔥嶺河合東注蒲昌海者也羅布泊伏流千五百
里東南至巴顏喀喇山噶達素齊老石壁上天池蒙古語謂北
遠望如北極星故云重源顯發東南流爲阿勒坦河蒙古語謂北
勒斯又東北爲火敦腦兒蜺元譯言星宿海一曰鄂敦他拉此
卽西域傳所云潛行地下南出于積石爲中國河者也班氏志
地理亦主蒲昌潛行之義與傳西域同故云河水行塞外而不
稱古志云金城郡河關積石山在西南羌中卽此積石此名當
起于漢孝武元鼎六年李息徐自爲平羌以後非禹貢道河之
積石也鄭氏樵六經輿論云班固述河源之經流遠窮蔥嶺蒲
類海關輿以爲潛行地中而出爲中國河而不知禹貢止日導
河至積石固之言非也案西域傳之云第謂河源所出初不云
禹跡所經也恐不足以難之水經河水篇云又東入塞過敦煌
酒泉張掖郡南敦煌郡治今甘肅安西州府張掖縣治又
東過隴西河關縣北河關縣治今甘肅張掖縣治又
者也禹貢山水澤地所在云積石山在隴西河關縣西南此正
禹貢道河之積石也水經又云又東過金城允吾縣北泉蘭縣

禹貢班義並下

自東入塞至此並禹迹與經文合自此以下則史漢詳之史
記河渠書漢書溝洫志述禹貢至于大邳結作云於是禹以
為河所從來者高水湍悍難以行平地數為敗乃斯書志維九河
同為逆結作河入于勃海溝洫志又云王橫曰禹之行河水本
隨西山東北去周譜定王五年河徙則今所行非禹之所穿
也宜更開空使緣西山足乘高地而東北入海王橫亦古文家
見儒林傳周譜即桓譚新論所稱太史公三代世表旁行邪上
並效周譜者也禹貢雖指云王橫所稱西山即賈讓所謂放河
使北西薄大山者類見漢書地理志高地即史遷所謂至大邳引河
北載之高地者也據周譜稱定王五年河徙則五年以前仍為
禹迹漢書敘傳商竭周移胡氏謂正指定王五年事是也禹貢
鄭注釋以周譜為疑蓋非禹河自宿胥口而北逕黎陽今河南
鄭內黃今河南鄭德內鄴今河南鄭列人今河南鄭北逕黎陽今河南
鄭廣平今河南鄭鉅鹿今河南鄭鄴今河南鄭南宮今河南鄭武弓今河南鄭高今河南鄭高今河南
成今河南成今河南成今河南成今河南成今河南成今河南成今河南成今河南
境北入海此河渠書溝洫志所云載之高地入于勃海者也臣
瓚曰禹河入海在碣石元光三年河徙注勃海禹時不注也漢
書考證云尚書入于海河渠書始云入于勃海而班固用之本
無差訛禹河自周定王以後雖漸遷移而入海之口總在直沽
至漢猶如故也孝武紀元光三年河水徙從頓丘東南流入勃

十六當作二十六謂敦煌酒泉張掖金城天水武威安定北地朔方五原雲中定襄西河上郡河東京兆弘農河南河內陳留魏郡東郡清河平原信都勃海也今本脫去二字水經注釋據今本漢志以疑班氏疏矣志于魏郡鄴下云故大河在東北入海此即斥河渠書溝洫志云云也蓋自斥漳以本本禹河故漬周定王五年河徙行漂川其潰乃為漳據兩河至合口猶與漳會同流入海至王莽始建國三年河改徙千乘入海而合口以下大河故漬遂為清漳二水所據唐宋以還遷徙者屢明弘治中太行隄成河專由南清河入海而北流遂至于龍門南至于絕漢志所云河至章武入海者終不可復矣

華陰東至于底柱述曰夏紀作南至華陰東至底柱無于又東

至于盟津述曰溝洫志亦作盟津尚書表注云孟津古文作盟是也文選東京賦注引尚書正作盟津夏紀作盟津

是今文亦作盟津也故尚書大傳至于盟津之上亦作盟津今本尚書作孟津當是今文田共字水經河水注引尚書亦作孟津

東過洛汭述曰洛當作雒雒洫志正作雒內汭述曰作內當是古文至于大伾述曰

坏上一成也伾有力也地理溝洫二志作伾古文也左相仲虺所封國大伾當作坏漢也水經河水注引禹貢至八伾并述鄭注云流出伾際矣鄭用古文正作伾禹貢山水澤地所在作邪從今文也釋文又作伾

經疏俗體 北過降水上黨郡屯雷桑欽言絳水出西南東入海不可從

信都國信都絳水入海 述曰夏紀亦作降索隱曰地理志从糸

援屯雷信都二絳字為證其說得之鄭注謂作絳為非誤也屯

雷故縣在今山西潞安府屯雷縣南東入海水經注引作東入

漳讀書雜誌云入海本作入漳是也禹時絳水入漳漳水入河

至王莽始建國三年河徒從千乘入海漳水始由河濱入海非

桑欽所及見也信都即今直隸冀州治鄭注地理志曰大陸在

距鹿絳水在安平信都相去不容此數此數蓋斥地說降水千

早至大陸之義雖未盡確然其駁難地志則未為非故後案云

若果如此則經當云北過大陸至于降水矣但鄭以其水當之

又謂屯氏河其故道與則皆未然水經濁漳水注漳水東逕屯

雷縣南又屈逕其城東東北流有絳水注之水西出穀遠縣東

發鳩谷發鳩谷在縣南為濫水東逕屯雷縣故城南東北流入于

漳故桑欽云絳水出屯雷西南東入漳也又東北過距鹿縣

東注絳水發源屯雷下亂漳津是乃與漳俱得通稱故水流開

關所在著目信都復見絳名而東入于海尋其川脈無他殊漬

河之過降當應此矣鄭元謂漳絳通稱本桑為說視鄭似優其

云信都復見絳名河之過降應此則猶襲班誤故禹貢論難之

云臚實無以得絳水之真遂牽合以信其說也鄭又云其縣本

共和之故國不因惡降而更稱當非改絳革為今號足正鄭注

國惡言降改謂之共依而廢讀或作絳字之誤至屯氏北出館
陶則又以鄆為近之雖指云鄆縣故大河在東北入海志有明
文禹河既自宿胥口北行至鄆豈復東行至館陶而與屯氏相
接哉然則鄭氏此義亦未可據依矣雖指又云志云故章河在
北東入海禹貢絳水亦入海蓋縣北故漳即禹河之故道而絳
水出其南則漳水之徙流鄆元所謂絳瀆者也濁漳注云漳水
自南宮縣故城西南經鄆縣宮道縣又北絳瀆出焉今無水故瀆
東南逕九門城南新河當在縣境又東南逕南宮城北又東南逕
城縣故城北北城縣城東逕信都城東散入澤潞西至于信都城東連
亭州縣南又北逕信都城東散入澤潞西至于信都城東連
于廣川縣之張甲故瀆東歸于海故地理志曰禹貢
絳水在信都東入于海也蓋漢時信都之漳水徙從其縣南故
地志以此為絳水而信都縣北之瀆曰故漳河其後漳又復北道
故水經敘漳水仍自信都縣西北過下博縣而鄆元云絳瀆
今無水唐人遂謂之枯絳渠此渠乃漳水一時之徙流漢志以
為禹貢之絳水謬而焦氏循則謂護班氏謂信都絳水即屯
入漳之絳然經信都之水在禹貢時實為大河不得以漳絳目
之焦氏詞雖極辨究難免誣支之失漢志之誤正不必為班諱
也

至于大陸又北播為九河述曰夏紀同為逆河入于海述曰

作迎溝述曰志云同為迎河是也文作逆史記夏本紀河渠書
云同為逆河是也對海郡莽曰逆河南皮莽曰迎河亭用古

文地理志本作同為迎河入于海讀史記雜志雖誤謂嶓冢道古文作逆今文作迎其辨正今本漢志之逆則是也

漾東流為漢隴西郡西嶓冢山氏道養水所出至武都為漢武

都郡武都東漢水受氏道水一名沔過江夏謂之夏水入江

嶓江氏聲本作番說文漾古文从養作漾鄭注引地理志正作

漾故江本經文亦作養氏道下養水所出養即古文養字之省

故郡國志亦作養志述經文亦當作養今本作漾者撰異云後

人用尚書改是也惠氏棟九經古義曰地理志曰隴西氏道縣

禹貢養水所出从古文孔氏作漾非也齊氏召南乃據道漾誤

文以正養字誤矣夏紀亦作漾是古今文竝作漾也讀書雜誌

云至武都為漢上脫東字東漢水東字後人所加皆是也西縣

故城在今甘肅秦州西南一百二十里氏道當在州南武都在

隴州成縣境嶓冢山宋元人及國初諸儒謂一在今寧羌州

北東流水所出一在今秦州西南西漢水所出今案寧羌之嶓

冢始子魏收魏書地形志其實古祇秦州之嶓冢禹貢嶓冢道

漾即漢志西漢水所出之嶓冢志于西下云嶓冢山而氏道言

養水所出則不著山名明嶓冢著于西縣故也故水經禹貢山

水澤地所在云嶓冢山在隴西氏道縣之南又漾水篇云漾水

出隴西氏道縣嶓冢山東至武都沮縣為漢水郭璞注山海經

亦云嶓冢在武都氏道縣南竝謂嶓冢在氏道說文漾水出隴

西嶺道嶺在武都之東至武都為漢郡國志隴西郡氏道養水出地理志養水出隴西氏道至武都為漢郡國志隴西郡氏道養水出地理志養水出隴西賦注曰漢水源出隴西經武都並謂養水出氏道蓋禹貢嶓冢有東西二水分流其西流者即漢志西縣之西漢水其東流者即漢志氏道之養水故華陽國志云漢水有二源東源出武都縣嶓冢山為漾水禹貢道漾東流為漢是也西源出隴西西縣嶓冢山會白水逕葭萌入漢漢中記云嶓冢以東水皆東流嶓冢以西水皆西流故俗以嶓冢為分水嶺嶓冢巴漢志云漢水二源東源出氏道縣養山名養西源出隴西嶓冢山會白水經葭萌入漢華陽國志補水經注云東西兩川俱出嶓冢而同為漢水案漢中記水經注並與漢志合華陽志巴漢志雖亦知東西二源而謂東源出養山西源出嶓冢顯與經違其義非也而源既分其百流為西漢水今水道猶禹迹也其東流即漢水東至武都為漢東南至江夏入江別有沮水源出東復谷南流注漢至周代武都上受氏道之水其流浸絕遂以沮水為漢源故禮箋云嶓冢道養惟據禹貢漢水言耳周官職方荊州漢水則不道源于嶓冢故志于武郡沮縣曰沮水出武都沮縣東狼谷南至沙羨南入江過郡五行四千里荊州川蓋養水輟流不與漢相屬由來久矣志言禹貢養水云云此明禹貢漢水故道若鄴東故大河之類非謂漢代經流之道漢水仍上受氏道水也後儒考漢志不詳于漢源求嶓冢不得因翫漢水之山強名之為嶓冢亦近誣矣漢志禹貢嶓冢山在西縣西漢水所出

不見于氏道然于氏道言禹貢養水所出東至武都爲漢正釋
經蟠冢道濊東流爲漢明氏道亦得有蟠冢山是山嶧岫延長
西氏道皆其盤迴之地準之地望氏道當在西縣東志于西縣
著蟠冢山氏道例不重出如雲夢跨江南北志惟于南郡華容
見也謝對蔡傳蟠冢山地志在隴西郡氏道縣濊水所出又云
在西縣蓋蟠冢一山跨于兩縣雖蟠冢在氏道漢志無其文然
其會通班義要自明確故尙書通考從之程氏大昌黃氏度閭
氏若據蔣氏廷錫全氏祖望旣以漢志爲疑而禹貢雖指復極
詆班蔡毋乃過與林氏士奇據班志司馬彪袁山松郡國志水
經諸書煥瑤謂蟠冢一山跨于氏道與西兩縣之間說自不
誤而又以東西兩川不見于經爲疑則亦未能堅持其說也後
案云鄭曰地理志蟠冢山在漢陽西鄭但舉西縣之蟠冢者漢
志旣專于西縣言蟠冢并冠以禹貢則必古經相傳舊說鄭據
古義故云然也其說近是但後案又據水經注謂西漢合濁水
則與東漢通渭注亦以二水互通爲禹貢漢志左證不知經明
云逾于河是兩漢古不相通西漢合濁與東漢通自是元魏水
道未足爲經證也而焦氏循復謂濊出氏道導濊則于西縣之
蟠冢如導河積石河不出積石誤會班意亦失之元魏正始中
析河陽置蟠冢縣以表其山而水經注絕不一及洵篤守古義
者雖指難屬元而申魏收抑疏矣江夏郡治在今湖北德安府
雲夢縣東南水經夏水篇云夏水出江津于江陵縣東南今
陵縣治又東過華容縣南辨潞西又東至江夏雲杜縣入于

沔水沔水出焉又東南過江夏江夏縣東水從西來注之應劭十三州記曰江
 章口東有中夏口是夏水之首江之汜也應劭十三州記曰江
 別入沔為夏水源夫夏之為名始于分江冬竭夏流故納厥稱
 既有中夏之目亦苞大夏之名矣當其決入之所謂之堵口焉
 自堵口下沔水通兼夏目而會于江謂之夏沔也故春秋左傳
 稱吳伐楚沈尹射奔命夏沔也杜預曰漢水曲入江即夏口矣
 公孫年蓋夏水首受江尾入沔夏沔既合之後互受通稱故
 水經云過江夏雲杜縣東夏水從西來注之而漢志則云過江
 夏謂之夏水說文沔水出武都沮縣東狼谷東南入江或曰入
 夏水許既謂沔入江又引或曰入夏水者自雲杜以東通目之
 為夏水即鄒元所云自堵口下沔水通兼夏日者也禹貢集解
 云蓋由夏水至江夏界入沔故沔遂得夏水之名非華容夏水
 即沔也沔既得名夏水故沔口亦稱夏口云耳案傳說與鄒元
 合足以發明班義故鄭注亦云又東為滄浪之水述曰滄夏紀
 地理志滄水至江夏謂之夏水又東為滄浪之水作蒼滄古文
 蒼今過三澨至于大別南入于江東匯澤為彭蠡東為北江入

于海嶠山道江蜀郡湔氐道嶠山在西徼外江水所出東南至

江都入海過郡七行二千六百六十里述曰嶠夏紀作汶嶠古文汶今文故書作岷說

文山部云隄山也在蜀渝氏西徽外水部云江水出蜀渝氏徽外崑山入海史集解引鄭注云地理志岷山在蜀郡蒲氏道郡國志蜀郡蒲氏道岷山在西徽外水經禹貢山水澤地所在岷山在蜀郡蒲氏道西又江水篇云岷山在蜀郡氏道縣大川龍安府松潘廳西北岷山一名寶山史記封禪書自華以西名山曰寶山蜀之汶山也水經注岷山即寶山也是也一名汶阜山三國志蜀志秦宓曰蜀有汶阜之山江出其腹水經注岷山又謂之汶阜山是也一名沃焦山華陽國志岷山一名沃焦山是也括地志岷山在益樂縣南臨縣今甘肅鞏昌連綿至蜀幾二千里皆名岷山陸游入蜀記自蜀郡以西大山廣谷皆衍起伏西南走蠻箐中皆岷山松潘西北皆古岷山然北不得逾洮河西不得逾德特坤都倫河李德裕謂岷山連嶺而西不知其極范成大謂江源出西戎不可窮極亦非也江源所發曰羊膊嶺一名鐵豹嶺故華陽國志云岷山其跂曰羊膊江水所出益州記云大江泉源即今所聞始發羊膊嶺下東南百餘里至白馬嶺而歷天彭關亦謂之爲天彭谷江水自此已上至微弱所謂發源溫觴者也西南至湮坂乃稍大矣寰宇記云羊膊嶺在平康縣東南嶺山下有二神湫大江始發之所通鑑地理通釋云鐵豹嶺即羊膊之異名也尙書表注云岷山數百峯一谷名鐵豹嶺者有西岳廟廟下名羊膊石江水正源也此即漢志所云禹貢崑山江水所出者也禹貢雖指云據漢志言江水出蒲

氏道西徼外則當以酈注所引益州記爲正自晉以下說江源者皆云山羊膊嶺與益州記同近志引江源記云岷江發源于臨洮木塔山頂分東西流南流入百里經甘松嶺又南經漳臘堡西其水漸大復經鐮刀灣達松潘下水關臨洮今陝西洮州衛也在松潘之東北江源果發此則又自東北而來與氏道西徼外之岷山相去懸絕爲此說者蓋因隋志云岷山在臨洮郡臨洮縣括地志云岷山在岷州蓋樂縣見有一水自木塔山來入江者遂以爲江水發源彼中明與漢志相背不可從也水道提綱云禹貢導江之岷山亦曰汶山今四川松潘衛西北也又有北源岷山在陝西岷州衛南源又有二岷山一在茂州一在灌縣皆不如據漢志漸氏道卽在今松潘者爲是胡齊二說引信漢志極確今大江源出松潘廳西北黃勝關外有東西二派在東者出岡出山東南曲流百里許在西者出那哥多母精山東南流二百餘里合流又百里許入黃勝關圍出山俗謂之滴漏山那哥多母精山卽西番哈瑪鼻浪架嶺也江水旣入黃勝關歷四川湖北湖南江西安徽諸省至江蘇之海門廳入海而漢志云至江都入海者志江都下云有江水祠海陵下云有江海會祠然則自今泰興以東諸州縣地漢時尙爲海所據也江都故縣在今揚州府治江都縣西南海陵故縣今泰州治過郡七行二千六百六十里徐緒說文繫傳引作過郡九行七千六百六十里宋本漢志同當據以正今本之誤郡九東別爲沱謂蜀郡犍爲巴郡南郡長沙江夏廬江丹陽廣陵也

又東至于醴

述曰馬鄭王本作醴與漢志同是古文作醴夏紀作醴是今文亦作醴故書作醴唐石經以下並用

之非

過九江至于東陵東迤北會于匯東為中江入于海道沈

水東流為沛入于河軼為滎河東郡垣王屋山在東北沈水所

出東南至武德入河軼出滎陽北地中又東至琅槐入海過郡

九行千八百四十里

述曰夏紀無流字沛作濟沛古文濟今文軼作洑故書作溢說文軼車相出也洑水

所蕩沃也古文用假借今文用本字周官職方注洑為滎水經

濟水注引晉道志亦曰南洑為滎澤並從今文惟地理志用古

文作軼七經孟子考文以洑為古文者誤史集解述鄒注引地

理志作洑為滎者裴駟順史記文為之也滎當作滎說文沈水

出河東東垣王屋山東為沛沛沈也東入于海鄭注地理志沈

水出河東東垣王屋山東至河內武德入河洑為滎並與志合

志云王屋山沈水所出者水經濟水出河東垣縣東王屋山為

沈水注山海經曰王屋之山聯水出焉今本聯聯西北流注于泰

澤郭景純云聯沈聲相近即沈水也潛行地下至共山南淇水

鵬鹹復出于東丘今原城東北有東丘城鵬鹹在淇今濟水

重源出鵬縣西北平地鵬縣水有二源東源出原城東

北南逕其城東故縣之原鄉南流與西源合西源出原城西東

逕原城南東台北水亂流東南注括地志王屋山在王屋縣北
十里泱水出山頂崖下石泉停而不流其深不測既見而伏至
濟源西北二十里平地濟源今其源重發而東南流李濂遊濟
源記云濟瀆廟後有池是為東池即東源周僅百餘步池西有
石橋橋西為西池周如東池舊記濟水出王屋山頂太乙池伏
流地中東行九十里復見于此其太乙池今亦涸矣劉漪西源
辨云濟水二源舊志唯以廟垣石橋為界按水經注二源一在
原城東北一在原城西南為地殊遠不可以一橋之界遂分東
西而謂二源俱在是也意此為東源信矣池西二里又有一源
舊稱為龍潭時出時沒下流經濟廟南會池水於東北當為濟
之西源無疑也括地志之石泉舊記之太乙池即山海經之泰
澤括地志所稱既見而伏至濟源西北二十里平地其源重發
舊記所稱伏流地中東行九十里復見即鄭元所云潛行地下
復出于東上者也劉漪所辨東西二源尤足證成鄭義凡此皆
漢志所云泱水所出者也云東南至武德入河者水經泱水又
東至溫縣西北為濟水溫縣今又東過其縣北屈從縣東南流
過陂城西陂城今又南當鞏縣北今南入于河注東西源亂
流東南注分為二水一水東南流又東南逕絳城北而出于溫
縣今縣一水枝津南流注于渙濟水于溫城西北今縣出
水一與故瀆分南逕溫縣故城西南歷號公臺西南流
注于河濟水故瀆于溫城西北東南出逕溫城北又東逕號公
冢北縣今東北東南合奉溝水南注于河又河水篇云又東過成

泉縣北水縣今北濟水從北來注之注河水又東逕懷縣南今
酖縣濟水故道之所入今濟水自溫縣入河不干此也所入
者奉溝水耳即濟沈之故瀆矣日濟水故瀆日濟水故道即漢
志所云東南至武德入河者此禹迹也水經泌水注奉溝水右
出焉先儒亦咸謂是溝為濟渠故班固及關駟並言濟水至武
德入河是其義矣郡國志河東郡溫濟水出王莽時大旱遂枯
絕縣元亦云王莽之世川瀆枯竭其後水流逕通津渠勢改尋
梁脈水不與昔同蓋自亡新以後濟水由溫而南而禹迹遂湮
今則東西二源既合流後又東南三十里至河內縣西三十五
里之柏香鎮分為二支北支于鎮之東止流至河內縣入廣濟
河而南支則于鎮之西南流為猪龍河自營村入黃河莽時故
道更復湮塞東去禹瀆蓋益遠矣云軼出滎陽北地中者詩正
義引鄭注云沈水溢出河為澤今塞為平地滎陽民猶謂其處
為滎播在其縣東春秋魯閔公二年衛侯及狄人戰于滎澤此
其地也水經濟水注澤名曰濟濟也源出河北濟河而南也晉
地道志曰濟自大伾入河與河水關南洑為滎澤又云濟水又
東逕滎澤北故滎水所都也京相璠曰滎澤在滎陽縣東南錄
滎陽縣東南今則在滎陽縣南十二里有滎澤故城據此則滎澤在滎陽縣東南
云滎澤水既斷民謂其處為滎澤春秋衛侯及翟人戰于滎澤
而屠懿公今按春秋時有二滎澤一宣公十二年楚潘黨逐晉
魏錡及滎澤杜注在滎陽縣東一閔公二年戰于滎澤注此
滎澤當在河北禹貢之滎當為宣十二年之滎澤若閔二年之

榮澤則有別蓋此時衛都河北傳下云敗諸河宵濟則榮澤不
 得在河南鄭鄆蓋並誤矣班云軼出榮陽北而鄭謂在縣東者
 胡氏渭云澤起縣北歷其東也其塞為平地胡氏據後漢書明
 帝紀王景傳謂平帝之世河汴決壞榮澤在所漂諸縣中填淤
 之久空寶盡室地中伏流不能上涌榮澤之塞實由于此是也
 當西漢時禹澤依然矣故志云軼出榮陽北地中然自榮澤
 以下禹迹之改自周已然周官職方豫州其川榮雒穆天子傳
 浮于榮水則周初榮澤已導為川東與陶丘復出之濟相接故
 志于軼出榮陽下即繼之曰又東至琅槐入海也榮陽故縣今
 河南開封府榮澤縣西南十七里琅槐今山東青州府樂安縣
 東北一百十里過郡九謂河東河內河南陳留濟陰泰山濟南
 齊郡千乘也沛水自榮陽至琅槐歷陽武縣東南二里入海
 封上於平丘平丘在陶丘東南八里
 冤胸於平丘平丘在陶丘東南八里
 州西界安民亭在陶丘東南八里
 城縣練馬臨邑縣東南八里
 管縣北二章縣東南八里
 對至琅槐入海今自安民亭以西遺迹皆湮而安民亭以東章
 邱以西之大清河鄒平地東至海之東出于陶丘北濟陰郡定
 小清河則猶是古沛水之故瀆也

陶陶丘在西南
 述曰夏紀無于字志云定陶陶丘在濟陰定陶西北
 集解引鄭注云地理志陶丘在濟陰定陶西北

者考水經禹貢山水澤地所在云陶丘在濟陰定陶縣之西南
又濟水注亦云又東逕陶丘止地理志曰禹貢陶丘在定陶西
南陶丘亭在南今本地理志無在陶丘尚書所曰導河水自陶丘
北謂此也據此則鄭注北字蓋裴駢引誤尚書集注音疏尚書
後案十七史商榷並以南為誤非也爾雅釋丘再成為陶丘郭
注今濟陰定陶城中有陶丘案定陶漢晉並以為郡治晉郡即
漢郡景純說與漢志不合雖指謂其時郡徙西南包陶丘而為
城亦失之定陶故縣在今山東曹州府定陶縣西北四里陶丘
墨子竹書紀年謂之又東至于荷述曰荷當作荷今又東北會
釜丘在縣西南七里

于汶又北東入于海述曰北東夏紀作東北當是傳寫道淮白

桐柏東會于泗沂東入于海南陽郡平氏桐柏大復山在東南

淮水所出東南至淮陵入海過郡四行三千二百四十里述曰淮陵

因學紀聞閻氏若璩箋漢書考證十七史商榷以為當作淮浦

是也故鄭注本作淮浦禹貢雖指及傅氏澤洪行水金鑑謂陵

蓋陰字之誤殆非說文淮水出南陽平氏桐柏大復山東南入

海郡國志南陽郡平氏桐柏大復山淮水出風俗通南陽平氏
縣桐柏大復山在東南南淮水所出也並與志合桐柏大復山即
禹貢之桐柏也一統志分桐柏大復為二義疑沈氏彤尋淮源

記云桐柏山綿亙百里有紫霄翠微玉女臥龍蓮花諸名其道
南最西一峯則曰胎簪水經所謂平氏縣胎簪山也有泉出其
陰北流至平地分二道鄭注所謂西流為澧東流為淮者也泉
之旁有池方七尺許俗謂之淮井漢志桐柏大復山蓋統胎簪
以東諸峯言之後人名最西一峯曰胎簪餘峯多別為之號而
最東一支遂專大復之名矣按沈說是也傳氏集解云胎簪山
卽桐柏也後世又別名之耳禹貢導淮自桐柏不應桐柏非淮
所出是宋儒已有此說自水經云淮水出胎簪山東北過桐柏
山誤分胎簪桐柏為二而桐州記復以水經之胎簪為桐柏桐
柏為大復魏注意在傳合禹貢而不知胎簪卽古桐柏大復山
之一支也淮醴同源處今名分水嶺平氏故縣一統志以為在
今河南南陽府桐柏縣西方輿紀要以為在縣西北四十里案
據鄭注云澧水西北流逕平氏縣故城東北則紀要是也水經
又云淮水東過江夏平春縣北平春縣今湖北黃陂府又東過新息縣
南新息縣今河南光州府又東過原鹿縣南
九江壽春縣西壽春縣今安徽懷遠縣又東過鍾離縣北鍾離縣今安徽鳳陽縣又東過淮陰縣北淮陰縣今河南淮陰縣又東至廣
陵淮浦縣入于海淮浦縣今安徽懷遠縣又東過淮陰縣北淮陰縣今河南淮陰縣又東至廣
海者也漢志說文皆云淮水東南入海以地望測之其實東多
而北少非東南也過郡四對注以為當過南陽江夏汝南廬江

九江臨淮六郡四字疑誤三千商榷會箋以爲二千之譌皆是也今淮水自桐柏山東北流逕河南之信陽正陽羅山息縣光山光州固始諸州縣安徽之潁上霍邱壽州懷遠鳳陽五河諸州縣又東至盱眙縣北匯爲洪澤湖由湖東出歷江蘇之清河山陽安東三縣東北至雲梯關入海此本淮水故道自宋神宗十年河決澶州之曹村由梁山濰南北分流北派由北清河入海南派由南清河入淮尋復塞之北流金章宗明昌五年河決陽武復由梁山濰分爲二派及明孝宗弘治六年河決張秋劉大夏築大行隄北流遂絕而河乃獨注淮潰矣自河淮合潰淤填日深恆爲民患潘季馴四起治河初爲刷沙之法築隄障水逼淮注黃國朝康熙戊寅更勑束清禦黃二壩時其啟閉黃大於淮則閉使勿通第由運河下注而已淮大於黃則藉清刷黃淮水兼得由故潰入海是謂以水治水比年以來刷沙之法既不復行而值淮黃俱盛則上下壩放巨浪拍天汪洋一片殊可傷已道光戊申開禮壩洩淮遂不復閉已酉六堡之役決黃入海洪澤巨浸淤墊益高東北一隅運成平陸杞人之憂伊胡底道渭白鳥鼠同穴隴西郡首陽鳥鼠同穴山在西南渭水所

出東至船司空入河過郡四行千八百七十里

述曰爾雅釋鳥

爲餘其鼠爲鼯李巡注鼯鼯鳥鼠之名其處一穴天性然也郭璞注鼯如人家鼠而短尾餘似鷄而小黃黑色穴入地三四尺

鼠在內鳥在外今在隴西首陽縣鳥鼠同穴山中其注山海經同晉太康三年地記云鳥鼠山在隴西首陽縣西南鼠尾短形如家鼠入三四尺蝦蟇鼠在內鳥在外爲此壯觀九十五亦與郭義合外如宋書吐谷渾傳洛陽伽藍記杜寶大業雜記元和郡縣志岳正類博稿甘肅鎮志雖小有不同其言鳥鼠同穴則無異義近歸有光震川文集跋程氏禹貢論謂都太僕穆親至其山見鳥鼠來同穴尤爲顯驗故某氏傳孔疏書古文訓尙書全解書纂言尙書句解並依爾雅古義以釋經胡氏士行尙書詳解同而禹貢論蔡傳獨不信斯說宜後儒之駁難也水經釋渭水云渭水出隴西首陽縣渭谷亭南鳥鼠山而其記禹貢山水則云鳥鼠同穴山在隴西首陽縣西南蓋謂鳥鼠卽鳥鼠同穴之窟文也說文渭水出隴西首陽渭首亭南谷東入河杜林說夏書以爲出鳥鼠山攷後漢書杜林傳林於西州得漆書古文尙書一卷出以示衛宏徐巡等宏巡益重之於是古文遂行杜林傳古文尙書而以爲出鳥鼠山明鳥鼠亦鳥鼠同穴之窟文也雖指云鳥鼠同穴四字爲一山之名上文從省曰鳥鼠此全舉四字蓋屬辭之體詳略各有所宜是也志云鳥鼠同穴山在首陽西南明鳥鼠同穴實爲一山故淮南子陸形訓云渭出鳥鼠同穴郡國志云隴西郡首陽有鳥鼠同穴山渭水出春秋釋例渭出隴西狄道縣鳥鼠同穴山東至華陰縣入河三輔黃圖渭水出隴西首陽縣鳥鼠同穴山東北至華陰入河北史豆盧勣傳云鳥鼠山俗呼爲高武隴其下渭水所出通典鳥鼠

同穴山在今渭源縣渭水所出也今謂之青雀山或稱烏鼠同穴山其義一也乃地說則曰烏鼠山同穴之枝幹也渭水出其中東北過同穴枝間而鄭注復云烏鼠之山有鳥焉與鼠飛行而處之又有止而同穴之山焉是二山也抑近傳會矣渭有兩源並在甘肅蘭州府渭源縣境正源出縣西南烏鼠同穴山別源出縣西北南谷山分繞縣之南北至縣東合流為渭水許君主南谷別源不若杜林主烏鼠正源為較確鄭元渭水注亦以南谷水為正源烏鼠水為別源且惑于地說之義而又誤以南谷為同穴皆失之首陽故縣在今渭源縣東北船司空今陝西同州府華陰縣東北過郡四徐氏松西咸傳補注謂隴西天水有扶風京兆尹是也雖指云自長安以東古渭水之經流當行今渭水之北不知何代漸堙而遂以渭渠為經流其自鑿城隴關以下則後魏時猶未改鑿雖隴關又不知何年漸堙而徒從緡城之南與渭渠合而為一條漢船司空城在今華陰縣東北五十里而隋唐之永豐倉在今縣東會于鄠日東北三十五里則渭口亦移而南非昔之渭口矣東會于鄠日作禮又東至于涇述曰至當作會夏紀作又東北至于涇至

又東過漆沮入于河述曰夏紀無又字道洛自熊耳引農郡上雒雒水

出豕領山東北至鞏人河過郡二行千七十里熊耳山在東北

述曰洛當作雒郡國志京兆尹上雒侯國有家領山雒水出故
屬弘農春秋釋例雒出上洛縣家領山東北經弘農至河南鞏
縣人于河本漢志云雒水出冢領山而下文又云熊耳獲與
山在東北蓋家領熊耳獲與皆禹貢之熊耳漢代分而為三耳
淮南子陰形訓雒出熊耳高注熊耳山在京師上雒西北也尤
與經指合鄭元注水經洛水云地理志曰洛出冢領山山海經
曰雒舉之山洛水出焉雒水又東與獲水合又
東逕熊耳山禹貢所謂導洛自熊耳據鄭氏禹貢注謂凡言導
者發源乎上未成流凡言自者亦發源乎上未成流如酈所說
真經文自字不合酈氏注道山熊耳云地理志熊耳在盧氏東
而禹貢山水澤地所在亦云熊耳山在弘農盧氏縣東不知道
山之熊耳卽道水之熊耳在盧氏西不與盧氏東熊耳相涉
邵子辯熊耳詩昔禹別九州導洛自熊耳熊耳自有兩未審孰
爲是東者近成周西者隔丹水書傳稱上洛斯言得之矣根據
漢志極與經指相合上雒故縣卽今陝西商州治鞏今河南河
南府鞏縣西南盧氏今陝州盧氏縣治過鄆二謂弘農河南也
東北會于澗澗又東會于伊又東北入于河述曰夏紀東九州
迺同述曰通夏紀作攸案上文陽鳥逕居鄭水逕同紀前四與
作所川故訓字則此當亦然今作攸後人據攸書改四與
既宅述曰說文與方之士可定凡者也似假从土與聲攸古
文與漢志作與者倉頡古文作攸孔壁古文假與爲之注

簡云塲古文塲字見尙書矣也玉篇土部引夏書四塲與宅蓋

本校書段氏王裁援以爲古文作塲之證非夏紀亦作與今文

與古文同也大傳塲與正作與今九山棐旅夏紀作棐棐古

本尙書作與誤宅紀作居蓋故訓字

文渠今文九川滌原九澤既陂四海會同六府孔修述曰夏紀

校書作刊

訓庶土交正述曰夏紀庶底慎財賦述曰夏紀底咸則三壤成

字賦中國述曰國夏紀同錫土姓述曰錫夏祇台德先不距朕行

賦中國校書作邦下同

五百里甸服百里賦內總述曰夏紀內作納內古文納今文下

古文是也尙書釋二百里內錫三百里內夏服述曰禮器莞簞

文納本又作內

設鄭注穗去實曰韞禹貢三百里納韞服夏古四百里粟五百

文韞今文夏紀本作韞今作韞後人據校書改

里米五百里侯服百里采二百里男國述曰男夏紀作任男古

史記引禹貢二百里任國男任二字蓋通用翁氏元圻注云九

經古義曰自虎通引書云侯甸任衛作國伯今酒誥作男白虎

通又云南之言任也今文尙書皆以任爲南大戴禮本命篇蔡

邕獨斷皆曰男者任也案校書作男與古文合白虎通引書作

任蓋本今文撰異云志本作三百里諸侯五百里綏服三百里任或用古文尙書改之非也

揆文教二百里奮武衛五百里要服三百里夷二百里蔡五百

里荒服三百里蠻二百里流東漸于海西被于流沙朔南

引信之則爲及至之及泉魚之泉師古訓及謂與及之及湖南

泉之泉師古訓及謂及至之及也夏紀作賢自是假借字如周

語上求不賢之例近儒江氏聲尙書集注音疏丁氏傳魯齊述

得並以說文暨日頗見也之訓釋禹貢江謂南北當兩極之下

日或不及故以日見爲言所謂日見云者將斥日之當頂言之

即則冬至限日極南當今葛雷巴諸地在古南交之南遠甚而

夏至限日極北當今福建之臺灣廣東之潮州廣州廣西之梧州

南境耳將斥人之見日言之耶則雖南北兩極之下半年爲晝

半年爲夜其晝時亦未嘗不見日也則江說非也丁謂朔與南

以日頗見爲界兩極之下居人鮮少故朔南暨爲聲敘訖于四
海之證驗頗偏促也此處日不當頂人僅見其偏側耳丁欲證
明四海之義故以兩極之下爲說其實北極下北海在今俄羅
斯之北唐虞時不通中國而南海卽在南交之南亦不得遠至
南極下也且南交日正當頂何有日頗見之云則丁說亦非也

尚書小疏云朔南暨蓋蒙上二句之文謂朔及流沙南及海此
義實視二家爲勝鄭注南北不言所至容踰之謂朔踰圉都南
踰南交正聲教訖于四海禹錫玄圭告厥成功
與沈義合

禹貢班義述卷下

番陽沈寶樞初校黃澍覆校

漢糜水入尙龍谿考

附

漢書地理志牂柯郡西隨糜水西受徼外東至卷洽入尙龍谿
今按尙龍谿卽富良江其上流爲瀾滄江安南國圖謂之望一作

點

南君河糜水卽禮社江也西隨故縣在今雲南元江州東卷

洽故縣當在今越南國興化府西舊說謂在太原府西非也尙

龍谿源出今青海西南界格爾吉土司境格爾吉市噶那山滇

志之鹿石山曰格爾吉河東南流爲市楚河又東南流屈而西

南入前藏界又南至江卡爲瀾滄江又南入雲南界又東南至

維西廳西南分出工江合東劍海水爲漾濞江又東南至雲州

北漾濞江來入之

自分出土江至此皆近世改流俗謂之茫江古無是也

又東南至州東

又南流至鎮沅廳西北又西南至孟班土司西又東南流爲九

龍江又東南至車里土司東北屈而南至孟龍土司東北又東

南至孟崙土司東南入南掌國界又東南至把邊寨北鈕元南

又東南流三百餘里入暹羅國界又東南至羅甸東北又東至

車里北又東北屈而東南入越南國界為洮江明史安南列傳

岸大清一統志引舊志云洮水即富良江上流其北為宣化

江南為沱江所謂三江者也顧氏祖禹方輿紀要同故古今圖

書集成引明外史安南傳云東西又東至程潤洞北皇清通

二都特宣江施江富良江以為險又東至程潤洞北考由蒙自

經蓮花灘入程潤其北岸則河陽隘皇清通考由河陽隘循

洞循洮江源右岸其北岸則河陽隘洮江源左岸粵中見聞自

河陽隘人循南岸則石隴也粵中見聞自蒙自縣人經又東至

洮江右岸南岸則石隴也蓮花灘以抵交趾之石隴又東至

華貫北又東至歸化府北又東南至臨洮府西北又東過府北

又東南至古多邦城西北明史安南傳於多邦隘城柵連九百

餘里明外史沐晟次洮江北岸與多

邦城對壘按明一統志安南國土產考蘇木一名多邦是此城

取名于蘇木也司獄雲謹案元史地理志安南附錄天長府名

多墨鄉陳氏建行宮于此
多墨即多邦墨邦聲之轉
糜水北來入之漢志糜水東至登冷

入尙龍谿即此
劉嶽雲謹案尙龍谿安南志略謂之撞龍尙撞音近
尙龍谿又東過興化

府北又東過白鶴縣南爲白鶴江一名白鶴浦
明史明外史安南傳並云李彬

軍自雲南
至白鶴
又東爲富良江
元史安南列傳官兵縛檝爲橋渡富良江明一統志

富良江一名瀘江上接三帶州白鶴江下通利仁縣大黃江以
達於海宋郭遠破蠻決里隘次富良江
皇清通考交州獨倚

富良江
爲天險
南出一支爲三岐江
舊志方輿紀要並云自興化一日至白鶴神廟三岐江
東南

流至莅仁府西北爲大黃江
元史安南郡縣附錄有大黃江路當即以此得名按舊唐書地理志

安南都督府東至朱鳶縣界小黃江口水路
五百里然則大黃江者對小黃江言之也
尙龍谿又東過慈

廉縣北又東至營山縣西北寶爲浪泊
後漢書馬援傳交趾女子徵側及女弟徵貳反

璽書拜援伏波將
軍軍至浪泊上
其東南即交州府治是曰越南東都
越南故

本朝嘉慶七年改元史安南傳遂調兵渡江壁於安南城下
即此
皇清通考安南國治距
京師萬有千一百六十五里

亦曰東京

魏氏源聖武記安南所都曰東京即唐交州都護治所陳氏倫炯海國聞見錄以交趾為東京廣南為西

京 尚龍谿于治西北分為二支一支南出為玉球江

明一統志大清一

統志並云海潮江自阿魯江分流下通玉球江昔陳氏破占城軍處

東南至平陸縣北合洪江

云潮洪江至快州方輿紀要同

又東南至其縣東會大黃江一支即經流東過

東都北為來蘇江一日蘇歷江

明一統志大清一統志並云來蘇江舊名蘇歷江昔有人名

蘇歷者問此故名

一日阿魯江一日阿勞江

舊唐書地理志安南都督府北至朱

永樂初更名來蘇

又東為鹹子關

舊志方輿紀要並云經鹹子關以入

圖書集成引邱濬平定交南錄云再破鹹子關明史明外史安

南傳並云即出攻盤灘鹹子關扼三江府往來孔道寇交州近

境按平定交南錄又云我若回軍交州雷兵於鹹水關即鹹子

關也顧氏炎武天下郡國利病書潮洪江至快州經鹹子關以

人獻鹹一分為二支一支南出為洪江即海潮江一名朱鳶江

聲之轉

元和郡縣圖志交州朱鳶縣朱鳶江去縣一里按唐朱鳶故縣在今交州府東南

東南至平陸縣北復

岐二股一股西南會玉球江一股東至下洪府東北會平灘黃

徑等江

舊志方輿紀要並云復經至靈縣遇黃徑平灘等江郡國利病書云自白蘇海口而入過黃徑平灘等江自安

陽海口而入亦經黃徑平灘等江

一支卽經流東流至上洪府北分爲二支一

支東南流爲平灘江一支北流市橋江昌江合流北來入之

舊志

皇清通考方輿紀要並云市橋江在安越縣境中昌江之南明史明外史安南傳云遂造浮橋於昌江以濟又云賊以昌江爲大軍往來要道舊志方輿紀要並云一日至保祿縣半日渡昌江皇清通考云渡昌江凡三日至市橋江又屈而

東南流爲黃徑江又東南過廣東府北又東南至府東南合平

灘江黃平既合之後又分爲二支一支岐爲二股一股東流至

塗山口入海

舊志方輿紀要並云又南至塗山海口皇清通考云有白藤安陽塗山多漁諸海口

一股

東南流至多漁口入海

舊志郡國利病書方輿紀要並云南至多漁海口

一支南流洪

江西來入之卽上所云洪江會平灘黃徑等江者是又南流西

會大黃江又東南流屈而東由太平口入海

宋史交趾列傳丁承正以船九艘卒

三百人至太平軍來迎山海口入大海明史明外史安南傳追
破景異太平海口獲其黨范必栗平定交南錄乘勝擊之于太
平海口舊志云多漁商爲太平歐羅巴人原謚海國圖志曰眉
海口郡國利病書方輿紀要同

公河爲安南最鉅之河道發源雲南南經巴爾門而注之海魏
氏源重輯本注云眉公河似指富良江其上游卽雲南之瀾滄
江經安南入海海國圖志又曰緬甸北隅之彌南河發源雲南
歷暹羅之曼谷國都出海魏氏源云彌南河當卽雲南之瀾滄
江至暹羅土名黃河水極膏沃葉氏鍾進寄味山房雜記嘉慶
十一年間大班喇弗探知安南東京有內訌親往孟甲刺約
其兵船直趨富良江海口皆卽此尙龍谿入海之口矣攷水經
葉榆河篇云益州葉榆河出其縣北界屈從縣東北流過不韋

縣酈注不韋縣北去葉榆六東南出益州界入牂柯郡西隨縣

止爲西隨水酈嶽雲詳案明又東出進桑關過交趾卷一百九十九云吐番有可跋海去

按此亦蒼冷在興化府西分爲五水絡交趾郡中至南界復合

爲三水東入海三岐江玉球江洪江平灘江黃徑江卽水經所

云分爲五水絡交趾郡中者也一由塗山海口一由多漁海口

一由太平海口卽水經所云至南界復合爲三水入海者也經

先言分爲五水後言合爲三水而酈注于蒼冷縣下卽敘三水

而遺五水蓋道元身仕北魏交州水道非由目驗故未足爲據

耳經所云葉榆河卽禮社江舊發源于雲南大理府浪穹縣東

止東南潞爲洱海漢志謂之葉榆澤西南出爲西洱河與西北

徼外之可跋江合杜佑通典卷一百九十九云吐番有可跋海去

赤嶺百里方圓七十里東南流入蠻與蠻西二河合流而東

河卽西號爲漾濞水方輿紀要云漾濞河源出西番境內可跋海又東南出會川爲

瀘水焉可跋江西洱河合流之處在今大理府太和縣南境舊

從太和南東流過趙州南卽通輿所云合流而東號爲漾濞水

者也通輿又云又東南出會川爲瀘水當在今雲南縣北境瀘

水又東南赤水河西北來入之又東南陽江西北來入之又東

南至元江州東北卽水經所云東南入牂柯郡西隨縣北爲西

隨水者也漢志綴廩水于西隨下正與水經合又東南流至州

東南卽水經所云又東出進桑關者也進桑關在州東南又東南至納

更土司東南入越南國空高部界又東過羣巖州北又東至大

蠻縣北屈而東南至文郎縣西宣化江西北來入之又東南屈

而西南至古多邦城西北流注尙龍谿此卽漢志所云糜水東
至蒼冷人尙龍谿者也水經以葉榆河當今富良江之源而不
知瀾滄江實富良江之源爲漢志之尙龍谿禮社江則漢志之
糜水也自可跋江上源絕流上江首受瀾滄東南山可跋江故
瀾東合西洱河南入瀾滄江今亦曰漾濞江與古道異矣而不東注于是太
和東南歷趙州至雲南縣東南之故道遂潭禮社江祇以赤水
河陽江爲二源而水經之葉榆河其故道不可考矣

禹貢班義述成於道光庚戌不數年而河決銅瓦廂東北徙由
大小清河入海滄桑之變感慨係之歲壬子劉君珮卿得明一
統圖交州山川郡縣備具於斯與海國圖志安南國合特南北
異嚮耳嘗據兩圖考漢糜水尙龍谿以班志水經證之若符會
焉越南而邇近爲法夷所據而劉君所藏圖已需落無存海國
圖志續刊本安南圖復在剛雄之列吁可惜也說者謂瀾滄江
卽梁州之黑水或又以富良江爲入南海之黑水而以耗軍洞
當三危之目蒙雖未敢據信然南交在唐虞時實隸版圖未必
非禹蹟所經爰錄是篇附諸卷末以俟後賢訂正云光緒庚辰
秋儒自跋